

371.4

U-94y

19451

191

2011



---

ԼՈՒՍԱՂԲԻՒՐ

ՏՈՂՄԱՅԻՆ ԴԱՍՏԻԱՐԱԿՈՒԹԵԱՆ

---

Յ Ա Ռ Ա Ջ Ա Բ Ա Ն

«ԿՈՒՋԵՄ ԿԵԱՆՔՍ ԱՆՅԸՆԵԼ ԶԱՆՈՒՔ ԿՐԹԵԼՈՎ,  
ԱՆՈՆՅ ՊԻՏԻ ՆՄԱՆԻՄ, ՈՐՊԵՍ ԶԻ ՀԱՍԿԱԼԻ  
ԸՆԵՄ ԻՐԵՆՅ ԻՆՉ ՈՐ ՈՒՍԱԾ ԵՄ:»

\*\*\*

Քաջալերուած Լուսաղբիւր Միջին Դասընթացքի  
գտած ընդունելութենէն, կը հրատարակենք նաև  
Լուսաղբիւր Տարրական Դասընթացքը, պատրաստուած  
նախորդին ուղղութեամբ և աւելի խնամքով:

Ինչպէս Միջինին՝ նոյնպէս այս հաստիւն մէջ ջա-  
նացինք ամփոփել ներկայ ժամանակին հետ ազգային  
հետաքրքրական, ո՛րքան այժմէական՝ նոյնքան և  
ընդհանուր զարգացման նպաստող բարոյական, իրա-  
գիտական, պատմական և կրօնական նիւթեր, զորոնք  
զատուորած ենք այն կարգով որ մէկը միւսին յաջորդէ՝  
չարունակութեան ձեւին տակ զիրար լրացնելով:

Աւելորդ չենք նկատեր Միջինին մէջ մեր տուած  
կարգ մը մանկավարժական թեւագրութիւնները հոս  
եւս կրկնել՝ աւելի մանրամասն, անշուշտ մեր այն  
պաշտօնակիցներուն համար միայն՝ որոնք անոնցմէ  
օգտուելու պէտքը կը զգան:



113381-32

62.337-67

Դասագրքին պարունակած նիւթերուն իւրաքան-  
չիւրին յաջորդած են անհասկնալի Բաւերու բացա-  
ւոր իւրացները, որոնց նշանակութիւնները գործնական  
կերպով պէտք է սորվեցնել տղոց՝ ստանց ձանձրացը-  
նելու զանոնք: Բանաւոր կամ գրաւոր կերպով մտքե-  
լու արտայայտման համար բաւերու ճոխ պաշար ունե-  
նալը շատ կարեւոր է:

Թեւադուրիւն կամ Ընդլայնելի կէտերը յաճախ կա-  
րելի է մանրամասնելով բերանացի շարագրութեան վե-  
րածել:

Ընթերցանութեան Դասը շատ կարեւոր է. լաւ է  
ուշագրութեամբ հետեւիլ անոր սկիզբէն մինչև վերջը,  
աշակերտին կարգացնելով ըստ իմաստի և վարժ:  
Առաջին տարին երբ տղաքը տակաւին շատ ծանր  
և կմկմալով կը կարգան, գրեթէ նիւթին իմաստը  
չեն հասկնար. այդ պարագային ուսուցիչը պէտք է  
օգնէ անոնց՝ կրկնելով հատուածները իմաստին հա-  
մեմատ. նախ պէտք է ջանաց ուղիղ կարգաւ սորվեց-  
նել, յետոյ՝ կանոնաւոր և հետզհետէ գեղեցիկ, այն-  
պէս մը որ աշակերտը կարենայ լաւ արտայայտել իր  
միտքը:

Տղոց մէջ արթնցնելու համար գեղեցիկի գաղա-  
փարը, ուսուցիչը լաւ է որ անոնց աղէկ կարգացած  
հատուածները կրկնէ, ուշագրութիւն գործնելով բոլոր  
ներութիւններուն: Գեղեցիկ կարգալուծն կը նպաստէ  
նաև տրամախօսութիւններու մէջ տղոց դեր տալը  
(միմիայն աշակերտներու համար կազմակերպուած  
հանդէսներու մէջ), որ միեւնոյն ատեն թարմութիւն  
ու զուարթութիւն կուտայ անոնց և խմբական աշխա-  
տանքի կը վարժեցնէ զանոնք:

Բանաւոր թէ գրաւոր շարադրութեան կը նպաստէ վարժարանին մէջ աւանդուած միւս բոլոր առարկաներու զարգացումը :

Շարադրութեան դասը լաւ է աւանդել առաջին տարիէն իսկ երբ տղաքը ուղիղ կարդալ սկսած են : Առաջին աստիճանին կ'ըլլայ բանաւոր, ընտրելով այն տեսակ նիւթեր՝ որոնք ըլլան հետաքրքրական ու իրենց ծանօթ՝ առնուած մանկական և դպրոցական կեանքէ . զոր օրինակ , պտոյտ , հանդէս , տուն , պարտէզ , և այլն : Նախ մէկուն պատմել կը արուի պտոյտ մը , յետոյ երկրորդի մը , յետոյ երրորդի մը . աշակերտին խօսած միջոցին իրենց ընկերներուն կողմէ ուսուցչին օգնութեամբ կը սրբագրուի պատմուածքին աւելորդ կամ թերի կողմերը . այսպէսով նիւթը կը մշակուի հետզհետէ և տղաքն ալ գիտակից վերաբերմունք կ'ունենան իրենց սորվածին : Նկարագրական նիւթեր ընտրելու չէ : Շարագրութեան դասը սկիզբները կ'ըլլայ խիստ պարզ , բանաւոր և գործնական : Բ . աստիճանին հետզհետէ բանաւորին կը յաջորդէ գրաւորը . նախորդ դասերուն մէջ աշակերտներուն իւրացուցած ո և է մէկ նիւթը կ'ընտրուի և գրել կը արուի իրենց :

Բերականութեան դասը պէտք է աւանդել սկիզբները առանց զգացնելու : Ընթերցանութեան ժամանակ (մասնաւոր ընթերցումի ժամ քերականութեան ուսուցման համար) պատահած գործնական արժէք ունեցող քերականական օրէնքները բացատրել , խուսափելով խրթին անուններէ ու դարձուածքներէ . այսպէսով կամաց կամաց սորվեցնել գլխաւոր օրէնքները միայն . զոր օրինակ , անուն , ածական , եզակի ,

յոգնակի , բայ , ներկայ , անցեալ , ապառնի , և այլն :

Ուղղագրութեան համար առաջին և երկրորդ աստիճաններուն ո և է օրէնք կամ կանոն գրեթէ օգուտ չեն կրնար ունենալ . ուղղագրութիւն սորվեցնելու հիմնական սկզբունքն է շատ կարգացնել և շատ գրել տալը . ամէն միջոց ի գործ դնել որ աշակերտը սխալ չի տեսնէ , սխալ չի լսէ և սխալ չի գրէ : Երբ բան մը սրբագրել կ'ուզուի , գրապէս պէտք է խօսիլ՝ անմիջապէս ճիշդը ցոյց տալով : Պէտք չէ աշակերտին գրել տալ իր չգիտցածը՝ զայն սորվեցնելէ առաջ : Ուղղագրութեան կը նպաստէ նաեւ ընդօրինակութիւնը , պաշտօնաւ որ ընտրուած նիւթերը ըլլան հետաքրքրական , որպէս զի տղաքը չի ձանձրանան և գիտակցօրէն աշխատին :

\* \* \*

Իսկ մենք , եթէ կրցանք մեր Լուսապիւրհներով ազգին մանուկներուն զօյլն ծառայութիւն մը մատուցանել , այդ պիտի ըլլայ մեր հոգեկան վարձատրութիւնը :


Ա . Մ .

113381-Ա2

62337.67

աստէ  
րկա-

աջին  
մ են,  
ով այն  
ու ի-  
ական  
պար-  
տոյտ  
աշա-  
կողմէ  
ճքին  
Յը կը  
սրեր-  
ական  
կը-

Ճ  
"   
Հ  
Տ/ւ  
տս  
Ճ  
Ճ  
Ճ  
Պ  
Ն  
ՔԲ  
ս

Հ Ա Յ Ր Ե Ն Ի Ք Ը Տ Ե Ս Ա Ր Ա Ն Ս Ը

### 1. Հ Ա Յ Ր Ե Ն Ի Ք Ը

Գիտէ՞ք որն է ձեր հայրենիքը, աղա՛ք: Ձեր հայրենիքը Հայաստանն է, ուր Աստուած գրախորը հիմնած է, և որուն պանդանոթեան համար ձեր նախահայրերը իրենց կեանքը զոճած ու ձեր եղբայրները իրենց արիւնը թափած են:

Ասկէ գարեր սուս Պարսիկներն առին զայն մեր ձեռքէն, յետոյ Թուրքերը աիրացան անոր: Բայց Հայը չի գաղթեցաւ իր հայրենիքը սիրելէ, ու միշտ աշխատեցաւ անոր ազատութեան համար:

Այսօր, սիրելի՛ աղաք, ա՛լ ազատ է ձեր հայրենիքը, ա՛լ հոն չկան բռնակալ ձեռքեր, որոնք երկար

դարերէ ի վեր կը կողոպտէին մեզ, ամէն չարիք հասցնելով :

Տղա՛ք, ամէն բանէ առաջ պէտք է սիրէք ձեր հայրենիքը և աշխատիք ձեր ձեռքով վերաշինել ու շէնցնել զայն : « Հայրենիքին ծառայելը՝ իր անձին ծառայել ըսել է » :

Երբոր մեծնաք, ձեր ազատ հայրենիքին զինուորները պէտք է ըլլաք . այդ ձեր պարտքն է, ձեր հայրենիքը պաշտպանելու համար :

Ինչպէս որ մարդիկ միշտ պատրաստ են իրենց տունը, իրենց ընտանիքը պաշտպանելու թշնամիին դէմ, այնպէս ալ դուք պատրաստ պէտք է ըլլաք ձեր հայրենիքը պաշտպանելու թշնամիներուն դէմ :

Ահա՛ թէ ինչու դուք ալ պարտաւոր էք ձեր հայրենիքին ծառայել : Եւ երբ ամէնքդ ալ միեւնոյն սէրն ունենաք ձեր հայրենիքին հանդէպ, կրնաք վստահ ըլլալ որ ո՛ր և է բռնակալ կառավարութիւն չի պիտի կրնայ տիրել անոր :

Հայրենասէր անձ մը շատ աւելի կ'արժէ՝ քան թէ գանձ մը :

Հայրենասէր ազգն է որ ամենեւն աւելի կը լաւազդիմէ :

ԲԱՌԵՐ — նախահայր՝ առաջին ծնողք :

ԸՆԴԴԱՅՆԵԼԻ ԿԷՏԵՐ . — Ի՞նչ է հայրենիքը . — Մեր հայրենական պարտականութիւնները որո՞նք են . — Ի՞նչ գործեր ըրած են մեր նախահայրերը մեր հայրենիքին լաւութեան համար :

## 2. Հ Ա Յ Ր Ե Ն Ի Տ Ո Ւ Ն

Գիւղին ծայրը, վսակից քովիկ,  
Ծառերուն մօտ կանանչ զովիկ՝  
Խրնիք մը կայ համես, սիրուն —  
Իմ աննըման հայրենի տուն :

Կը բարախսն հոն անդադար  
Ջուխս մը սրտեր ինձի համար,  
Հօրքս, մօրքս անուշ սրտեր,  
Գոհարներու հետ չեմ փոխեր :

Օրօրօցքս հին ու ցածուկ,  
Հոն անկիւն մը կը գտնէք դուք,  
Հոն բացուեցան լեզուիս կապեր  
Նախկին քայլերս հոն եմ առեր :

Ուրախութիւն, հաճոյք ու սէր  
Հայրենի տունս են լեցուցեր,  
Արեւուն տակ չի կայ մէկ բան  
Իմ հայրենի տանըս նըման :

Գիւղին ծայրը, վտակին քովիկ,  
Ծառերուն մօտ կանանչ, զովիկ՝  
Միշտ կեցած է համեստ, սիրուն,  
Իմ պաշտելի հայրենի տուն :

Մ. ՊՈՆՏՍՅԻ

Ինչպէս չի կայ կրօն առանց քանարի, նոյնպէս չի կայ ընտանիք՝ առանց հայրենի տան :

ԲԱՌԵՐ — վսակ՝ պղտիկ գետ, խրնիք՝ գիւղական պղտիկ տուն, համես՝ չի զարդարուած, պարզ, բարախսել՝ սիրտին զարնելը, ջուխս՝ զոյգ, նախկին՝ առաջին :

ԹԵԼԱԳՐՈՒԹԻՒՆ . — Աշակերտներուն նկարագրել տալ իրենց հայրենի տուները , սէրն ու կարօտը , և այլն :

3. ԻՆՆՉՊԷՍ ՊԷՏԻ Լ ԿԱՐԳԱԼ

Ինչպէս որ կը խօսինք՝ այնպէս ալ պէտք է կարգանք :

Երբ Հրանդ կը կարգայ , շարունակ նոյն ձայնը կը հանէ , և ամէն մէկ բառին վրայ կը կենայ , կարծես թէ շունչը կը կտրի : Ատիկա օղէկ կարգալ է :

Անշուշտ ո՛չ :

Հիմայ մտիկ ըրէք իր քոյրը՝ Սաթենիկը՝ որ ընդհակառակը շատ շուտ կը կարգայ , բայց տեղ տեղ կը կենայ՝ երբոր usruակէսի կամ միջակէսի հանդիպի . և աւելի կանգ կ'առնէ , երբ խօսքը վերջակէսով կը լիննայ :

Արտաշէս ալ կարգալու ատեն պակասութիւն մը ունի . երբ որ կէտ կամ ստորակէտ չի կայ՝ ձայնը կը կտրէ որ շունչ առնէ . շատ անգամ բառին կէսը կ'արտասանէ ու դադրելէն ետքը նորէն կը սկսի : Կարգացածին խմատը առանց հասկնալու , երբեմն բարձր , երբեմն ցած ձայն կը հանէ . լսողը կը կարծէ թէ Արտաշէս կ'երգէ կամ կուլայ :

Իսկ Լեւոն կարգալու ատեն ցոյց կուտայ որ կարգացածը լաւ կը հասկնայ , ինչու որ խմատին համեմատ ձայնը կը փոխէ և լսողը կը կարծէ թէ Լեւոն իր գիրքին հետ կը խօսի , ինչպէս որ կը խօսի իր եղբորը կամ մօրը հետ :

Ինչո՞ւ համար Լեւոն լաւ կը կարգայ . պատճառն այն է որ ուշադիր մտիկ կ'ընէ երբ դասատուն դաս

կը բացատրէ , և անոր ձայնին հնչիւնները միտքը կը պահէ որպէսզի ինքն ալ անոր պէս կարգայ :

Հրանդ ու Արտաշէս ալ պիտի յաջողին Լեւոնին պէս կարգալ , եթէ անոր ուշադիր ըլլան :

ԲԱՌԵՐ — usruակէս՝ ( , ) , միջակէս՝ ( . ) , վերջակէս՝ ( : ) :

4. Ծ Ո Յ Լ Ը

Տղա՛ք , տես՛ք սա թռչունը որ թռեւեր ունի , բայց չի թռի , անա՛ ձուկ մըն ալ՝ որ լուրակներ ունի , բայց չի լողար : Միթէ ասոնք անպիտան արարածներ չե՞ն , որ Աստուծոյ տուածը չեն գործածեր :

Տես՛ք , սա աղօրեպանն ալ . իր ալօրին հովէն կը գառնայ , բայց ցորեն չի դնէր որ աղայ :

Ի՞նչ կ'ընէք , անմիտ չէ՞ այդ աղօրեպանը : Աւելի լաւ պիտի ընէր եթէ աղօրին խորտակէր և անոր հանած աղմուկը չի լսէր :

Տղա՛ք , եթէ գուռ ալ ձեր մտքին ու սրտին աղալու բան մը չի տար , այն անմիտ աղօրեպանին պիտի նմանիք :

Ձեր միտքը այն աղօրիին պէս պարապ տեղը պիտի գառնայ ու մաշի :

Եթէ տեսնէիք մարդ մը որ նաւակով փոթորկոտ ծովուն վրայ գտնուէր և չուզէ՛ր քի քաշել , ի՞նչ պիտի ըսէիք .

— Այս մարդը չուզէր ցամաք հասնիլ ու աղաւտիլ , պիտի խեղդուի :

Ո՛վ որ չաշխատիր , այսինքն չի թխալարեր , փոթորիկի կը բռնուի և կ'ընկղմի :

Ծուլութիւնը կը դժուարացնէ ամեն բան, իսկ աւելաւորութիւնը կը խոնարհեցնէ :

ԲԱՌԵՐ — լուղակ՝ ձուկին լողալու թեւերը, աղօրի՛ շաղագք, ցորեն աղալու մեքենայ, բի՛ նաւակը առաջ քշող փայտէ թեւեր :

ԸՆԴԼԱՅՆԵԼԻ ԿԷՏԵՐ .— Ի՞նչ վնասներ յառաջ կու գան ծուլութեամբ . — Ի՞նչպէս կրնանք դարմանել այդ հիւանդութիւնը :

5. ԱՍՏՈՒԾՈՅ ԱԶԳԸ

Արեւը մարը մտաւ . գիշերուան ցողը գետնին երեսը կը թրջէ : Օդը՝ որ կէս օրին այնքան տաք էր, հիմայ կը գովանայ :

Ծաղիկները իրենց սիրուն թերթերը կը գոցեն, գլուխնին կը ծոնն :

Վառեակները իրենց մօր թեւերուն տակ կը քնանան :

Թռչունները երգերնին զաղբեցուցեր են, և ծառերուն վրայ քառած կը հանգչին :

Փեթակներէն ձայն չելլեր, մեղունները թողած իրենց աշխատանքը՝ մոմէ սենեակներու մէջ կը քնանան :

Ոչխարները իրենց կակուղ բուրդին վրայ պառկեր են . ա՛լ չի լսուիր բլուրնետուն վրայ անոնց մայելը :

Տղաքն ալ մոռցած են իրենց խաղը . բնաւ ոտքի ձայն չի կայ . բոլոր արարածները կը քնանան, մարդերն ալ, անբաններն ալ :

Երկինք ու երկիր մութ է պատեր . — Գիշեր է :

Եւ ո՛վ է որ այս ամէն քնացողները կը հողայ, կը պաշտպանէ :

Կա՛յ աչք մը, որ քնանալ չունի՛, որ առանց արեւուն լոյսին կը տեսնէ . — Անիկա Աստուծոյ աչքն է, որ միշտ մեր վրայ կը հսկէ :

Ղ. ԱԼԻՇԱՆ

Գիտութիւնը վառած ջահ մը կը բռնէ, իսկ կրօնը՝ Աստուծոյ փողը կը հնչեցնէ : Ամեն բան Աստուծով :

ԲԱՌԵՐ — ցօղ՝ առաւօտուն իջնող բարակ անձրեւ, քառած՝ հանգչած, բլուր՝ պղտիկ լեռ, մայել՝ ոչխարին ձայնը, անբան՝ կենդանի, մութը պատել՝ ամէն կողմ մթնել :

ԹԵԼԱԳՐՈՒԹԻՒՆ .— Ընդլայնել Աստուծոյ մեծութիւնն ու բարիքները և ցոյց տալ Անոր գործերը :

6. ԱՍՏՈՒԱԾ ԱՄԷՆ ԲԱՆ ԿԸ ՍՏԵՂԾԷ

ՏՂԱՆ . — Ծաղիկներն ի՞նչպէս շինեց Աստուած, մայր, ո՞ւր գըտաւ գոյներն ամէնուն յարմար :

ՄԱՅՐԸ .— Տեսաւ որ աշխարհ զարգարանք չունէր, ժպտեցաւ, իսկոյն ծըլան ծաղիկներ :

ՏՂԱՆ . — Զարմա՛նք, ուրեմն ինչ կայ ըստեղծուած, Ամէնն ալ, մայրիկ, շինած է Աստուած :

ՄԱՅՐԸ .— Այո՛, ամէն բան, տըղաս, հողն ու ջուր, կըրակն, օդն ու լոյսն արեւին մաքուր . . . :

ՏՂԱՆ . — Հապա դո՞ւն, մայր, քե՞զ ալ ստեղծեց ան . . .

ՄԱՅՐԸ .— Անշո՛ւշտ. բայց ի՞նչ կայ որ կ'ապելիս այդքան.

ՏՂԱՆ . — Շինելու համար քեզ պէս պատուական Մայր մ'արգեօք ո՛րքան յոգնած է, ո՞րքան . . .

ԹԱՐԳՄ. Ա. ՓԱՆՈՍԵԱՆ

ԲԱՌԵՐ — ծլիլ՝ ծաղիկի, ապելի՝ շփոթիլ :

7. ՀԱՅ ԳԻՐԵՐԸ

Հայ եկեղեցին տարին անգամ մը կը տօնէ Մ. Սահակի և Ս. Մեսրոպի տօնը: Այդ Սուրբ Հայրապետները



Ս. ՍԱՀԱԿ

գտած են մեր լեզուին գիրերը: Լեզուի մը զարգացման ամենէն կարեւոր միջոցն է գիրը. գիրը չունենալով՝ չարտի կրնայինք իրարու հետ նաղորդակցիլ հե-



Ս. ՄԵՍՐՈՊ

62337-67



ուէն: Եթէ Ս. Սահակ և Ս. Մեսրոպ հնարած չըլլային հայ գիրերը, այօր, շատ պարզ է որ կորսընցուցած պիտի ըլլայինք մեր ազգութիւնը:

Ուստի, երբ աղայ մը կարգալ ու գրել սորվի պէտք է ձանչնայ մեր գիրերուն հետլինակները, և երախտագիտութեամբ յիշէ անոնց անունները:

Ս. Սահակ և Ս. Մեսրոպ ապրած են 500 տարի առաջ. այն դարը կոչուեցաւ Ոսկեդար, որովհետեւ նոյն դարուն մէջ ծաղկեցաւ հայ լեզուն ու եկեղեցին. Աստուածաշունչը և ուրիշ գիրքեր թարգմանուեցան և դպրոցներ բացուեցան:

Պէտք է ուսման նուիրենք մեր անձր ու անոր պատուական գանձովը զարգաբեցնենք մեր հոգին. մեկը չի կրնար մննէ յափճակել զայն, եւ որ կը պանպանուի րէ՛ կեանքին մէջ եւ րէ՛ անկէ յետոյ:

ԲԱՌԵՐ— հայրապետ՝ բարձրատիճան եկեղեցական, հաղորդակցիլ՝ հետուէն հետու իրարու հետ խօսիլ այլ և այլ միջոցներով, հետլինակ՝ հնարող, դարձ հարիւր տարի, ծաղկիլ՝ զարգանալ, յառաջգիմել:

ԸՆԴՂԱՅՆԵԼԻ ԿԷՏԵՐ.— Որո՞նք են մեր գիրերուն հեղինակները.— Եթէ հայ գիրերը հնարուած չըլլար՝ ի՞նչ պիտի ըլլար մեր վիճակը.— Հայ ազգը երախտագիտական ի՞նչ պարտականութիւններ ունի երկուսուրբերուն հանդէպ.— Ի՞նչ կոչուեցաւ անոնց ապրած դարը. ինչո՞ւ:

### Տ. Հ Ա Յ Ե Կ Ե Ղ Ե Յ Ի Ն

Եկեղեցին շէնք մը կամ հաստատութիւն մըն է, ուր մարդիկ կը հաւաքուին աղօթելու և իրենց պաշտած Աստուծոյն երկրպագութիւն ընելու համար: Ամէն



Հ Ա Յ Ե Կ Ե Ղ Ե Յ Ի Ն

հայ եկեղեցի քառանկիւնի ձևով շինուած և արեւելքէն դէպի արեւմուտք երկնցած է: Եկեղեցին երկու բաժանում ունի. առաջին բաժանումը յատկացուած է դպիրներու, քահանաներու կամ վարդապետ և եպիսկոպոսներու, որուն երկու կողմերը՝ աջ ու ձախ կը գտնուին երկու աւանդատուներ, ուր պաշտօնեաները կը զգեստաւորուին: Երկրորդ մասն է բեմը, որուն մէջտեղը կայ աւագ խորանը, և անոր աջ ու ձախ կողմերը՝ մէյմէկ փոքրիկ խորաններ: Աւագ խորանին

հայ եկեղեցի քառանկիւնի ձևով շինուած և արեւելքէն դէպի արեւմուտք երկնցած է: Եկեղեցին երկու բաժանում ունի. առաջին բաժանումը յատկացուած է դպիրներու, քահանաներու կամ վարդապետ և եպիսկոպոսներու, որուն երկու կողմերը՝ աջ ու ձախ

առջեւ պատարագ կը մատուցուի ամէն կիրակի և տօնի օրեր: Միւս բաժանումը յատկացուած է ժողովուրդին, ուր վերնատուն մըն ալ կայ կիներու համար:

Ամէն քրիստոնեայ պարտաւոր է եկեղեցի երթալ ու հոն աղօթել:

Գուք ալ, տղաք, երբ եկեղեցի կը մտնէք, անմիջապէս պէտք է ձեր գլխարկը հանէք ու երեսնիդ խաչակնքելով՝ ձեզի յատկացուած սեղը կենաք, զգուշանալով ձեր ընկերներուն հետ խօսելէ կամ ո և է անկարգութիւն ընելէ:

Պե՛տ է սիբել եկեղեցից, որովհետև ան պահպանած է մեր ազգը:

ԸՆԼՍՅՆԵԼԻ ԿԷՏԵՐ. — Ի՞նչ է եկեղեցին և ի՞նչ ընելու կ'երթանք հոն:

### 9. Տ Պ Ա Գ Ր Ո Ւ Թ Ե Ա Ն Գ Ի Ի Տ Ը

Այսօր ամէն դպրոցական ունի գիրքեր և կրնայ քիչ դրամով գնել գանձոնք: Բայց ասկէ տարիներ առաջ այնպէս չէր. գիրքերը ձեռքով կը գրուէին և անոր համար քիչ և սուղ էին: Միայն հարուստները կրնային ձեռագիրներ գնել, որով շատ մարդ չէր կրնար կարդալ սորվիլ:

Ասկէ գրեթէ հինգ հարիւր տարի առաջ, Յովհաննէս Կիւթեմպերկ անունով մարդ մը հնարեց տպագ-

րութիւնը հետեւեալ կերպով: Այբուբէնի գիրերը սեղանի մը վրայ շարեց, այնպէս մը որ բառեր ու խօսքեր կաղմեն, յետոյ իւրոտ մեղան քսեց անոնց վրայ, և թեթեւապէս թրջած թուղթ մը սեղմեց մամուլի տակ, այսպէսով գիրերը թուղթին վրայ ելան: Տպագրութիւնը հնարուած էր:



իակ հայ տպագրութեան նախահայրը եղաւ Մեղապարտ Յակոբ, որ տպագրութեան գիւտէն հարիւր

տարի վերջ, առաջին անգամ ըլլալով սկսաւ գիրքեր տպագրել վենետիկի մէջ: Անկէ ետքն էր որ, ուրիշ Հայեր, գիւտը տարին հայկական այլ և այլ քաղաքներ, ու այսպէս տարածուեցաւ ամէն կողմ:

Ով որ յարմար ժամանակին բարի գործ մը, օգտակար հրահանգ մը, իմասուն խրատ մը կուտայ, գանձ մը տուածէ աւելի կ'ըլլայ:

ԲԱՌԵՐ — մամուլ՝ տպագրութեան մեքենայ:

ԸՆԴՂԱՅՆԵԼԻ ԿԷՏԵՐ. — Ի՞նչ է տպագրութիւնը և ի՞նչ կերպով կրնանք օգտուիլ անկէ — Ո՞վ է աշխարհի տպագրութեան հնարիչը և ո՞վ է Հայ Տպագրութեան հանապետը:

10. ՄԷԿ ԺԱՄՈՒՆ ԱՐԺԷՔԸ

Խորհած էք բնաւ, տղա՛ք, թէ մէկ ժամը ի՞նչ արժէք ունի: Ժամացոյցը կը հնչէ և մտքովեիդ կ'ըսէք. — Ժամ մըն ալ անցաւ, և աւելին չէք խորհիր:

Սակայն գիտէ՞ք թէ ի՞նչ բաներ կատարուած են աշխարհի մէջ այդ մէկ ժամուն՝ զոր դուք գուցէ խաղով կամ ծուլութեամբ անցուցիք:

Սահող, անցնող այդ մէկ ժամուան մէջ, որքա՛ն մարդիկ աշխատած ու տառապած են. ոմանք դաշտերուն մէջ՝ կիզիչ արեւին տակ երկիրը հերկելով, ուրիշներ՝ մեծ քաղաքներու գործատուներուն մէջ կը տընին ֆրեսպոր ճակատով:

Որքա՛ն թանկագին են այն ժամերը, ուր մեծ մարդիկ, երկար տարիներու համբերատար աշխատու-

թեյնէ ետքը՝ իրենց նմաններուն կ'ընծայեն գիւտեր, որոնք մարդոց զարգացումը կը փութացնեն. օրինակ, տպագրութեան և գիրի գիւտը, երկաթուղիին և հեռագրի գիւտը և սակաւին ուրիշ կարգ մը գիւտեր:

Ամէն անգամ որ կը լսէք ժամացոյցին հնչելը, մտածեցէ՛ք տղա՛ք, թէ լաւ գործածեցի՞ք այդ ժամը:

Ժամանակը ոսկի է: Պարսպ ժամանակ անցընելը աւելի վնաս կը պատճառէ՝ քան ամենէն քաժանելի աշխատանք:

ԲԱՌԵՐ — տառապիլ՝ չարչարուիլ, յոգնիլ, կիզիչ այրող, ֆրեսպոր՝ քրտինքներու մէջ մնացած, ընծայել՝ նուիրել, տալ, փութացնել՝ անագործելով հասցնել:

ԸՆԴՂԱՅՆԵԼԻ ԿԷՏԵՐ. — Ինչե՞ր կը պատահին մէկ ժամուան մէջ — Ի՞նչ արդիւնք ձեռք կը բերուի տեսական աշխատութեամբ:

11. Մ Ա Յ Ր Ը

Մանուկը հազիւ թէ ծնած, արցունք թափել կուտայ իր մօրը: Խեղճ մանկիկ, տեսէք որքա՛ն տկար, մերկ, պզտիկ արարած մըն է ան. կը պոռայ ու կը նւայ: Ո՞վ պիտի խնամէ զայն:

— Իր մայրը, իր անուշիկ մայրը:

Պիտի գրկէ զայն իր թեւերուն մէջ, պիտի գըզուէ, անոր կաթ պիտի տայ որ զէս զի մեծնայ, պիտի հսկէ անոր վրայ, պիտի խնամէ զայն որ չհիւանդանայ:

Մօր մը սիրտը զգուանի գանձարան մըն է իր սովոց համար:

Տղա՛ք, չէ՞ք սեփած մայր մը որ գիշերն ի բուն հսկէ երբ ամէն ոք խոր քուննի մէջ է, և որ յաճախ մինակը նստած ճրագին դէմ՝ կար կը կարէ կամ գուլպայ կը հրատէ . . . :

Իր տղոց համար է որ կ'աշխատի, անոնց սիրոյն համար է որ իր հանգիստը կը մոռնայ :

Սիրեցէ՛ք ձեր մայրիկը և յարգեցէ՛ք զայն . երբէ՛ք մի ցաւցնէ՛ք անոր փափուկ սիրտը, և երբ ձերանայ, անոր նեցուկ եղէ՛ք, մի՛ լքե՛ք զայն :

Նմանեցէ՛ք ձեր մօրը, և անոր պէս նրաժառեցէ՛ք ոչ միայն չար գործելէ, այլ նաեւ չար բան մտածելէ :

Պատուեցէ՛ք ձեր ծնողքը ձեր խօսքերով, ձեր գործերով ու ամեն ճշտակ առաքինութիւններով :

ԲԱՌՆԻՐ — նալ՝ ալի աղի լալ, գգուանի՛ փայփայ յանք, շոյիլը, սիրելը, գանձարան՝ արժէքաւոր բաներ պահելու տեղ, գիշերն ի բուն՝ մինչեւ ատու, հսկել՝ արթուն մնալ, պահ պանել, նեցուկ՝ օգնական, օգտակար ըլլալ, լքել՝ երեսի վրայ ձգել :

ԸՆԴԻԱՅՆԵԼԻ ԿԷՏԵՐ — Ի՞նչ պարտականութիւններ ունիք ձեր մօր հանդէպ — Ի՞նչ պիտի կոչուէիք եթէ մայր չունենայիք և ի՞նչ պիտի ըլլար ձեր վիճակը այն ատեն :

12. ՈՐ ԲՆ ՈՒ ԳԹ ՈՒ ԹԻ Ի Ն

Երբ ձեր ծնողաց շուրջ կը բոլորուիք, Սիրուն տղաքներ, զո՛ւք մանչ ու աղջիկ, Խնձոր այտերնուդ վրայ համբոյրներ կը դրուեն ձեր ծնողաց շրթներ :

Կը դգուեն ըզձեզ իրենց գրկաց մէջ . Անուշ համբոյրներ կ'ընեն ելեւէջ, Կարծես ձեզ համար աստղերն ու արեւ Միայն կը փայլին ձեր գլխուն վերեւ :

Դուք բնաւ չունիք օրեր արամագին, Պէտք է հոգ ատնիք որբին, անոթին . Սիրուն տղաքներ, ան ալ ձեզի պէս Ունէր հայր ու մայր և ժպտուն երես :

Տեսէ՛ք, հագած է լաթեր հրնոսի, Դէմքըն է տխուր, փորն է անօթի, Խեղճը սրտակեղու չունի՛ անկողին . Անոր համար չէ՛ լոյսը արեւին :

Բարի՛ տղաքներ, որբն է սուսնձին, Տեղէ մը չունի յոյս մը իր անձին . Երբ զուք կը խայտափ ձեր ծնողաց շուրջ, Յիշեցէ՛ք որբին դէմքը արստուչ :

Եթէ այսօր հարուստ եք, կրնա՞ք աղքատաց վաղը զանազեք մնալ բարի եւ արդար :

ԲԱՌՆԻՐ — դրուել՝ փակցնել, վրան դնել, ելեւէջ՝ ելնել ու իջնել, անո՞՞ անտէր, մարդ չունեցող, ժպտուն՝ խնդումբերես, ուրախ դէմքով, հնոսի՛ հին ու մին, խայտալ՝ ուրախանալ, արստուչ՝ խեղճուկ, սրտին դաչող :

ԸՆԴԻԱՅՆԵԼԻ ԿԷՏԵՐ . — Նկարագրեցէ՛ք որբի մը վիճակը . — Ի՞նչ բաներէ զրկուած է ան . — Ի՞նչ կերպով կրնաք միտիթարել զայն . — Ի՞նչպէս պէտք է վարուիլ անոր հետ :

13. ԱՌԱԻՕՏԵԱՆ ՊԱՐՏԱԿԱՆՈՒԹԻՒՆՆԵՐՄ

Երբ առաւօտուն աչքերս կը բանամ, կը տեսնեմ որ գեղեցիկ արեգակը ծագեր ու անոր մեղմ ճառագայթները պատուհանէս ներս քափանցեւ են:

Անմիջապէս կը ցատկեմ անկողնէս ու կը հազնիմ զգեստներս, որոնք առջի իրիկուընէ կանոնաւորապէս զետեղած եմ անկողինիս քովիկը: Յետոյ աղուոր մը կը լուսցուիմ և առտուան աղօթքս ընելէ վերջ մօրս հրամանին կը սպասեմ: Եթէ ան ո՛ր և է հրաման մը ընէ, անմիջապէս կը կատարեմ զայն հնազանդութեամբ. ուրիշ վերջ, սեղանը պատրաստելով նախաճաշս կ'ընեմ. և երբ տեսնեմ թէ տակաւին ժամանակ կայ դպրոցի, քիչ մը դատերովս կը զբաղիմ, և մօրմէս հրաման առնելէ յետոյ, շիտակ դպրոց կ'ուղղուիմ՝ առանց հոս հոն դեգերելու փողոցին մէջ:

ԲԱՌԵՐ — քափանցել՝ ներս անցնիլ, դեգերիլ՝ ասդին անդին պտըտիլ:

12. Ա Ռ Ա Ի Օ Տ

Փայլուն արեւ լուսառոյ,  
Թըռաւ գիշերն մըքաւոյ,  
Ամէն կողմեր զուարթ ձայն  
Կ'արձագանգէ շուրջն հաւալն:

Այգը անուշ է ինծի,  
Փա՛ռք, ո՛վ Աստուած, փա՛ռք քեզի,  
Պահազան ինձ եղար դուն,  
Երբ նիրհեի անուշ քուն:

Երբ արթննամ, ինձ լսէ՛,  
Իմ օրհնութեան երգս այս է  
— Ամէն օր սիրաս քեզի յար  
Թո՛ղ աղօթէ սիրալաւ:

ԲԱՌԵՐ — լուսառոյ՝ փայլուն, մքաւոյ՝ մութ, արձագանգ՝ ձայնին կրկնութիւնը, հաւալն՝ ամբողջ, այգ՝ արշալոյս, առաւօտ, նիրհել՝ քնանալ, յար՝ միշտ, սիրալաւ՝ սրախն խորէն:

14. ԿԷՍ ՕՐԷՆ ՅԵՏՈՅ ԻՆՉ ԿՂՆԵՄ

Կէս օրուան ճաչէն յետոյ՝ երբ դպրոցին ժամանակը գայ, անմիջապէս պայուսակս կ'առնեմ ու դպրոց կը վազեմ: Հոն կը տեսնեմ որ ուսուցիչը եկած և իր տեղը նստած է ու բոլոր աշակերտները լուսն մունջ սերտողութեամբ կը զբաղին:

Իսկոյն գլխարկս հանելով կը յառաջանամ գէպի ուսուցիչը ու յարգանքով կը բարեւեմ զինքը և անձայն տեղս կը նստիմ: Պայուսակս դարակիս մէջ զնելէ յետոյ, գիրքս կամ տետրակս կը հանեմ ու կը սկսիմ կարգալ կամ գրել: Այդ պահուն կը զգուշանամ աջ ու ձախ նստող ընկերներս անձանգիստ ընելէ կամ անոնց հետ խօսակցելէ:

Երբ գատերը վերջանան և արձակուինք, կարգով կը մեկնինք մեր տուները:

ԸՆԴԻԱՅՆԵԼԻ ԿԷՏԵՐ. — Որո՞նք են ձեր պարտականութիւնները. — Պարտաճանաչ ըլլալով ի՞նչ արդիւնք ձեռք կը բերէք:

15. Ի Ր Ի Կ Ո Ի Ն

Մարեցաւ արփին  
Հիմայ վերափին,  
Ու ցողէն մաղուած,  
Խոտերն ալ են թայ:

Գոյն գոյն ծաղիկներ  
Բոյրով են ծածկեր  
Բաժակիկն ոսկի  
Ցօղերով առլի:

Թռչնիկներն ամէն  
Խաղաղ կը ներձեն,  
Ալ իրենց բոյնին  
Մէջը երգ չունին:

Գիշերը ուղջոյն  
Պէտք է որ ի քուն  
Մտափեմ ես խօր  
Մինչեւ այգանոր:

Պիտի չի վախնամ,  
Քանզի գիշերուան  
Մէջ մինչ առաւօտ  
Աստուած է մեզ մօտ:

ԲԱՌՆԲ — արփի՝ արեւ, մաղուիլ՝ բարակ բարակ  
իջնել, բոյ՝ հոտ, բաժակ՝ ծաղիկին թերթերը, առլի՝  
լեցուն, ուղջոյն՝ ամբողջ, մտափեմ՝ քնանալ, այգանոր՝  
նոր առաւօտ:

ԹԵՂԱԳՐՈՒԹԻՒՆ. — Նկարագրել տալ առաւօտն  
ու իրիկունը և բերանացի արձակի վերածել տալ  
երկու ոտանաւորը:

16. Ս Ի Ր Է՛ Ա Ջ Գ Դ

Սիրէ՛ ազգդ, հայորդի, որովհետեւ ազգն է որ կը  
պահէ հայրենիքը ու կը շէնցնէ զայն. փոխադարձաբար  
հայրենիքն ալ կը սնուցանէ ու կ'ապրեցնէ զայն:  
Եթէ Հայը զաղբեր իր հայրենիքը սիրելէ, իր ազգու-  
թիւնը կորսնցնելով, թափառական ժողովուրդ մը  
եղած պիտի ըլլար այսօր: Ազգն ու հայրենիքը կ'ապ-  
րին իրարմով և իրարու համար, ու ատով է որ կ'ա-  
պահովուի ազգին տեւական երջանկութիւնն ու փառքը:

Ուրեմն, հայորդիներ, պէտք է սիրէք ձեր ազգը,  
ազացուցանելու համար թէ զուք ամենքդ ալ ձեր նա-  
խահայրերուն արժանի զաւակներն էք:

17. Հ Ա Յ Ա Ղ Ջ Ի Կ Ը

Ազջիկ մը տեսայ, քոյրեր,  
Որ պարզութիւն կը բուրէր,  
Ու հարցուցի. — Ան ս՞վ էր,  
— Հայ ազջիկը մաքրատէր:

Ազջիկ մը տեսայ, քոյրեր,  
Համեստութիւն կը բուրէր:  
Ու հարցուցի. — Ան ս՞վ էր,  
— Հայ ազջիկը սրբանուէր:

Ազջիկ մը տեսայ, քոյրեր,  
Որ համակ խանդ կը բուրէր,



Հ Ա Յ Ո Ւ Հ Ի Ն

Ու հարցուցի .— Ան ո՞վ էր ,  
— Հայ աղջիկը ազգանուէր :

Աղջիկ մը տեսայ , քոյրե՛ր ,  
Իմաստութիւն կը բուրէր .  
Ու հարցուցի .— Ան ո՞վ էր .  
— Հայ կոյսը Աստուածանուէր :

Աղջիկ մը տեսայ , քոյրե՛ր ,  
Շնորհ ու սէր կը բուրէր ,  
Ու հարցուցի .— Ան ո՞վ էր .  
— Հայ աղջիկը կրօնանուէր :

ԲԱՌԵՐ — սրբանուէր՝ սուրբ , համակ՝ ամբողջ ,  
խանդ՝ եռանդ , աշխոյժ , իմաստութիւն՝ խելք :

ԸՆԴՂԱՅՆԵԼԻ ԿԷՏԵՐ . — Ի՞նչպէս պէտք է ըլլայ  
Հայունի մը :

### 18. Հ Ն Ա Չ Ա Ն Դ Ա Ղ Չ Ի Կ Ը

Օր մը , Սաթենիկ նստած կ'աշխատէր , երբ իր  
ընկերուէին՝ Անահիտ՝ իր քով գալով , ըսաւ .

— Սաթենիկ , այս գէղեցիկ օգին տանը մէջ ինչ  
չօ՛ւ բանասարկուեր ես . եկո՛ւր միասին խաղանք :

— Մայրիկս պատուիրեց որ դասերս պատրաստելէ  
տաաջ գուրս չելլեմ , պատասխանեց Սաթենիկ հասա-  
ստութեամբ , և քարետախտակին վրայ ծռելով շա-  
րունակեց աշխատիլ :

Անահիտ՝ որ խաղը շատ կը սիրէր , չի հեռացաւ :

— Ո՛հ , աղաղակեց , անտանելի բան է այդպէս  
սուսը կենալ աշխատիլը . եկո՛ւր քիչ մը խաղանք .

մայրիկդ արդէն պտոյտի գացած է, մինչեւ վերադառնալը մեր խաղը լինցած կ'ըլլայ ու ոչինչ կը գիտնայ. եկուր, տե՛ս մեր փոքրիկ կատուի ձագերը:

Սաթենիկ նախ փորձուեցաւ համոզուիլ, բայց երբ կը պատրաստուէր դուրս ելլել, յիշեց իր ուսուցչուհին խօսքերը, և ետ կեցաւ, ըսելով.

— Չէ՛, չե՛մ գար: Այո՛, կրնամ մայրս խաբել, բայց Սատուած՝ ո՛չ. ու վերսկսաւ իր ընդհատ գործը:

Անահիտ վշտացած հեռացաւ:

Քիչ վերջը, Սաթենիկ շատ ուրախ եղաւ երբ տեսաւ որ իր գործը աւարտած էր. դուրս վազեց լայն շունչ մը առնելու, և ահա՛ տեսաւ որ մայրիկը սրտոյտէն կը վերադառնար. ոստումով մը յառաջ վազեց և ուրախ դէմքով ըսաւ անոր.

— Որքա՛ն ուրախ եմ, մայրիկ, որ դասս ամբողջ պատրաստեցի:

Մայրը գգուեց պղտիկ Սաթենիկը, որ հնազանդ գտնուելով՝ դասերը լաւ պատրաստած ու նորէ՛ն ժամանակ գտած էր խաղալու:

Չանձուրեան դեղը աշխատութիւնն է, և ոչ քե հանայր:

ԲԱՌԵՐ — հաստատման արժէքն էր ըլլալ, իր որոշածը ընել, ընդհատած՝ կէս ձգած:

ԸՆԴՂԱՅՆԵԼԻ ԿԵՏԵՐ. — Ի՞նչպէս կրնաք յաղթել դէ՛ ընկերներու. — Ծնողաց պէտք է հնազանդիլ թէ ընկերներու. — Ի՞նչ օգուտ կ'ունենաք առաջինը ընելով, և ինչ՝ երկրորդը ընելով:

### 19. ԱՍԵՂԻ ՄԸ ԽՐԱՏՆԵՐԸ

Փոքրիկ աղջիկ, մաիկ ըրէ ասեղիդ խրատները. «Ես քեզի համար ճշմարիտ բարեկամ մըն եմ, ու մեր բարեկամութիւնը տեսական պիտի ըլլայ, երկար տարիներ մենք իրարմէ անբաժան պիտի մնանք:

«Երբ դեռ շատ փոքր էիր, մայրիկդ քեզի հագուստներ կարեց, պատսպարելու համար ցուբաէն. գուլպաներդ ինձմով հիւսեց ու նորոգեց մաշած մասերը: Հիմայ ես եմ որ մայրիկիդ միջոցաւ քեզի պիտի սորվեցնեմ նոյն բաները ու սպազայ տան տիկինի պաշտօնէ, որովհետեւ, այն օրէն որ սկսար զիս գործածել՝ օգտակար եղար արդէն: Ես քու աշխատութեանէ խորհրդանշանն եմ. աշխատութիւնը կեանքն ու նոյն իսկ երջանկութիւնն է:

«Աշխարհի բոլոր գործարարները ինձմով է որ կը պատրաստեն հագուստներդ, կոշիկներդ, գլխարկներդ և ուրիշ շատ մը պէտքերդ:

«Ձիս քու փափուկ ձեռքիդ մէջ գնելու համար, հազարաւոր մարդիկ ահագին խորութեամբ հողը փորած ու գուրս հանած են կոշտ մետաղ մը, զոր ձուլելով և դտելով փայլեցուցած ու թեթեւցուցած են, ինչպէս որ կը տեսնես:

Ուրեմն, փոքրիկ աղջիկ, ինչպէս որ ամէն մարդ աշխատած է քեզի համար, դուն ալ քու կարգիդ պէտք է աշխատիս մայրիկիդ յոգնութիւնը թեթեւ ջընելու համար:

ԲԱՌԵՐ — խորհրդանշան՝ ապացոյցի նշան:

20. ՇԱՏԱԽՕՍՈՒԹԵԱՆ ՓՈՐՉԱՆԻՐ

Ծովու կրիայ մը կ'ապրէր բլուրի մը ստորսը, լճակի մը մէջ: Երկու վայրի սագեր, հոս ու հոն ուտակիք փնտռելու ելլելով, տեսան կրիան և սկսան խօսիլ հեռը: Յաջորդ օրը սագերը նորէն եկան այցելեցին կրիային և այնքան մտերմացան հեռը որ, շատ չանցած սերս բարեկամներ եղան:

— Կրիայ ընկեր, բառ սագերէն մէկը, մենք շատ հեռուն գեղեցիկ տուն մը ունինք, վաղը թռչելով այնտեղ պիտի երթանք. երկար բայց հաճելի ճամբորդութիւն մը պիտի ըլլայ. կ'ուզե՞ս մեզի ընկերանալ:

— Ի՞նչպէս կրնամ գալ, թռչելու թևեր չունիմ, պատասխանեց կրիան:

— Ո՞հ, մենք կը տանինք քեզ, միայն թէ բերանդ գոց պիտի պահես, ու բա՛ն մը անգամ չպիտի խօսիս ոչ մէկուն, ըսին սագերը:

— Ատիկա շատ գիւրբին է, աւելցուց կրիան. զիս միասին տարէք, ճիշդ ձեր ուզածին պէս պիտի վարուիմ:

21. Բ.

Յաջորդ օրը սագերը գաւազան մը բերին և անոր երկու ծայրերէն բռնեցին:

— Հիմա դուն ալ ճիշդ գաւազանին մէջտեղէն խա՛ծ, ըսին կրիային, բայց չըլլայ որ բառ մը հանես բերնէդ, մինչեւ որ տեղերնիս հասնինք:

Այս ըսելէն ետքը, սագերը սկսան թռչիլ օդին մէջ, միասին տանելով կրիան որ ամուր մը խածեր էր գաւազանին մէջտեղէն:

Գիւղացի տղաքներ տեսնելով երկու սագերը որոնք կը թռչէին կրիային հետ, սկսան պօռալ:

— Ո՞հ, ո՞հ, տեսէ՛ք, կրիան կը թռչի օդին մէջ. նայեցէ՛ք, սագերը գաւազանին երկու ծայրէն բռնած՝ կրիայ մը կը տանին: Կեանքերնուդ մէջ ասանկ զուարճալի բան տեսե՞ր էիք:

Կրիան վար նայելով՝ պատասխանեց.

— Չեզի ի՞նչ, դուք ի՞նչ կը խառնուիք թէ իմ ընկերներս զիս մէկտեղ կը տանին:

Բայց խեղճ կրիան, տակաւին խօսքը չաւարտած, անագին բարձրութենէն վար ինկաւ և մեռաւ տղոցը ոտքերուն տակ: Սագերը վար իջան և լսեցին անոր բոլորտիքը հաւաքուած մարդիկը որ կ'ըսէին.

— Ընկեր կրիան չկրցաւ գոց պահել իր բերանը. պէտք չեղած տեղը խօսիլ ուզեց և կեանքը վրայ առաւ:

Երկու անգամ խոբե՛ խօսելէ առաջ, այսպէս երկու անգամ աւելի լաւ վիճակ պիտի ունենաս:

ԲԱՌԵՐ — ստորս՝ վարի մասը, սերս՝ մտերիմ, մօտէն:

ԸՆԴԻԱՅՆՆԵԼԻ ԿԷՏԵՐ. — Ի՞նչ վնասներ կ'ունենաք շատախօսութեան հետեւանքով և ի՞նչ օգուտներ՝ լուրջ ըլլալով:

22. ՔԱՂԱՔԱՅԻՆ ԵՒ ԳԻՒՂԱՅԻՆ

Քաղաքացին ու գիւղացին,  
Ճամբայ ելան միասին

Գիւղ երթալու,  
Գիւղն էր հեռու.

Չունէին ձի կամ աւանակ:

Հետիոսրն, երկար բարակ

Խօսակցութեան նիւթեր բացին,

Եւ բաւական առաջ գացին:

Քաղաքացին, մի բանիբուն,

Ամէն բանի տեղեակ, գիտուն

Ըրաւ յանկարծ հարց մը սապէս.

— Քանի՞ տեսակ քալուածք գիտես:

— Մի կերպ միայն:

— «Վա՛յ անպիտան,

Գիւղացի տըգէտ,

Օրինակ առ գէթ

Քիչ մ'իմամէ դուն,

Որ վարժատուն

Եւ մարդարան եմ աւարտեր,

Ուսեր ամէն կերպ քալուածքներ՝

Սովորական,

Զինուորական,

Յուղարկաւորի և հարսնիքի:

Ո՞ր մէկը պատմեմ, հազար վա՛յ քեզի:

Թէ յոգնիմ մէկ տեսակով,

Միւսը պատրաստ է շուտով:

Եւ փոխն ի փոխ օրն ի բուն,

Ես չեմ ըզդար յոգնութիւն:»

Գիւղացին անձայն

Կ'երթար իր ճամբան:

23. Բ.

Օգն էր սաստիկ տաք, ճամբան շա՛տ երկար.

Մեր քաղաքացին որքան էր հընար,

Քալեց, չը կեցաւ,

Բայց շուտ յոգնեցաւ.

Գիտցածներըն ամէն

Հատեր էին արդէն:

Ճամբան երկար,

Վերջը չիկար.

Շատ ետ մընաց իր ընկերէն:

Ա՛լ ուրիշ ճար չիկար իրեն

Թէ ոչ նըստիլ,

Մի քիչ հանգչիլ:

Իսկ գիւղացին դառնալով ետ,

Ըսաւ. — «Թէպէտ անուս, տըգէտ,

Ո՛չ մարդարան,

Ո՛չ վարժարան

Ես քեզ նըման աւարտեր եմ,

Բայց այսքանը խիտ լաւ գիտեմ.

Լաւ է մարդ գիտնայ մէկ բան հիմնապէս,

Քան թէ շատ բաներ՝ անկատար ու կէս:»

Ս. Տ.

ԲԱՌԵՐ — հետիոսն՝ ոտքով, բանիբուն՝ իմաստուն,  
յուղարկաւոր՝ մեռելին կտուէն գացող:

24. Հ Ա Մ Ե Ս Տ Ո Ի Թ Ի Ի Ն

Երբ տղայ մը ինքզինքը կը գովէ, կամ իր վրայ շատ կը խօսի ու կը պարծենայ՝ ուրիշներուն ծիծաղը կը շարժէ: Ուստի, պէտք է ո՛չ միայն համեստ ըլլալ, այլ նաև ուրիշներուն տուած գովեստը խոնարհութեամբ ընդունիլ: Արժանիք ունեցող մարդն անգամ երբ ինքզինքը կը գովէ՝ ուրիշներուն համարումը կը կորսնցնէ, ո՛ւր մնաց ինքնահաւան, ագէտ ու անարժան մարդը, որ գոռոզութեամբ կը կարծէ թէ ամէն բան գիտէ, և ամէն ձիւրք ունի:

Պէտք չէ որ մարդ իր վրայ մեծ համարում ունենայ, և ուրիշներուն կարծիքը արհամարհէ, որովհետև իր կարծիքն ալ կրնայ սխալ ըլլալ: Պէտք է մարդ միշտ մտածէ թէ՛ ո՛րչափ լաւ յատկութիւններ ունենայ ինք՝ իրմէ աւելի՛ բարի, աւելի՛ արդարասէր, աւելի՛ ազնիւ և աւելի՛ խելացի մարդիկ կրնան գտնուիլ աշխարհիս վրայ:


Ինքնագովութիւնը գեշ հիւանդութիւն մըն է, իսկ համեստութիւնը մարդու ամենագովելի ձիւրքերէն մէկն է:

ԲԱՌԵՐ — համարում՝ վստահութիւն, գոռոզ՝ հրպարտ, մեծամիտ, ձիւրք՝ յատկութիւն, կարողութիւն, արհամարհել՝ կարեւորութիւն չի տալ:

ԸՆԴՂԱՅՆԵԼԻ ԿԻՏԵՐ. — Համեստ ըլլալով ի՞նչ արդիւնք կրնանք ձեռք բերել:

25. Ա Շ Ն Ա Ն Ա Յ Ա Ն

Ընդարձակ գաշտավայր մը կը տարածուի, ուր միմիայն գործ արտեր կը նշմարուին միգամած երկիրքի մը տակ: Օդին մէջ ազաւաներու խումբեր, որոնց գոգոսլը կը լսուի, մեզի կ'իմացնեն թէ գեղեցիկ



Հ Ո Ի Ն Ձ Ք Ը

եղանակը անցած է արդէն և աշունը մտած ենք: Շատ մը շաբաթներէ ի վեր հունձքերը շեմաւաւն-  
ներուն մէջ ամբարուած են և մարդիկ սկսած են ար-  
դէն հատիկները ծեծելու. ճակնդեղը և գետնախնձորը  
մառաններուն մէջ շարուած են և կամ շտեմարօննե-




Կ Ա Մ Ն Ե Լ Ը

րուն մէջ պահեստի գրուած: Մառատաններուն պը-  
տուղները քաղուած են և այգեպանը քանի մը շա-  
բաթ առաջ իր այգեկուրը վերջացուցած է արդէն:

Երկիրը, այդ սննդատու բարի մայրը, մարդուն  
աշխատանքը վարձատրած կ'երեւի, բայց հանդիստի  
ժամանակը դեռ չէ եկած. այն ատեն պիտի հանգըս-  
տանանք երբ ձիւնը ծածկէ երկիրը. յուրեմն պէտք է  
դարձեալ աշխատութեան դիմել:

Յանքի ատենն է: Մեր դիմացը մեծ դաշտ մը  
կը տարածուի, ուր հողագործը արօրին վրայ  
հալած իր եղները կը քշէ. սաղին, մեր մօտիկը  
սերմնացանը ցորեն կը ցանէ. ան, սերմնահատիկ-  
ներով լեցուցած է իր սպիտակ գոգնոցը, որուն



Յ Ա Ն Բ Ը

մէկ ծայրէն բռնած է ձախ ձեռքովը և աջ ձեռքը  
լեցնելով այդ պարկէն, լիափուռն կը ցանէ սերմը:  
կ'աճապարէ, որովհետեւ այդ եղանակին մէջ ցորեկը  
կարճ է և գիշերը հասնելէն առաջ պէտք է որ իր  
գործը լմնայ: Յորենը ցանելէն ետքը ցափանով հո-  
ղին վրայէն կ'անցնի որպէս զի հատիկները թռչուն-  
ներուն կեր չըլլան: Ամառուան արեգակին ճառագայթ-  
ներէն երկիրը դեռ տաք ըլլալով՝ հունտերը շուտ մը

պիտի ծլին, պիտի բուսնին, պզտիկ կանաչ խոտը  
պիտի աճի և յառաջիկայ տարի, այն դաշտը զոր հի-  
մայ այնչափ մերկ կը տեսնենք, հարուստ հունձքով  
ծածկուած պիտի ըլլայ:

ԲԱՌԵՐ — միգամած՝ մշուշով ծածկուած, շեմաւան՝  
ուտելիքներ պահելու տեղ, ամբարած՝ հաւաքած,  
մառան՝ գինի և ուտելիք պահելու տեղ, այգեկուրբ՝  
այգիին քաղելու գործողութիւն, սննդատու՝ առատ  
սնունդ տուող, հակած՝ ծած, սեմնացան՝ արտը հեր-  
կելու և ցանելու գործողութիւն, լիափուռն՝ լեցուն  
ափով, ցախան՝ երկրագործական գործիք մը որ հերկուած  
հողը հարթելու և սերմերը ծածկելու կը ծառայէ:

26. Ա Շ Ո Ի Ն

Դաշտ ու այգի գեղին հազան,  
Ծառ ու ծաղիկ մերկացան.  
Հովը փըչեց հաղար բերան,  
Ձի կայ ոչ հունձք, ոչ ալ ցան:  
Օգը մըռայլ, ցուրտ ու տըխուր,  
Արեւն հիւանդ է վերը,  
Մէզն է պատեր սար ու բըլուր,  
Ա՛լ մարդ չի կայ դաշտերը:  
Սեւ ագռաւը ծառին վրայ՝  
Չմրան գոյժն է որ կուտայ,  
Մարդ ու գազան տունէն, որջէն  
Ծերուկ հիւրին կը սպասեն:

Ռ. ԶԱՐԴԱՐԵԱՆ

ԲԱՌԵՐ — մռայլ՝ մութ, գոյժ՝ գէշ լուր:

27. Ք Ի Չ Ո Վ Գ Ո Հ Ը Լ Լ Ա Լ

— Հայր, կ'ըսէր վահրամ, ուսուցիչս շատ ան-  
գամ կը խրատէ որ քիչով գոհ ըլլամ, սակայն կը  
տեսնեմ որ անո՛նք միայն քիչով գոհ կ'ըլլան, որոնք  
շատը չունին. այս գոհունակութիւնը անշուշտ ակա-  
մայ է: Աղքատին քիչը՝ կտոր մը չոր հաց է, դասըն-  
կերիս՝ Զարեհի քիչը՝ իր մաշած զգեստն է, իմ քիչս՝  
հին գիրք մըն է. հիմայ, աղքատը իր կտոր մը հա-  
ցով, Զարեհ՝ իր մաշած հագուստով, ես իմ հին գիր-  
քովս պէ՞տք է որ գոհ ըլլանք միշտ...:

— Տղաս, պատասխանեց հայրը, դուն քու ու-  
սուցիչիդ խրատը լաւ չես հասկցած: Քիչով գոհ ըլլալ  
ըսելը, մեր կարողութենէն բարձր բաներու չի փա-  
փաքիլն է, որովհետեւ, այդ պարագային շատ դժ-  
բաղդ կ'ըլլանք:

— Բայց ես փափաքներ ունիմ, հայր, ըսաւ վահ-  
րամ, կը փափաքիմ ամէն օր նոր ու օգտակար բաներ  
սովորիլ, կը փափաքիմ դասերս փոխել, նոր զգեստ  
ուսննալ, կը փափաքիմ օգտակար մարդ ըլլալ, քեզի  
օգնել: Այս փափաքներս լիստակա՞ր են միթէ:

— Ո՛չ, տղաս, պատասխանեց հայրը. կան փա-  
փաքներ որ լաւ են, կան ալ որ՝ գէշ: Պէտք է չափ  
մը դնել մեր փափաքներուն: Այդ չափը մեր կարու-  
ղութիւնն է: Երբ մարդ անախորժ վիճակի մը մէջ  
գտնուի, պարտաւոր է այդ վիճակէն ելնելու ջանալ:  
Մեր սնունդը, մեր հագուստը և ուրիշ կարգ մը պէտ-  
քեր թերեւս պակսին մենէ, այդ պակասը լրացնելու  
համար աշխատութիւն ու խելք պէտք է, որով յան-  
ցանք մը չէ բնաւ աշխատիլ ու խելք ունենալ:

«Երբ մարդ շատ կարեւոր բաներէ գուրկ է, յանձնաք կը գործէ իր այդ վիճակէն գոն ըլլալով: Եթէ հիւանդ ըլլանք ու դեղ չառնենք, եթէ աղտոտ ըլլանք ու չի մաքրուինք, եթէ պատռած հագուստ հագնինք ու կարկտել չի տանք, քիչով գոն ըլլալու է, ըսելով, գէշ գոհունակութիւն է այդ: Այդպէս, եթէ մարդիկ միշտ գոն ըլլային իրենց վիճակէն, այսօր վայրենիներու պէս պիտի ապրէին աշխարհի մէջ:

«Ուրեմն, տղա՛ս, երբ բաւական լաւ վիճակի կը հասնիս ու ապահով կեանք մը վարելու միջոցները ձեռք կը ձգես, պէտք է որ գոն ըլլաս քու վիճակէդ: Այն որ իր լաւ վիճակէն գոն չըլլար, ու իր կարողութեանէն բարձր բաներու կը փափաքի, փառասէր կ'ըսուի:»

28. ՍԱՐԵԱԿՆ ՈՒ ԻՐ ՉԱԳԵՐԸ

Սարեակի մը ձագերն մէկ օր,  
 Հարցում ըրին իրենց ժիր մօր.  
 — Մայրի՛կ, ինչո՞ւ գոյնզգոյն  
 Ծաղիկներու մէջ աղուոր  
 Չես զեանդեր դուն մեր բոյն:  
 Մացառներն ու ցախեր չոր  
 Փուշեր ունին անհամար,  
 Մեր բոյնն է հոս անյարմար:  
 — Աշխարհն է լի չարերով. դուք  
 Դեռ արզայ՝ անփորձ մանուկ,

Յինն ու բազէն անագորոյն,  
 Հոս չեն կարող մտնել մեր բոյն.  
 Ծաղիկներուն մէջն հոտաւէս  
 Վտանգներով լի է յաւեհ.  
 Պատասխանեց մայրիկն սարեակ,  
 Խոհեմ՝ զգոյշ, փորձ ու ասակ:

\* \* \*

Ձեր ծնողքին խըրատներուն  
 Մըտիկ ըրէ՛ք, տղա՛ք, դուք յար.  
 Ինչ որ լաւ է ձեր աչքերուն,  
 Շատ հեղ ձեզ է վընասակար:

Մ. Տ.

ԲԱՌԵՐ -- Սարեակ՝ տեսակ մը թռչուն, ժիր՝ աշխատասէր, մացառ՝ չորցած ճիւղեր, ցախ՝ չոր ճիւղ, ցիլն և բազէ՝ մեծ թռչուններ՝ որոնք վտանակներ և թռչուններու ձագուկներ կը յափշտակեն, անագորոյն՝ չար, գէշ, յաւեհ՝ միշտ, խոհեմ՝ աղէկ մտածող, ասակ՝ կարող:

ԸՆԴԴԱՅՆԵԼԻ ԿԷՏԵՐ. — Նկարագրեցէք ձեր ծնողքներուն հոգածութիւնը ձեզի հանդէպ:

29. Հ Ո Մ Ա Ն Ի Շ Բ Ա Ռ Ե Ր

Կան բառեր որոնք իրարու մօտ կամ միեւնոյն նշանակութիւնը ունին: Ինչպէս՝ բանուոր—գործաւոր, աւազ—մեծ, որմ—պատ, մատեան—գիրք, վաճառել—ծախել, ննջել—քնանալ, մրափել և նիրհել, երեքցնել—չար-

ժեղ, պոչ—ազի, տառն և գէս, կողմ—կոյս և զի, իղծ—  
 փափաք և տենչ, ընծայ—նուէր և պարզեւ, ուրա-  
 խութիւն—բերկրանք—ցնծութիւն և խնդութիւն,  
 ձեւ—եղանակ—ոճ և կերպ, ակումբ—ժողով—կաճառ և  
 գումարում, երանպ—գոյն և թոյր, հովանի—չուք և  
 ստուեր, շիթ—կաթիլ և կայլակ, տապան—գերեզման  
 և շիրիմ, ճիրան—մագիլ և ճանկ, որկոր—կսկորդ,  
 ոտնաման—կօշիկ, ծուղակ—թակարդ, աւիշ—թարախ,  
 վախճան—վերջ, տուժել—վնասել, ասր—բուրդ, աղբ—  
 ծանուցում և յայտարարութիւն, ամբոխ—բազմու-  
 թիւն, և այլն:

30. Բ Ա Ր Ի Գ Ո Ր Ծ Մ Ը

Օր մը, տղայ մը իր դաստիարակին հետ դաշտին  
 մէջ կը պոտէր: Անոնք տուն դառնալու ատեն՝ դաշ-  
 տին ծայրը գոյգ մը մուծակ տեսան:

Գործաւոր մը քիչ հեռուն կ'աշխատէր, այդ մու-  
 ճակները անորն էին:

Տլան որ քիչ մը չար էր, իր բարի դաստիարա-  
 կին ըսաւ.

— Եկէք խաղ մը խաղանք սա գործաւորին. մու-  
 ճակները ցանկապատին մէջ պահենք, և երբ անիկա  
 կէս օրին ճաշի երթալու համար փնտռէ զանոնք, չի  
 գտնէ, ու մենք ալ խնդանք:

Ազնիւ դաստիարակը պատասխանեց.

— Աւելի լաւ խաղ մը խաղացած կ'ըլլանք եթէ  
 խեղճ մարդուն մուճակներուն մէջ քանի մը դահեկան  
 դնենք. պիտի տեսնենք թէ որքան երջանիկ պիտի  
 ըլլայ ան, ու մենք պիտի ուրախանանք:

— Իրաւո՛ւնք ունիք, ըսաւ տղան, և անմիջա-  
 պէս գործադրեց դաստիարակին գաղտնարը:

Կէս օրուան մօտ, տղան ու դաստիարակը գոցին  
 պատի մը ետին պահուըտեցան և սկսան դիտել:

Երբ կէս օր եղաւ, խեղճ բանուորը թողուց իր  
 գործը և գնաց մուճակները հագնելու. բայց որչափ  
 զարմացաւ երբ ոտքերուն տակ բան մը զգաց:

Շուտ մը ծոեցաւ և իր երկու մուճակներուն մէջ  
 երկու տասը զրուշնոց տեսաւ. ուրախութենէն այլայ-  
 լաճ՝ աչքերը լեցուեցան և ծունդի գալով պոռաց.

— Աստուած իմ, դո՛ւն զրկեցիր ինձի այս անա-  
 կրնկալ օգնութիւնը: Գիտէիր որ կինս ու զաւակներս  
 կերակրելու գրամ չունէի:

Դաստիարակն ու աշակերտը առանց երեւալու  
 երբ դուրս ելան իրենց քախոցին տուն երթալու հա-  
 մար, աշակերտը իր բարեսիրտ դաստիարակին վզին  
 փաթթուելով՝ արսաւորժ ձայնով մը ըսաւ.

— Շնորհակալ եմ ձեզի, պարո՛ն, որ ասանկ լաւ  
 դաս մը տուիք ինձի. բնա՛ւ չպիտի մոռնամ երկու  
 տասը զրուշնոցը. հիմայ աղէկ մը հասկցայ թէ՛ երբ  
 մարդ բարիք մը ընէ, ամէնէն քաղցր ուրախութիւնը  
 կը զգայ:

Առասածեռնուքիւնը աւելի՛ յարմար ժամանակին  
 տալու մեջ կը կայանայ, քան թէ շատ տալու:

ԲԱՌԵՐ — մուծակ՝ գիւղացիի կօշիկ, ցանկապատ՝  
 ցախերով շինուած պատ, այլայլաճ՝ շուարած, չիտ-  
 թած, անակնկալ՝ մէկէն ի մէկ, չպատած տեղը,  
 քախոց՝ պահուըտելիք տեղ, արսաւոր՝ սիրտը չար-  
 ժող, յուզիչ:

ԸՆԴԼԱՅՆԵԼԻ ԿԷՏԵՐ . — Ի՞նչ կը գգանք երբ բա-  
րիք մը գործենք , և ի՞նչ՝ երբ չարիք կը գործենք . —  
պէ՞տք է հետեւիլ չար խորհուրդներու . ինչո՞ւ :

31. Գ Ի Ի Ղ Ա Յ Ի Ն Ե Ի Օ Ջ Ը

Գիւղացի մը ձմեռ ատեն  
Տուն կը դառնար , երբ անտառէն  
Ճամբուն վրայ տեսաւ յանկարծ  
Երկա՛յն , երկա՛յն օձ մը պառկած .  
— « Սառած է , խեղճն , ըսաւ միտքէն ,  
Տանիմ տունս , ի՞նչ կ'ըլլայ ,  
Գուցէ նորէն ողջնայ » :  
Ժանս կենդանին մեղքըցաւ  
Պոչէն բռնած առաւ տարաւ  
Եւ կըրակին քովը դըրաւ :  
— Քիչ մը ե՛ս ալ հանգչիմ , ըսաւ :  
Անցաւ հազիւ քիչ ժամանակ ,  
Օձն անիրաւ տաքնալուն պէս՝  
Վերցուց գըլուխը նայեցաւ  
Ու ֆըշալով օղակ օղակ  
Իէպի գեղջուկը բարերար  
Սողոսկեցաւ թըշնամաբար :  
Մարդն արթընցաւ . ի՞նչ տեսնայ ,  
Իր մահուանէ փըրկած գաղանն  
Պիտի մատնէ զինքը մահուան՝  
Եթէ քիչիկ մ' ալ ուշանայ :  
Աճապարեց , առաւ կացիկն ,  
Զարբեց գլուխն վատ գաղանին :

\* \* \*

Ո՛վ ապերախս , խըրատ քեզի  
Թող ջախջախուած օձը լինի ,  
Եթէ ասով չզգասացար ,  
Քու կորստեանդ ի՞նքդ ես պատճառ :

Չկայ աւելի գեղեցիկ չափազանցութիւն մը , քան  
Երախսագիտութեան չափազանցութիւնը :

Մարդ երբ իրեն գործունւած բարիքին հանդէպ Երախ-  
սագէտ ըլլալ չի գիտեր , ստուկ մըն է :

ԲԱՌԵՐ — Ժանս՝ չար , գեղջուկ՝ գիւղացի ,  
կացիկ՝ փայտ կտրելու գործիք , ապերախս՝ բարիք չի  
ճանչցող , ջախջախել՝ ճգմել , փտր փտր ընել , զգաս-  
տանալ՝ ինքզինքին գալ :

ԸՆԴԼԱՅՆԵԼԻ ԿԷՏԵՐ . — Ինչո՞ւ ապերախտը պէտք  
է պատճել . — Ի՞նչպէս պէտք է վարուիլ մեզի բարիք  
ընողներուն հետ :

32. Կ Ա Ղ Ն Ի Ն Ո Ւ Ծ Ա Ռ Ա Տ Ո Ւ Ն Կ Ը

Օր մը , խելացի ու խոհեմ դաստիարակ մը ըսաւ  
իր աշակերտին .

— Զարե՛հ , կը տեսնե՞ս սա ծառատունկը որ հո-  
վէն գետինն է ծուր . կրնա՞ս անոր բունը ուղղել :

Զարեհ , որ իր ոյժը ցոյց տալ կ'ուզէր , ուրախ  
զուարթ տունկին քով վազեց և փոքրիկ ճիգով մը  
անոր բունը ուղղեց :

— Շատ լաւ , ըսաւ դաստիարակը , բայց հիմայ  
տե՛ս սա կապիկն՝ որ նոյնպէս ծառ է . չե՞ս ուղեր  
այդ խոշոր ծառն ալ պզտիկ տունկին պէս ուղղել :

— Կատակ կ'ընէք, իսնոք եմ որ ստանկ բան մը փորձեմ, ըսաւ աշակերտը զարմացումով :

— Սիրելի տղաս, շարունակեց դաստիարակը, կը տեսնե՞ս որ կարողութենէդ վեր կը զգաս այդ խոշոր ծառը շակելը, մինչդեռ անիկա եթէ փոքրիկ տունկին չափ ըլլար, շատ դիւրին էր զայն ուղղելը: Նոյն բանը կրնանք ըսել մեր թերութիւններուն համար ալ. մանկութեան ժամանակ շատ դիւրին է ուղղել զանոնք, իսկ երբ մեծնանք՝ անոնք կ'արմատանան մեր մէջ և ծուռ կաղնիին պէս անկարելի կ'ըլլայ շակելը: Հիմայ հասկցար, Զարեհ, թէ ինչո՞ւ պէտք է ջանայ մարդ մանկութեան ժամանակ լաւ բնութիւն և պարկեշտ վարք ու բարք ունենալ:

ԲԱՌԵՐ — բուն՝ տունկի կամ ծառի մը հողէն դուրս ելած առաջին մասը, կաղնի՝ կաղնիի ծառ:

### 33. Մ Ե Ր Հ Ա Ր Ս Տ Ո Ւ Թ Ի Ի Ն Ն Ե Ր Ը

Մարդ մը իր ճակատագիրէն դժգոհ՝ կը գանգատէր Աստուծոյ: «Բարին Աստուած, կ'ըսէր ան, ուրիշներուն հարստութիւն կուտայ և ինձի բան մըն ալ չի տար: Ի՞նչպէս կրնամ ապրիլ, քանի որ բան մը չունիմ:»

Ծերունի մը որ լսեց այս խօսքերը, ըսաւ անոր.

— Արդեօք քու կարծածիդ չափ աղքատ ես: Աստուծոյ քեզի առողջութիւն և երիտասարդութիւն չէ՞ տուած:

— Չէ չեմ ըսեր, ու կրնամ պարծենալ ուժիս և երիտասարդութեանս վրայ, պատասխանեց դժգոհը:

Ծերունին բռնեց մարդուն աջ ձեռքը և հարցուց.

— Կ'ուզե՞ս որ սա ձեռքդ կտրեն և հարիւր ոսկի տան քեզի:

— Ո՛չ, ստանկ բան չեմ ուզեր բնաւ:

— Իսկ ձա՞նք ձեռքդ:

— Ո՛չ, ա՛ն ալ ոչ:

— Կը հաւանի՞ս որ կոյր ըլլաս հազար ոսկիի փոխարէն:

— Աստուած չընէ: Մէկ աչքս անգամ չեմ տար ամէնէն խոշոր դումարին փոխարէն:

Այն ատեն ծերունին յարեց.

— Տե՛ս, Աստուած ի՞նչ հարստութիւններ տուեր է քեզի, և սակայն դուն կը արտոնջաս:

L. ԹՕԼՍԹՕ

### 34. Գ Ժ Գ Ո Հ Շ Ո Ւ Ն Ը

Հարուստ մէկ տան

Շունն անպիտան

Նախանձեղով գառնուկին՝

Կը արտոնջար դառնագլին:

— Իմ ալ կեանք է, ո՛վ Աստուած,

Կոյս ու արեւ հաշիւ բացուած՝

Չունիմ հանգիստ, ո՛չ ալ գաղար,

Գիշերն ի բուն հսկեմ արթուն.

Այս ի՞նչ վիճակ է վատթար:

Մինչ անպէտ սա գառնուկին

Որքա՞ն սիրով կը փառիմ

Տընեցիներն ու տանտէր,

Ես մնացած եմ անտէր:

Այսքան ջանքիս վարձքն է լոկ  
Յիւոց, ծեծ, թուք ու բոլոք.

Վա՛յ ինձ հազար,

ինձ հաւասար

Դժբաղդ ու հէզ

Չկայ երբէք.

Բիւր երանի գառնուկին,

Որուն կեանքն է թանկագին.

Եւ վիշտ ու ցաւ

Չունի բընաւ:

Բ. 35.

Օր մ'ալ ինքնին

Երբ որ կրկին

Տալով երեւի

Գառնուկին հէզ,

Կը գանգատէր գառնագին,

Տեսաւ գառն որ գանակին

Տակը պառկած

Ու պինդ կապուած,

Խեղճ ու անտէր

Կը մորթոտուէր:

— Մեղս'յ քեզ, Տէ՛ր, փա՛ռք քեզ հազար,

Գոչեց շունը, որ զիս հաւ'սար

Չես ստեղծեր գառնուկին աս,

Թէ ոչ ինձ ալ այս պատուհաս,

Կամ աւելի նոյն խոկ վատ, չար

Պիտի հասնէր օր մ'անպատճառ:

\* \* \*

Մի՛ նախանձիր տրամագին

Սին վայլերուն արտաքին.

Քեզ քաղդաւոր թուածներուն՝

Շատերուն բախտն է խիստ հեռուն:

Մ. Տ.

Գոհունակութիւնը հարսութեանն բարձր է:

ԲԱՌԻՆՐ — գառնագին՝ բունն ցաւով, վարիլ՝ փաթ-  
թուիլ, յիւոց՝ հայհոյանք, բիւր՝ անթիւ անհամար,  
երեւի՝ երանի, հաւ'սար՝ հաւասար, պատուհաս՝ պա-  
տիժ, չարիք, սրտագին՝ տրտում տխուր, շատ տխուր:

ԹԵՂԱԴՐՈՒԹԻՒՆ. — Նկարագրել տալ տղոց իրենց  
կեանքին մէջ պատահած այս կարգի դէպքեր. — Տոյց  
տալ դժգոհութեան հետեւանքները:

36. Պ Ա Տ Ր Ա Ս Տ Ա Բ Ա Ն Տ Ղ Ա Ն

Օր մը, թագաւոր մը ծպտւած՝ փողոցները կը  
պատէր երբ տղու մը հանդիպեցաւ որ կուլար:

— Ինչո՞ւ կուլաս, հարցուց անոր թագաւորը:

— Մայրիկիս տուած տաանոցը կորսնցուցի, տէ՛ր  
իմ, անոր համար կուլամ... պատասխանեց տղան  
հեծկտալով:

— Հոգ չէ՛, ես քեզի աւելին կուտամ, ըսելով  
թագաւորը՝ ոսկի մը տուաւ տղուն՝ որ չընդունեց:

— Ինչո՞ւ չես առներ, զաւակս, հարցուց թա-  
գաւորը զարմանքով:

— Մայրիկս կը բարկանայ... պիտի հարցնէ թէ  
ո՞ւրկէ առած եմ այս ստակը:

— Կըսես թէ թագաւորը տուաւ :

— Չի՛ հաւատար . . . :


— Ինչո՞ւ չպիտի հաւատայ :

— Անոր համար որ ան մի՛շտ կ'ըսէր թէ՛ թագաւորները մէկ ոսկի չեն տար , շատ կուտան :

Թագաւորը շատ գոհ մնալով տղուն պատասխաբանութենէն , մեծագումար պարգեւներ տուաւ անոր :

ԲԱՌԵՐ — ծպտուած՝ չճանչցուելու համար զգեստները փոխած , պատասխաբանութիւն՝ ճիշդ ժամանակին յարմարցուած խօսք :

Հ Ա Ն Ե Լ Ո Ւ Կ



ԾԱՆԻԿՆԵՐՈՒՆ ՄԷՋԵՆ ԳՏՆԵԼ ԾԱՂԿԱՎԱՃԱՌՈՒՅԻՆ

37. Ծ Ա Խ Ո Ւ Զ Ի

Գիւղացի մը իր ձին ծախել կ'ուզէր , որուն համար 10 ոսկի կը պահանջէր : Դրացի մը եկաւ գնելու , բայց սակարկութեան վրայ չի համաձայնեցան : Դրացին առաջարկեց որ կենդանին շուկայ տանին և առաջին անգամ եկած յաճախորդ մը ինչ գին որ տայ , ինք ալ ընդունի նոյն գինով :

Պայմանը ընդունուեցաւ երկուքին միջեւ և ձին շուկայ տարուելով ցուցադրութեան դրուեցաւ :

Միականի մարդ մը եկաւ և 5 ոսկի տուաւ :

Այս առաջարկին վրայ , դրացին ուզեց կենդանին գնել 5 ոսկին վճարելով , քանի որ այնպէս համաձայնած էին նախապէս : Բայց գիւղացին ընդդիմացաւ և չուզեց տալ . ահա վե՛ն մըն է փրթաւ և գործը ինչպէս դատարան :

Գնորդը ամէնէն առաջ իր իրաւունքները յայտնեց դատաւորներուն :

Երբ կարգը գեղջուկին եկաւ , յարեց .

— Տէ՛ր դատաւորներ , գրացիս ըսած պայմաններէն չեմ շեղիր . բայց ան մարդը որ իմ կենդանիս գնահատեց՝ միայն մէկ աչք ունէր , հետեւաբար ձիու արժէքին կէսը միայն կրնար տեսնել : Իսկ գրացիս , ընդհակառակը երկու աչք ունի , ուրեմն միւսին տուած ձին կրկինը պէտք է տայ , ապա թէ ոչ յանցաւորը ինչքն է . . .

Դատաւորները կուշտ մը խնդացին այս պատասխանին վրայ և գիւղացին ճամբեցին իր ձիուն հետ :

ԲԱՌԵՐ — ցուցադրութեան դնել՝ ցուցնել , ծախու հանել , միականի՛ մէկ աչքով , վե՛ն՝ կոխել , անհամաձայնութիւն , գնահատում՝ արժէքը որոշել :

38. Կ Ե Ա Ն Ք Ի Ծ Ր Ա Գ Ի Ր Ը

Ամէն օր երկու ժամ քալէ՛, ամէն գիշեր եօթը ժամ քնացի՛ր. անկողին մտի՛ր այն ատեն երբ քնանալու պէտքը կը զգաս. երբ արթննաս՝ շո՛ւտ ոտքի ելի՛ր, աշխատէ՛ երբ ոտքի վրայ ես արդէն :

Անօթի եղած ատենդ միայն կեր և ծարաւ զգացած ատենդ միայն խմէ : Պէտք եղած ատեն միայն խօսէ :

Իրաւունք չունիս երբէք յոյսդ մէկու մը վրայ գնելու :

Դրամը իր արժէքէն ո՛չ պակաս և ո՛չ ալ աւելի մի՛ յարգեր. լաւ ծառայ մըն է ան ու գէշ տէր մը :

Սիրէ՛ պարզութիւնը և ջանա՛ օգտակար ըլլալ :

Ա. ՏԻՄԱ

39. Ա Ռ Ո Ղ Ջ Ա Պ Ա Հ Ո Ի Թ Ի Ի Ն

Առողջութիւնը մեր մարմնոյն հանգիստ ու կանոնաւոր վիճակն է : Երբ մէկ տեղերնիս չի ցաւի, երբ ախորժակնիս տեղն ըլլայ, երբ մեր արիւնը իր սովորական ու կանոնաւոր շրջանը կատարէ և մենք զմեզ ուրախ զուարթ զգանք, կ'ըսենք թէ քաջառողջ ենք : Ամէն մարդ պէտք է հոգ տանի իր առողջութեան, որովհետեւ առանց անոր՝ ո՛չ կրնանք խաղաղ կեանք ունենալ և ո՛չ ալ կանոնաւոր աշխատիլ :

Փոքրիկ զանցառութիւն մը կրնայ շուտով խանգարել մեր մարմինը :

Կրնանք սակայն շարունակ առողջ ըլլալ եթէ մաքուր պահենք մեր մարմինը, առատ ջուրով լուացուինք միշտ և զգուշանանք շատակերութենէ, քըր-

աընած վիճակի մէջ պաղ ջուր խմելէ և դանդաղ ու ծոյլ կեանք վարելէ :

Ուրեմն, մաքրութիւնը, չափաւորութիւնը, աշխատութիւնն ու մարմնամարզը մեր առողջութեան գլխաւոր պայմաններն են :

ԲԱՌԵՐ -- ԵՐՉԱՆ՝ ԴԱՌՆԱԼԸ, ԽԱՂԱՎ՝ ԿԱՆԳԽԱՍ, ԳԱՆՍԱՌԱՔԻՒՆ՝ ԱՆՆՈԳՈՒԹԻՒՆ :

ԸՆԴԼԱՅՆԵԼԻ ԿԷՏԵՐ. — Միշտ առողջ մնալու համար ի՞նչ ընելու ենք. — Որո՞նք են մաքրութեան օգուտները :

40. Չ Մ Ե Ռ Ը

Ձմեռը երկրագործին հանգիստի եղանակն է :

Առաջին ցուրտերը նշան են բնութեան քունին : Ծառերը տնկաւարափ կ'ըլլան, և անտառները թըռչուններուն լուռութեամբ տխրած իրենց կանանչ զարդերէն կը մերկանան : Հօտերը կը հեռանան դաշտերէն և ախոռները կը մտնեն : Մշակներուն աշխատանքը ա՛լ աւարտած է. ամբարները, մատանները լեցուն են :

Օրերը շատ կարճ են և գիշերները երկայն :


Արեւը աւելի քիչ կը մնայ նօրիզոնին վրայ և նուազ կը տաքցնէ աշխարհը :

Երբ ձիւնը սկսի տեղալ, բոլոր տուններուն մէջ վառարանները կը վառին, որոնց շուրջը կը հաւաքուին տղաք իրենց յաջորդ օրուան դասերնին պատրաստելու :

Դուրսը քամին կը փչէ սաստիօրէն : Ամէն կողմ պատած է ձիւնը :

Տղաք շատ կը սիրեն զբօսնուլ ձիւնով . ձիւնա-  
մարդեր կը շինեն, ձիւնագնդակ կը խաղան ու սան-  
նակներով կը սահին ձիւնին վրայէն :

ԲԱՌՆԵՐ — ՏԵՐԵԼԱՐԱՓԻ՝ տերեւներու թափիլը . հօտ  
ոչխարներու խուճբ, հորիզոն՝ այն գիծը՝ ուր երկինք  
և երկիր իրարու միացած կ'երևին :



Ջ Ի Ի Ն Ա Մ Ա Ր Դ Ը

ԸՆԴԷԼԱՅՆԵԼԻ ԿԷՏԵՐ . — Նկարագրեցէ՛ք ձմեռը . —  
Ի՞նչ հաճոյք կը զգաք այդ եղանակին մէջ :

41. Չ Ի Ի Ն

«Ո՛հ, ինչո՞ւ, ինչո՞ւ կուգայ պաղ ձիւնը,  
Երկար ժամանակ պիտի մնանք տունը,  
Չի պիտի տեսնենք կանանչ ծառ, արօտ,  
Սիրուն ծաղիկին պիտ' մնանք կարօտ : »  
— Չիւնը որ կուգայ երկինքէն ի վար,  
Գիտցէ՛ք, մեծ բաղդ է աշխարհի համար .  
Վերմակի մը պէս կը ծածկէ գետին,  
Որուն տակ ցանուած սերմերը կ'աճին :  
— Ան՝ հողին կուտայ ուժ, պարարտութիւն,  
Դաշտին ու արտին մեծ առատութիւն :  
Մի՛ տրտնջաք բնաւ, դուք բընութենէն,  
Թէ տաք և թէ ցուրտ մեզ միշտ օգուտ են :

42. Ե Ր Չ Ա Ն Ի Կ Տ Ո Ի Ն Ը

Որչա՛փ քաղցր է ընտանեկան երջանիկ բնակա-  
րանս : Հայրս ու մայրս, պղտիկ քոյրս ու ես՝ զիրար  
կը սիրենք կաթողին : Թէպէտ դեռ փոքր եմ, բայց  
սրտանց կը ջանամ ընել ինչ որ ըսեն : Եթէ մեր այս  
տարիքին մէջ հաճելի ըլլանք մեր ծնողքին, ուրա-  
բախտութիւն պիտի զգանք երբ մեծնանք :

Գիշերը, բոլորս ալ մայրիկին քով կեցած, մեր  
պարզ ու մանկական աղօթքով շնորհակալ կ'ըլլանք  
Ստուծոյ՝ մեզի պարգեւած բարիքներուն համար :

Մեզ իրար միացնող սէրը այնքան սաստիկ է որ  
երբեք չենք ուզեր հեռանալ մեր տունէն . միթէ  
աշխարհի վրայ ընտանեկան յարկէն աւելի սիրական  
տեղ կրնայ ըլլալ :

43. Մ Ա Յ Ր Ի Մ

Երբ ես գիշերը պառկիմ խաղաղ  
Երազներով , և օրօրուիմ ,  
Դո՛ւն իմ վրայ հըսկես ուրախ՝  
Մա՛յր իմ :

Ձիս կշտամբես անուշ անուշ ,  
Թէ չար գործեմ կամ սըխալիմ ,  
Քեզմով չարէն կ'ըլլամ ըզգոյ՛ .  
Մա՛յր իմ :

Դուն իմ վըրաս միշտ մըտածկոտ ,  
Ինծի լոկ դուն ես մըտերիմ ,  
Ամէն ատեն քեզ եմ կարօտ ,  
Մա՛յր իմ :

Քեզմով գիտցայ Աստուած սիրել .  
Ամէն բարիք քեզմով ունիմ ,  
Ո՛վ սիրելի և անձնուէր  
Մա՛յր իմ :

Թէ քեզ տանջէ բախտն անիրաւ ,  
Ես քեզ պաշտպան պիտի կանգնիմ ,  
Մինչեւ ըլլաս ծերուկ պառաւ ,  
Մա՛յր իմ :

44. Ո Ի Ղ Ղ Ա Մ Տ Ո Ի Թ Ի Ի Ն

Պարկեշտ ըլլալ և ուրիշին ունեցածէն բան մը  
չիւրացնելը մեր ամենէն պարզ և գլխաւոր պարտա-  
կանութիւնն է :

Հարուստ ճամբորդ մը օր մը կայարանէն շոգեկառք  
նստելու միջոցին ձայն մը կը լսէ , և ետին դառնա-  
լով կը տեսնէ պղտիկ տղայ մը՝ սրմէ լրապիր գնած  
էր քիչ առաջ :

Տղան ոսկի մը ցոյց տալով ճամբորդին , կ'ըսէ .

— Պարո՛ն , սխալմամբ ինծի ոսկի մը տուած էք  
՞ զրուշնոցի տեղ :

Փոքրիկ լրագրավճառը , գնողին սխալէն օգտուիլ  
չուզելով , ոսկին կը վերագարձնէր :

— Կրնաս այդ ոսկին քեզի պահել կը պատասխանէ ,  
հարուստ ուղեւորը , այդ կորուստը չպիտի յիշէի բնաւ :

— Բայց ես , պատասխանեց տղան աղնիւ հպար-  
տութեամբ մը , ես միշտ պիտի յիշէի , և ընդունեց  
իր ուղղամտութեան վարձքը :

Ուղղամտութիւնը հարսութեան շա՛ս աւելի կ'արժէ :

ԲԱՌԵՐ — կայարան՝ շոգեկառքին կայնած տեղը ,  
ուղեւոր՝ ճամբորդ :

45. Ի Ն Ա Յ Ո Ղ Ո Ի Թ Ի Ի Ն

Մարդիկ կ'աշխատին որ իրենց ապրուստը ճարեն ,  
և երբ իրենց շահածէն բան մը պահեն , խնայողութիւն  
ըրած կ'ըլլան : Այդպէսով հետզհետէ աւելի լաւ վի-



Յամաքի վրայ մարդիկ կը ճամբորդեն երկաթուղիով, կառքով և ուրիշ այլ եւ այլ միջոցներով:

Իսկ ծովու վրայ, մարդիկ ճամբորդելու համար շինած են առագաստանուէր ու շոգենաուէր:

Առագաստանուէրը փայտէ շինուած են, որոնք բարձր կայմեր ունին. կայմերուն կա շուած են առագաստները: Հովը առագաստներուն մէջ կը մտնէ, կը լեցնէ զանոնք ու առաջ կը մղէ, և արդէսով նաւը կը քալեցնէ:

Իսկ շոգենաուէրը երկաթէ շինուած են ու կը քալեն շոգիի ուժով. շատ մը մեքենաներ կը դառնան անոնց մէջ՝ կրակին ու շոգիին միջոցաւ:

Անոնք կը փոխադրեն ճամբորդներ ու այլ և այլ ապրանքներ մէկ քաղաքէն միւսը: Իրենց բեռցած ապրանքները նաւահանգիստի մը կառափը կը պարզեն, ուրկէ երկաթուղիով կամ կառքերով կ'ուղարկուին իրենց պատկանած տեղերը:

Նաւանգիստը անհրաժեշտ է քաղաքի մը համար, այլապէս մարդիկ դժուարութիւն պիտի կրէին իրենց ապրանքները ուրիշ տեղեր փոխադրելու համար շոգենաուէրով:

Հայաստանն ալ ունի իր գլխաւոր նաւահանգիստները, որոնք են՝ Միջերկրականի վրայ Մէրսին և Հայոց-Մոցի նաւահանգիստները: Իսկ Սեւ ծովու գլխաւոր նաւահանգիստներն են՝ Տրապիզոն, Կիրատոն, Օրտու և Վոնայի ծովախորշերը:

Շատ օգտակար ու գեղեցիկ գիտութիւն մըն է աշխարհալրութիւնը, որ աշխարհը կը ճանչցնէ մեզի:

ԲԱՌԵՐ — Բարափ՝ նաւահանգիստին եղերքը շինուած պատ:

ԸՆԴԼԱՅՆԵԼԻ ԿԵՏԵՐ. — Ի՞նչ ձեւ ունի երկիրը. — Ի՞նչ օգուտ ունի շոգենաւն ու երկաթուղին. — Որո՞նք են Հայաստանի նաւահանգիստները. — Ի՞նչ կը սորվիք աշխարհագրութեան դասերով:

47. Խ Թ Մ Ա Ն Պ Ո Ւ Պ Ր Ի Կ Ը

Ծնունդի իթման իրիկունը Շուշանիկ իր մօրը հետ շուկայ ելած էր: Կը ձիւնէր, բայց իրենք չէին մտեր, վասն զի ձմեռուան զգեստներով պատասպարուած էին:

Նոյն իրիկունը մեծ եռուզեռ կար շուկային մէջ. հարուստները իրենց զաւակներուն նուէրներ կը գնէին և մուրացիկ աղքատներն ալ հարուստներուն կ'երկընցընէին ձեռքերնին՝ սղորմութիւն խնդրելու համար:

Երբ խանութի մը առջեւ հասան, Շուշանիկին մայրը հարցուց.

— Անտէշիկս, ի՞նչ կ'ուզես որ գնեմ քեզի:

— Մայրի՛կ, սա պուպրիկը շատ կը սիրեմ, ի՞նչ գեղեցիկ աչքեր ունի և որքան սիրուն զգեստ:

Մայրը քանի մը վայրկեան ետքը այդ սիրուն զգեստներով պուպրի՛կը Շուշանիկին բազկին մէջ դրաւ: Շուշանիկ համբուրեց զայն և ըսաւ.

— Մայրի՛կ, սա՛ փոքրիկ գլխարկն ալ պուպրիկիս համար գնէ, դուրսը ցուրտ է, չըլլայ թէ մսի:

Քիչ ետք մայրը գլխարկն ալ գնեց և գլուխը դրաւ:

— Բայց մայրի՛կ, փոքրիկ ձեռնոցներ չկա՞ն. դուրսը ձիւն կուգայ, պուպրիկիս ձեռքերը կը սառնին:

Քիչ ետքը սպիտակ ձեռնոցներն ալ գնեց մայրը, ու հարցուց.

— Դեռ ի՞նչ կ'ուզես, աղջիկս :

— Վաղը Ծնունդ է, հրեշտակները երկիրքէն նսւէրներ պիտի բերեն, կ'ուզեմ որ իմ պուպրիկիս ալ շաքարներ և սրմահասիկներ բերեն, ըսաւ Շուշանիկ, գիմացի շաքարեղէններու խանութը ցուցնելով :

48. Բ.

Մինչդեռ մայրը վճարելու գնաց, Շուշանիկ խանութին դրան առջեւ իրեն հասակակից աղջիկ մը տեսաւ որ իր պուպրիկին չափ գեղեցիկ էր, բայց ոտքերը մերկ էին, զգեստները պատռտած, գլուխը բաց և ցուրտէն կը դողար :

Անձանօթ աղջիկը ձեռքը Շուշանիկին կարկառեց :

— Ա՛հ, խեղճ աղջիկ, գլխարկ չունիս, ահաւասիկ քեզի նոր մը, ըսաւ Շուշանիկ, և անոր գլխուն վրայ դրաւ պուպրիկին գլխարկը : Յետոյ շարունակեց .

— Զգեստ չունի՞ս, ահաւասիկ քեզի մետաքսէ զգեստ մը :

Եւ սկսաւ պուպրիկը հանուեցնել, մինչդեռ մուրացիկ աղջիկը գեղեցիկ գլխարկը վեհանձն փոքրիկ օրիորդին ետ տալով՝ կը քախանձէր :

— Ծնորհակալ եմ, ես միայն շերտ մը հաց գնելու դրամ կ'ուզեմ :

Այդ վայրկեանին Շուշանիկի մայրը մօտեցաւ և ներկայ եղաւ այս սրտատուչ տեսարանին . անգամ մը համեստ աղքատ աղջկան, անգամ մըն ալ իր վեհանձն դուկին նայեցաւ և ուրախութենէն աչքերը լեցան :

— Մայրի՛կ, ըսաւ Շուշանիկ, պուպրիկիս զգեստը իրեն պզտիկ կուզայ . ինչո՞ւ Ծննդեան հրեշտակը ասոր ալ նսւէրներ չէ բերած :

— Բերա՛՞մ է, բերա՛՞մ, ըսաւ մայրը, ու զայն ներս տանելով՝ գլխէն մինչեւ ոտքը հագուեցուց :

Երբ աղքատ աղջիկը դուրս եկաւ, այնքան գեղեցկացած էր որ, Շուշանիկ իր պուպրիկը անոր քով տարաւ, երկու գեղեցիկ դէմքերը իրարու հետ բաղդատելու համար, և յետոյ պուպրիկը մօրը ձեռքը աալով՝ բացագանչեց :

— Մայրի՛կ, այս մեծ պուպրիկը աւելի՛ գեղեցիկ է, և մանկական բազուկներով գրկեցիւ համբուրեց զայն :

Հ. Մ. ՊՈՏՈՒՐԵԱՆ

Գրասիրութիւնը արժին ազնուագոյն զգացումն է :

Երբ քուսաւ մը օգնութիւն կը խնդրէ, պէտք չէ վա՛ղը ըսել . գրասիրութիւնը ճիշդ ժամանակին տալուն մեջն է :

ԲԱՌԵՐ — Եռուզեո՛ւ բազմութիւն, իրարանցում, սրմահասիկ՝ շօքօշա, կարկառել՝ երկարել, վեհանձն՝ աղնիւ գործ մը կատարող, քախանձել՝ աղաչանքով խնդրել, բացագանչել՝ գոչել, շերտ՝ կտոր, մաս :

ԹԵԼԱԳՐՈՒԹԻՒՆ . — Ընդլայնել թշուառութիւնն ու թշուառներու հանդէպ մեր ունեցած պարտականութիւնները :

49. Ո Ր Բ Ը

Տղա՛ք, իրիկուան մայրիկը բարի երբոր կ'առնէ ձեզ ծունգերուն վրայ, Անդին, որբն հողին վրայ կը պառկի, Խորհեցէ՛ք զայն, դուք փոքրի՛կ տղաք :


Դուք առատօրէն կ'ունենաք գգուանք,  
 Շաքարեղէններ նաև խաղալիք.  
 Բայց ան կը ճանչնայ միայն տառապանք:  
 Փոքրիկ տղաք միշտ այդ մասին խորհիք:  
 Ձեռք կարկանդեցէք դուք թշուառութեան,  
 Շատ ու շատ քաղցր է երբ միշտ կարենաք  
 Բարիքներ ընել աշխարհի վրայ.  
 Պէտք է մտածէք այդ մասին, տղա՛ք:



Ո Ր Բ Ը



Զ Ո Ւ Ա Ր Թ Տ Ղ Ա Ն



50. Գ Ա Ր Ո Ւ Ն Ը

Տարուան չորս եղանակներէն ամենէն գեղեցիկն է գարունը, որ կուգայ ձմեռէն յետոյ: Գարնան երկիրը կը վերգարբնու, լեռներն ու գաջտերը կը կանանչնան, խոտերը կը բուսնին, ծաղիկները կը բացուին, ծառերը կանանչ տերեւներով կը զարգարուին, ոչխարները կ'արածեն և թռչունները կը սկսին իրենց երգերը:

Այլ անձրեւն ու ձիւնը կը գաղբի: Երկինքը անամպ և պայծառ կապոյտով մը կը ծիծաղի: Արեւը հորիզոնէն բարձրացած է ու հաճելի ջերմութիւն մը կը սփռէ երկրիս վրայ:

Մարդիկ ու անասունները տեսնելով ընտթեան այս զարթնումը՝ կ'ուրախանան և իրենց աշխատութեամբ ու երգերով կը լեցնեն գաջտ ու լեռ, ձոր ու հովիտ:

Որքա՛ն գեղեցիկ է գարունը:

ԲԱՌԵՐ — Վերգարբնուլ՝ կրկին արթննալ, սփռել՝ տարածել:

ԸՆԴԼԱՅՆԵԼԻ ԿԷՏԵՐ. — Տարւոյն մէջ ո՞րն է ամենագեղեցիկ եղանակը. — Ի՞նչ առաւելութիւններ ունի գարունը միւս եղանակներէն:

51. Չ Ո Ր Ս Ե Ղ Ա Ն Ա Կ Ն Ե Ր Ը

Գ Ա Ր Ո Ւ Ն

Ես գարունն եմ ծաղկաւի,  
Ձեզ կը բերեմ գոյնզգոյն,  
Քննոյ՛ց ծաղկունք դրախտի,  
Բուրումնաւէս և սիրուն:

Ես գարունն եմ ծաղկաւէս,  
Բերեմ յամիկ, շուշան, վարդ  
Ձեր պարտէղին մէջ յաւէտ  
Ծըլին ծաղկին բարդ ի բարդ:

Ա Մ Ա Ռ

Ամառն եմ ես sopազին,  
Ձեզ կ'ընծայեմ բարեմոյն,  
Լի հասկերով թանկագին  
Ցորեն, գարի, ոսկեգոյն:

Ես ամառն եմ բեղմնաւոր,  
Համեղ միրգեր և հասուն  
Կուտամ ես ձեզ բիւրաւոր,  
Գաշտն ու արտերն ալ լեցուն:

Ա Շ Ո Ի Ն

Աշունն եմ ես հովասուն,  
Տամ որսորդաց ասպարեզ,  
Լորամարդի, բազ, թռչուն  
Երթան որսան, բերեն ձեզ:  
Ես աշունն եմ այգաւէտ,  
Տամ ձեզ նեկսար կազդուրիչ,  
Խայտաբ սրտով դուք յաւէտ,  
Եւ միշտ օրհնէք զԱրարիչ:

Չ Մ Ե Ռ

Չմեռն եմ ես ձիւնաբեր,  
Ստով ծածկեմ դաշտն ու ձոր.  
Տեւեւազուրկ չոր ծառեր  
Պատեմ ձիւնովս օրէ օր:  
Ես ձմեռն եմ ցրտագին,  
Գեղջուկին շատ յոյսեր տամ,  
Փոխան քրտանց մշակին՝  
Գարնան ծըլին հունձք փարքամ:

ԲԱՌԵՐ — ծաղկաթի՝ երիտասարդ, քննաճճ՝ աղուոր,  
բուրումնաւէ՝ անուշ հոտ ունեցող, ծաղկաւէ՝ ծաղիկ-  
ներով լեցուն, բարդ ի բարդ՝ լեփ լեցուն, սօքա-  
գին՝ տաք, բարեմոյճ՝ բարի, բեղմնաւոր՝ առատ հունձք

տալը, ասպարեզ՝ գործ, աշխատանք, նեկսար՝ անուշ  
ըմպելիք, կազդուրիչ՝ ուժ տուող, խայտաբ՝ սրտի  
ուրախութիւն, տեւեւազուրկ՝ տերեւները թափած,  
գեղջուկ՝ գեղացի, փարքամ՝ հարուստ, ձոխ:

ԹԵԼԱԴՐՈՒԹԻՒՆ. — Բերանացի նկարագրել տալ  
չորս եղանակները, անոնց գեղեցիկութիւններն ու  
օգտակարութիւնները:

52. ԹՈՉՈՒՆՆԵՐՈՒՆ ՎԵՐԱԴԱՐՁԸ

Ո՛րչափ ուրախ կ'ըլլանք երբ գարնան մէջ թռու-  
չունները մեր երկիրը կը վերադառնան: Անոնք ձմե-  
ռը մեզ թողած և գացած են աւելի տաք կլիմաներ:

Ապրիլի սկիզբները, ծաղիկներուն և կանանչ-  
ներուն հետ անոնք կուգան մեր քով իրենց բոյները  
չինելու համար:

Առաջին հիւրը ծիծեռնակն է. ան կ'աւետէ մեզի  
գարունը. մեր բնակարաններուն բիւրն տակ կուգայ  
իր բոյնը շինել ձագուկներուն համար: Էգը կը բխակ  
այդ նորակառոյց բոյնին մէջ. արուն ամբողջ օրը կը  
թռչտի միջատներ որսալու, զորս կը բռնէ թռած ժա-  
մանակ, որկորը կը լեցնէ անոնցմով և կը բերէ իրի-  
կունը իր բոյնը: Բնութիւնը անոր տուած է շատ  
բարակ թեւեր, որոնց միջոցաւ կը յաջողի շատ արագ  
թռչել:

Դիտեցէք թռչուն մը և պիտի տեսնէք որ անոր  
ամէն մէկ մասը հրաշալի կերպով կազմուած է իր  
պէտքերուն գոհացումին համար:



ՓԱՅՏՈՐ




ԿԱՐՄՐԱԼԱՆՁ

Գեղձանիկին կառուցը զօրաւոր է փոքրիկ հունտերը կարենալ մանրելու համար: Կարմրալանջը ունի խոշոր կառուց մը, աւելի մեծ հունտերը մանրելու և գեանէն որդերը ժողվելու համար: Փայտփորին կառուցը ուղիղ և կարծր է, կարենալ ծակելու ծառերուն կեղեւը և անոնց փոսած մասերուն մէջէն միջատները դուրս հանելու համար:

Բազը տափակ կառուց մը ունի, ծայրը բուսական կարծր, որով կը յաջողի աւազաններու և լճակներու մէջէն դուրս հանել իր կերը, որ ջրային որդերէ կը բաղկանայ:

Թռչուններու քաթերն ևս կազմուած են տարբեր ձեւերով, իրենց ապրելու եղանակին համեմատ: Գեղձանիկը ունի բարակ թաթեր՝ հանդիստ կերպով թառելու համար: Կարմրալանջն ունի աւելի խոշոր և աւելի զօրաւոր թաթեր՝ հողին վրայ ցատկուտելու համար: Փայտփորին թաթին մատերը զոյգ են՝ ծառերուն վրայ մազլցելու համար: Հաւը ունի ուժեղ և մեծ թաթեր, կարենալ հողը քերելու համար, իսկ բազին թաթերը մաշկապատ են՝ լողալու համար:

Թռչունները իրենց բոյները կը շինեն իրարմէ տարբեր տեղերու մէջ, տարբեր ձեւերով:



ՏԱՐՄԱՀԱԻ ԲՈՅՆԸ



ՍՈՒՍԱԿԻ ԲՈՅՆԸ

53. Բ.

Տարմահաւը իր բոյնը յարգով կը շինէ, և ծառերու խոռոչներ կ'ընտրէ՝ թշնամիներուն դէմ աւելի ապահով ըլլալու համար: Ճայտակները բարձր տեղեր կ'ընտրեն, մանաւանդ եկեղեցիներու զանգակատուններուն մէջ կը շինեն իրենց բնակարանները՝ ցպիկներով ծածկուած բուրդի շիւղերով և ձիու մազերով: Անծեղը ամենէն մեծ խնամքը կը տանի իր բոյնին. ներքին մասը կը զարգարէ զանազան փայլուն առարկաներով՝ զորս կը գողնայ իր ճամբուն վրայէն: Կիւռն վատ սովորութիւն մը ունի, ամէնուն ծանօթ. փոխանակ իրեն յատուկ բոյն մը շինելու, կ'երթայ կը գտնէ շիկահաւի մը, արտոյտի մը և կամ հովուաթռչունի մը բոյնը և անոնց մէջ կ'ածէ իր հաւկիթները, և երբ պզտիկ կ'ուռները մեծնան, երախտագէտ չեն ըլլար իրենց մօրը խնամքին ու կը սկսին իրենցմէ տկար եղող ընկերները մէկիկ մէկիկ

բոյնէն դուրս նետել, մօրը ամբողջ խնամքը կարենալ վայելելու համար. ասոնք ծոյլ ծնողքի և ապերախտ զաւակներու օրինակներ են: Արտոյտներն ու սոխակները գետնին շատ մօտ կը շինեն իրենց բոյները, մացառներու և թուփերու մէջ, թէպէտ արտոյտը երբ բոյնէն դուրս ելնէ բարձրաբոխ է, և առաւօտները շատ կանուխ կ'ելնէ: Որսորդները զայն բռնելու համար փայլուն առարկաներ կը շողացնեն արեւուն առջեւ պլպլացող, որոնց կը մօտենայ:

Հիմա պիտի ուզէք գիտնալ թէ ծովային թռչունները ինչպէս կը շինեն իրենց բոյները. անոնք բոյն չեն շիներ, հապա՝ կ'երթան կը թառին ժայռերու անմասշեխ տեղուանքը, և հոն, հովերէն ու ալիքներէն պաշտպանուած, խոռոչներու մէջ կը գետեղեն իրենց հաւկիթները. և բնագրը իրենց կը սորվեցնէ հաւկիթները այնպիսի գիւրքի մը մէջ դնել որ բնաւ չեն կրնար ժայռերէն վար գլտորիլ:

ԲԱՌԵՐ — կլիմայ՝ մթնոլորտ, օդ, քիւ՝ տանիքին եզերքը գտնուող զարդ, քիսել՝ հաւկիթ ածել, որկու՝ կոկորդ, քար՝ պղտիկ ձեռք, մաւկապաս՝ բարակ մորթով պատած, խոռոչ՝ ծառի կամ ժայռի վրայ գտնուած ձեղք, բարձրաբոխ՝ բարձրէն թռչող, անմասշեխ՝ չի մօտեցուելիք, բնագր՝ ինքնայատուկ զգացում, ի ծնէ մարդուս մէջ գոյութիւն ունեցող զգացումը:

ԸՆԴԻԱՅՆՆԵԼԻ ԿԻՏԵՐ. — Գանի՞ տեսակ թռչուններ գիտէք. — Նկարագրեցէք անոնց կազմուածքը, բնագրները, բնակութիւններն ու ուտելիքները:

Թռչունը երգեց, օդը բացուեցաւ,  
Արեւն ալ վաղո՛ւց ելաւ, բարձրացաւ.  
Խելո՛ք տըղաքներ, շուտ մը հագուեցէ՛ք  
Շուտով դասարան դուք հաւաքուեցէ՛ք:

Մարդ և անասուն, գազան ու թռչուն,  
Ամէնքն ալ կ'երթան իրենց գործերուն,  
Բերնովն ուտելիք կը բերէ մըջիւնն,  
Ծաղիկներէն հիւթ կը ծծէ մեղուն:

Դաշտը գոյնզգոյն ծաղկով զարգարուած,  
Մարգագետինը կանանչ է հագած,  
Չմեռուան քունէն անտառն արթնցած՝  
Իր տերեւները կը շարժէ կամաց:

Ձկնորսներն ուռկանն անձ՝ կը քաշեն,  
Հնձողներն իրենց մանդաղը շարժեն...  
Դո՛ւք ալ, մանուկներ, ձեր գիրքերն առէք.  
Աստուած ծուլութիւն չի սիրեր երբեք:

Ծոյլը մուրացկանին եղբայրն է:

Աւխասուրիւնը մեր կեանքին քաղցրութիւնն է եւ ջանկութիւնն կուսայ:

Առաւօտ մը, ծաղիկներուն պարիկը արթննալով,  
պարտեզ իջաւ պտոյտ մը ընելու համար: Արեւը գետնոր ծագած էր և անոր ձառագայթներուն տակ ծաղիկները աւելի գեղեցկացած էին: Վնիս առուակի մը

եզերքը, շերեփազինեալն քով գեղեցիկ անմոռուկներ տեսաւ .

— Բարի լո՛յս, աղուոր կապոյտ ծաղիկներ, ըսաւ անոնց, կը հաճի՞ք ինձի բան մը սորվեցնել ձեր մասին :

— Ի՞նչ կ'ուզես սորվիլ, հարցուցին պարիկին, բոլորն ալ զարմացած :

— Ըսէ՛ք խնդրեմ թէ ի՞նչպէս հագած էք այդ սիրուն զգեստները : Ո՞վ տուած է ձեզ այդ աղուոր գոյները :

— Մենք չըջագրեստ անունը չենք տար մեր վրայ եղած զարդարանքին, ըսաւ խոշոր անմոռուկ մը, մեր կապոյտ չըջագրեստին տակ հինգ կանանչ տերեւիկներ կան, որոնց մենք սէփալ անունը կուտանք, իսկ կապոյտ չըջագրեստին ալ բէթալ, որոնք դարձեալ հինգ թերթերէ կազմուած են և մէջտեղը հինգ առէջներ կան :

— Սա պզտիկ ցողուններն են առէջները, որոնց ծայրը դեղին փոշի մը կայ, հարցուց պարիկը՝ ծաղիկին սրտին նայելով :

— Այո՛, ո՛րչափ խելացի ես, պատասխանեց անմոռուկը : Այդ գեղին փոշին որ բօլէն կը կոչուի, մեզի համար շատ օգտակար նիւթ մըն է . եթէ կ'ուզես մեծ քանակութեամբ տեսնել, գնա այցելէ՛ պարտէզին ձերմակ շուշաններուն :

— Ի՞նչ բանի կը ծառայէ այդ փոշին, հարցուց պարիկը :

— Անիկա մեղուներուն կը փակչի, երբ անոնք կուգան մեղր քաղել, կը տանին դայն կը ձգեն ուրիշ անձրիկի մը ձուարանին մէջ, ուր պտուղը կը գոյանայ :

— Ի՞նչ է ձուարանը :

— Ձեռքիդ մէջի ծաղիկը լաւ մը քննէ՛, ճիշդ անոր մէջտեղը պիտի տեսնես ուռած մաս մը որ առէջներուն նման այդ փոշիէն չուսին : Ճի՛շդ այդ մասն է որ պտուղ կուտայ :

— Ի՞նչ, գոչեց պարիկը, ին՞ն կը կազմուի խընձորը կամ տանձը :

— Այո՛, ըսաւ ծաղիկը, այդ ուռած մասին մէջ հունտեր կան, երբեմն անոնք շատ փոքր կ'ըլլան, երբեմն ալ խոշոր և ճաշակելի :

— Պէտք է որ մեկնիմ, ըսաւ պարիկը, մնաս բարեաւ, շնորհակալ եմ, սիրուն ծաղիկ :

Բ. 56.

Եւ պարիկը ճամբայ ելաւ կրկնելով . — Կանաչ տերեւիկներ, գունաւոր թերթեր, առէջներ՝ դեղնորակ փոշիով, և ձուարանը իր պտուղով . ո՛րչափ բաներ սորվեցայ :

Երբ այս բառերը կրկնելով պարտէզին մէջ կը պտտէր, շուշանները ըսին .

— Կեցի՛ր, մենք ալ քեզի բան մը պիտի սորվեցնենք : Մեր կանաչ թերթերուն ամբողջութիւնը բաժակ կը կոչուի, իսկ մեր գունաւոր թերթերուն ամբողջութիւնը՝ պսակ :

— Շնորհակալ եմ ձեզի, սիրուն ծաղիկներ, ըսաւ պարիկը, բայց ձեզմէ բաժնուելէ առաջ, կ'ուզեմ լաւ ո՛ր քննել ձեր առէջները, որոնք այնքան խոշոր և գեղեցիկ են :

— Ինչո՞ւ չէ, ըսին շուշանները, եկո՛ւր մեր քով, սիրուն պարիկ, և տե՛ս թէ անոր մէջ ինչեք կան:

Եւ անա՛ հետաքրքիր պարիկը գլուխը անուշահոտ ծաղիկին պսակին մէջ դրաւ, և հո՛ն տեսաւ մեծ քանակութեամբ փայլուն զեղին փոշին:

— Ո՛հ, պէտք է որ հոտոտեմ, ըսաւ, բայց անմիջապէս իր ամբողջ մարմինը ծածկուեցաւ փոշեղէն ամպով մը:

— Այս ի՞նչ եղայ, գոչեց պարիկը, և բոլորովին զեղնած, թիթեռնիկի մը կռնակն ելլելով՝ իր տեղը վերադարձաւ:

ԲԱՌԵՐ — պարիկ՝ երեւակայական ոգի մը որ կըրնայ ուղածն. ընել կամ ըլլալ, վնիս՝ յտակ, մաքուր, շերտփազի՝ տեսակ մը ծաղիկ որ շերտի ձեւ ունի, անմոռակ՝ կապոյտ ծաղիկով պզտիկ տունկ մը:

ԸՆԴԼԱՅՆԵԼԻ ԿԵՏԵՐ. — Ի՞նչ է պարիկը. — Ի՞նչ է սէփալը, փէթալը, առէջը, ձուարանը, բաժակը և պսակը. — Ի՞նչ բանի կը ծառայեն անոնք, և ի՞նչ օգուտ ունին ծաղիկներուն:

57. Գ Ա Յ Լ Ն Ո Ի Ա Ր Ա Գ Ի Լ Ը

Գայլը որ մը ճաշած ատեն ոսկոր մը կլկեց, որ կոկորդին մէջ մնաց: Սկսաւ վազվզել ոռնալով ու խնդրելով հանգիպած բոլոր կենդանիներէն որ օգնութեան հասնին իրեն:

— Ո՛հ, օգնեցէ՛ք ինձի, սա ոսկորը հանեցէ՛ք կոկորդէս և ես պատրաստ եմ մեծ պարգու մը տալ ձեզ, կը պոռար:

Ո՞վ կը համարձակէր գայլին մօտենալ. ամէնքն ալ վախնալով կը փախչէին:

Վերջապէս արագիլ մը խղճալով անոր վրայ, յօժարեցաւ օգնութեան հասնիլ:

Արագիլը իր երկայն կտուցը խօթեց անոր կոկորդը և ոսկորը դուրս հանեց:

Երբ գործը լնցաւ, յարգանքով կեցաւ անոր դէմ, և խոտացուած սրբաբեւր պահանջեց:

— Ի՞նչ, պարգե՞ւ կ'ուզես տակաւին, պատասխանեց գայլը խոխոս ձայնով մը. բարեբաղդ չե՞ս համարեր ինքզինքդ քու վրայ մեղքնալուս և գլուխդ չի փրցնելուս համար:

Արագիլը երբ լսեց գայլին այս ասպրախտ խօսքերը, արագորէն թռաւ, վրայ չի տալու համար իր գլուխը:

Տղա՛ք, մարդիկ կան որ այս գայլին կը նմանին, բնաւ երախտագէտ ըլլալ չեն գիտեր երբ իրենց ճառայութիւն մը մատուցուի: Զգուշացէ՛ք այդ տեսակ մարդոցմէ և ճանչցէ՛ք ձեր բարեկամը:

Քեզի հանդէպ կատարուած բարեգործութիւն մը երբեք մի՛ մոռնար, իսկ քու կատարած բարեգործութիւնդ երբեք մի՛ յիշեր:

ԲԱՌԵՐ — խոխոս՝ հպարտ:

58. ԱՐԱԳԻԼՆ ՈՒ ԳԱՅԼԸ

Արագիլը զարձեր էր նոր  
 Բոյնն իր հին ,  
 Երբ Մարտի ձիւնն ծածկեց լեռ , ձոր  
 Ու գիտին :

Խեղճն անօթի կը մարմըրէր ,  
 Երբ իր բոյնին ծառին տակ գէր  
 Գայլը աեսաւ , որ մէկ ոչխար  
 Կը փարատէր :

— Զիւնն է ծածկեր ամբողջ աշխարհ  
 Յոյսս է հատեր ,  
 Զուսիմ մէկ որս , գորս կամ մողէս ,  
 Ո՛հ , պարո՛ն գայլ , նօթի եմ ես .  
 Ինձ գըլթացի՛ր ,  
 Որտեղ հոտող՝  
 Քիչ մը տայիր  
 Գէթ իբրեւ փոխ ,  
 Ըսաւ թռչունն  
 Նօթի փորուն :

— Անխե՛ղք թռչուն , լսուած բան է  
 Որ գայլն իրեն որտէն հանէ  
 Մաս ու բաժին  
 Ի վրաս անձին :  
 Ինձմէ օգնութիւն  
 Մի՛ ըսպասեր դուն ,  
 Ըսաւ գայլը անգըլթաբար :

Արագիլը համբերատար  
 Անցուց՝ շուտով  
 Մարտն ապահով :

59. Բ .

Օգոստոսի մէջն էր արդէն ,  
 Գայլը՝ նեղուած սաստիկ տաքէն՝  
 Տակը շուքին  
 Թանձր ծառին ,  
 Մըտած իր բոյն  
 Կը քաշէր քուն ,  
 Երբ որ յանկարծ օձ մը երկար  
 Փաթթուեցաւ պարանոցին .  
 Գայլը եղած սարսափահար  
 Պինդ սեղմումէն ուժեղ օձին ,  
 Գոչեց ուժգին  
 Արագիլին .

— Օգնութեան հասցուբ  
 Քու անեղ ու սուր ,  
 Կըտուցն ու մագիլ ,  
 Եղբայր արագիլ .  
 Ազատելու օձէն չար՝  
 Բացի քեզմէ չունիմ ճար :  
 Արագիլն այսպէս  
 Տուաւ պատասխան .

— Գայլ դուն սեւերես ,  
 Հասա՛ր օգնութեան  
 Երբ անօթի  
 Կը մեռնէի .  
 Ըսէ՛ , տուի՛ր կըտոր մը միս ,  
 Թէ՛ բըրտօրէն մերժեցիր զիս :

\* \* \*

Ո՛վ որ լայն օրին  
 Չօգնէր ընկերին՝  
 Իր նեղ օրուան մէջն իրական  
 Չի գտներ տէր ու տիրական :  
 Իր պատիժը  
 Այսպէս զբտաւ ,  
 Խեղճեց իժը  
 Գայլն անիրաւ :

Մ. Տ.

ԲԱՌԵՐ — քանձօ՝ խիտ , հաստ , իժ՝ թուռնաւոր օձ :

ԹԵԼԱԴԻՐՈՒԹԻՒՆ . — Յոյց տալ նիւթին բարոյաւ  
 կան իմաստը՝ զայն պատմել տալէ յետոյ :

60. Ա Մ Ա Ռ

Ամառը եկաւ , օրերը շատ երկար են , արեւը սաս-  
 տիկ տաք կ'ընէ : Անձրեւներն ու արեւուն ջերմութիւ-  
 նը ցորենին ու տունկերուն աճումը կը փութացնեն :  
 Ի՛նչ զեղեցիկ է զալարագեղ զաշտին , անտառներուն  
 ու ամառուան սխալի ծաղիկներուն տեսքը :

Եզները արօտավայրն են : Ոմանք կ'արածին , ու-  
 բիշներ կը հանգչին ու կ'որոճան հանդարտիկ : Ոչխար-  
 ները բլուրներու և մարգագետիններու վրայ խոտ կը  
 նարակեն :

Մշակներն հիմա շատ զբաղած են , մարգագետին-  
 ներու մէջ խոտ կը հնձեն : Խոտերը կտրելէ վերջ , կը  
 տարածեն ու արեւուն դէմ կը չորցնեն : Յետոյ բարդ

բարդ կը դիզեն՝ ձմեռը եզներուն , ձիերուն և ոչխար-  
 ներուն տալու համար :

Ամառուան սկիզբը , թռչուններն իրենց քաղցր  
 դեղձեղներով անտառներն ու ձորերը կը հնչեցնեն ,  
 որով մեզի կը հասկցնեն թէ շատ ուրախ են : Բայց ,  
 երգելով հանդերձ , կ'աշխատին : Իրենց բոյնը կը շի-  
 նեն , հաւկիթ կ'ածեն , թուխ կը նստին՝ մինչեւ որ  
 ձագերը ծնին . այն ատեն կեր կը ձարեն , մինչեւ որ  
 անոնք թռչելու և սնանելու վիճակին հասնին :

Ամառն իր ծաղիկներով ու երգերով , ջերմութեամբ  
 ու ծառերուն մեզի տուած սնունդով՝ տարւոյն ամե-  
 նաօգտակար եղանակը կը համարուի :

ԲԱՌԵՐ — սխալի՝ զեղեցիկ , նարակել՝ ուտել :

61. Ո Չ Խ Ա Ր

Ոչխարը ընկանի չորքոտանի մըն է , որուն մար-  
 մինը սեւ կամ ձերմակ բուրդով ծածկուած կ'ըլլայ .  
 ունի երկու եղջիւրներ և իւրօտ դմակ մը և կը կե-  
 րակրուի բուսեղէններով : Ոչխարը կը բնակի տունե-  
 րու մէջ առանձին , կամ խումբ խումբ՝ փարախներու  
 մէջ հովիւի մը առաջնորդութեամբ : Ան շատ օգտակար  
 է մարդոց թէ՛ իր բուրդով և թէ իր կաթով : Կաթէն կը  
 չիւնուի պանիր , մածուն՝ և կարագ . իսկ բուրդէն կը  
 չիւնուի զանազան տաքուկ զգեստներ : Ոչխարին էգը  
 կ'ըսուի մաքի , արուն՝ խոյ , և ձագուկը՝ գառ կամ  
 գառնուկ :

ԲԱՌԵՐ — ընկանի՝ մարդու մօտ , տուներու մէջ  
 ապրող , դմակ՝ ոչխարին իւրօտ պոչը , փարախ՝ ոչխարի  
 ախոտ :




62. Շ Ո Ւ Ն

Շունը բնտանի կենդանի մըն է, սեւ կամ ճերմակ սեւեւով մը պատսպարուած է և կը սնանի հացով ու ճարպոտ կերակուրներով: Ան կը բնակի մարդոց մօտ և քաղաքներու կամ գիւղերու փողոցները ու շատ անգամ ալ տուներու մէջ՝ ուր իրեն համար յատկացուած խոտիկներու վրայ կը պառկի: Փողոցի շուները երբեմն վնասակար են մարդոց, սակայն տան և հովիւի շուները կը պահպանեն տուները՝ պատահական թշնամիներէ և հօտերը՝ վնասակար կենդանիներէ:

Շունը բազմակողմանի առաւելութիւններ և օգտակարութիւններ ունեցող կենդանի մըն է: Իր հաւատարմութիւնը առակի կարգ անցած է, և ատոր համար կը բռնենք «չան պէս հաւատարիմ»: Սուր հոտառութիւն ունի, և անգամ մը հոտոտելով ճանչցած ու յետոյ անհետացած կամ կորսուած անձ մը կը բնայ յաճախ

գտնել բերել կամ գտնուած տեղը ցոյց տալ: Շուներու այս յատկութիւնը շատ յաճուկ կերպով հաստատուեցաւ վերջին պատերազմին մէջ: Անիկա կը գտնէր անձա-



ԵՐԱՅԱՆ ԶՈՒՍԱՅՈՒՆ ԳՐԱԳՐԱՐԱՆ

նօթ կամ ամայի վայրերու մէջ վերաւոր կամ մեռած ինկած զինուորիները, և արագօրէն ետ դառնալով, զանազան ձևերով ու շարժումներով կը ստիպէր իր տէրերը հետեւելու իրեն՝ գէպի վերաւորը կամ մեռեալը: Ինչպէս պատկերը ցոյց կուտայ, փոքրիկ կառքերու ալ կը լծուին անոնք: Շուներ ունի նաև խիստ զօրաւոր բնազդ, որ գոռչակել կուտայ իրեն գալիք վտանգը: Եթէ իր տէրը ազէտի մը ենթարկուած է կամ մեռած, կը զգայ ան և դառնօրէն կ'ոռնայ, այսինքն կուլայ: Աւելորդ է ըսելը թէ իր տիրոջ մահը՝ խորապէս կը խոցէ իր սիրտը, և ո՛չ միայն անոր մահը կ'ողբայ, այլ և կը մերժէ ո՛ր և է սնունդ՝ մինչև որ ինքն ալ մեռնի անուաղ ու անմխիթար: Բազմաթիւ գէպքեր կան շուներու այս բնազդին վրայ խօսող: Եւ վերջապէս շուներ այն միակ կենդանին է որուն մէջ երախտագիտութիւնը անսահման է և անպերազանցելի:

ԲԱՌԵՐ — սեւ՝ անասունի վրայի մազը, խոսի՝ գետնի վրայ պառկելու տեղ, անուալ՝ անօթի:

ԹԵԼԱԴՐՈՒԹԻՒՆ — Աշակերտին պատմել տալ շուներու նկատմամբ գիտցածն ու իմացածը:

63. ԵՐԿՈՒ ԱՔԼՈՐՆԵՐՆ ՈՒ ԱՐԾԻԻԸ

Օր մը, երկու աքլորներ ալբիսի մը համար զիրար բռնակու աստիճան կը կուտէին. վերջապէս երկուքէն մէկը յաղթուելով, պատերազմի մէջ ինկող զինուորի մը պէս վէրքերով ծածկուած՝ արիւնլուայ փռուեցաւ հաւնոցին մէկ անկիւնը:

Յաղթողը հպարտութեամբ թառեցաւ տանիքին վրայ ու թեւերը զարնելով՝ սկսաւ յաղթուածին երգել երգել:

— Կուկուլիկո՛ւ...

Բայց աւա՛ղ, չի կրցաւ շարունակել իր երգը, որովհետև ճիշդ այդ միջոցին, արծիւը, որ օդին մէջէն թռչելով կ'անցնէր, իր մազիկներուն մէջ առնելով սևափառ աքլորը՝ տարաւ, և անոր մրցակից վերաւոր աքլորը, պահուքսած տեղէն գուրս ելլելով՝ գնաց գրաւեց այն աղբիւսը՝ որուն համար կուտած էին:

Պէտք է՛ գոռոզանալ, աղա՛ք, մանաւանդ պէտք է՛ անսպարել յաղթուածին տօնելու համար:

Փառասիրութիւնը անգարմանելի վերք մը ըլլալէ աւելի՛ մեծ եւ վսանկաւոր վերք մըն է:

ԲԱՌԵՐ — ալբիս՝ անպէտ աւելցուքներ թափելու տեղ, աղբանոց, մազիկ՝ թռչուններուն եզունքը, սևափառ՝ պարսպ բաներով պարծենցող, մրցակից՝ հակառակորդ:

ԸՆԴԵԼԱՅՆԵԼԻ ԿԷՏԵՐ — Պէ՛տք է որ մարդ փառասէր ըլլայ. — Ի՛նչ հետեւանք կ'ունենայ պարծենկոտութիւնը. — Ո՞րն է լաւը, պարծենկո՞տը թէ համեստը:

64. ԱՂՈՒՆՍՆ ՈՒ ԱՔԼՈՐԸ

Կէս գիշեր էր, երբ աղուէտին նօթի, Ականջին հասաւ ձայն մը աքլորի:

Բերնին թուքեր վար կը վազէր:

Դուռնչը տընկած , պոչն ալ վար կախ ,  
 Դէպ' հոն վազեց ուրախ խախ :  
 « Կո՛ւկուլի՛ կկո՛ւ . . . կո՛ւկուլի՛ կկո՛ւ . . .  
 — « Ի՛նչ անուշիկ կը ձայնես դու ,

Սիրուն աքլոր ,  
 Հաւատա՛ որ

Սոխակն անգամ քու բընասուր  
 Չունի ձայնըդ քաղցրալուր :  
 Գըլխուդ վըրայ կարմիր պըսակ ,  
 Ոսկի գիւղեր կըզակիդ տակ ,  
 Ողուկ ու դուր ,  
 Գոյն գոյն փետուր .

Կամարաձեւ պոչ մ' անընկնուն ,  
 Կա՞յ քեզ նման հաւ կամ թըռչուն :

Երանի՛ քեզ ,  
 Թէ տեսքիդ պէս  
 Կուրծքիդ տակի  
 Սիրտն է բարի » :

Իսկ աքլորը ազուէսին  
 Խարուելով շուտ , կեղծ ու սին  
 Գովեստներէն ,  
 Չայնեց ներսէն .

— « Ի՛նչ , ցա՛ւ մ' ունիս , պարոն աղուէս ,  
 Ըսէ՛ խնդրեմ , հոգիդ սիրես ,  
 Որ միս մինակ ,  
 Աս ժամանակ ,  
 Թողած քու բոյն  
 Հոս եկար դուն .

Կըրնամ՞ ըլլալ ցաւիդ դարման ,  
 Սիրտս է տեսքիս յար ու նըման :  
 Ըսէ՛ , մի՛ խըպնիր ,  
 Ի՛նչ է քու խընդիր » :

— « Սար ու ձորեր ,  
 Չիւն է ծածկեր ,

Յուրան է սաստիկ , բու՛ք ու բօրան ,  
 Կենդանիներ՝ ամէն կորան ,  
 Մահուան ճանկէն ես մազապուր  
 Ազատելով շունչս հոս առի :

Մօրդ արեւուն ,  
 Մինչեւ առաւուն ,

Հաւնոցիդ մէկ խոբը քափուր  
 Չիս պահէիր , աքլո՛ր բարի » :

— « Բարի՛ , հազա՛ր  
 Բարով եկար ,  
 Ի՛նչ մեծ պատիւ  
 Ինձ ստուգիւ :

Շնորհակալ եմ քեզմէ բիւր  
 Որ բոյնիս մէջ դուն իբրեւ հիւր  
 Կը զիջանիս մտնել այսպէս .  
 Հրամմէ՛ , մըտի՛ր , պարո՛ն աղուէս » ,  
 Ըսաւ . հազիւ դուռը բացաւ՝  
 Չար աղուէսը ներս խոյսցաւ ,  
 ( Չըկար սակէ յարմար առնն ) :  
 Նախ աքլորին վիզն արմատէն  
 Խածաւ փըրցուց , ապա կարգաւ  
 Խեղդեց ամէն վառեակ ու հաւ :

\* \* \*

Մարդոց մէջ ալ որքա՛ն շատ կան  
 Այս աղուէսին յար և նըման ,

Կեղծաւորներ լեզուով բարի՞,  
 Սըրտով նըման կարծըր քարի,  
 Որոնք մարդկանց գիւրաւ խաբուող՝  
 Տուներն կ'ընեն մոխիր ու հող:

Մ. Տ

ԲԱՌԵՐ — Գօրի՛ անօթի, խրախ՛ ուրախ, զուարթ,  
 բնասուր՝ բնական, բնութենէն տրուած, քաղցրալուր՝  
 անոյշ, քաղցր ձայն, գիւնդ՝ օղ, ողորկ՝ սահուն, դուր՝  
 չիտակ, կամարածե՛ կլոր, անրնկնուն՝ զօրաւոր, սիւն՝  
 պարապ, անխմաստ, յար՝ նման, բու՛ ձիւնախառն հով,  
 մազապուր՝ հազիւ հազ, խոր՝ անկիւն, քափուր՝ պա-  
 րապ, սուղիւ՛ ճշմարիտ, գիշանիլ՝ ընդունիլ, խոյա-  
 նալ՝ նետուիլ, յարձակիլ, վառեակ՝ հաւու ձագ:

ԹԵԼԱՒՐՈՒԹԻՒՆ. — Բերանացի արձակի վերածել  
 նիւթը, վեր հանելով բարոյականը:

66. ԹԵԹԵՒ ՊԱԿԱՍՈՒԹԻՒՆՆԵՐ

Տղա՛ք, մի՛ ըսէք բնաւ թէ՛ թեթեւ պակասութիւն  
 մըն է ասիկա, ու կ'անցնի, որովհետեւ պզտիկ  
 քերութիւն մը կրնայ ծանր պակասութեան, մոլութեան  
 առաջնորդել ձեզ:

Բան մը չէ ձեր ակռային վրայ տեսնուած սեւ  
 կէտը, բայց եթէ շուտով ատամնաբոյժին չի ցուցնէք  
 զայն, այն ատեն ակռան կ'աւրուի, և եթէ անգամ մը  
 փախի ու քաշել չի տաք, միւս ակռաներն ալ կը վնաս-  
 ուին:

Երկրագործին հունձքին ա՛յնքան վնասող կենդա-  
 նիները որո՞նք են, վիղեր՞րը, ո՛չ. այլ, մարախներն ու  
 թրթուրները, որոնք հասկերը կ'ուտեն՝ երբ նոր բուս-  
 նին, իսկ երբ հասուննան՝ միջատները կը կրծեն  
 զանոնք:

Ո՛վ կ'ուզէ անցընել իր կեանքը ճանճի մը հետ  
 որ շարունակ կը բզզայ. առի՛ծն իսկ կը կատարի անոր  
 ձայնէն: Չեր թեթեւ պակասութիւնն ալ այդ ճանճն  
 է: Ինչո՞ւ չէք վռնտեր զայն:

Բան մը չէ կաթիլ մը ջուրը, բայց ընդարձակ  
 ծովերը այդ ջուրի կաթիլներէն կազմուած են:

Թեթեւ պակասութիւնը ինքնիրենը չանցնիր:

Եթէ պզտիկ փուշ մը անգամ առի՛ւծին ոտքը մտնէ,  
 այդ անարկու կենդանին չի կրնար քալել. ինչպէս նաև  
 ձեր կօշիկին մէջ ալ եթէ աւազի հատիկ մը գտնուի,  
 չէք կրնար հանգիստ քալել:

Ամենէն մեծ նաւը կրնայ ընկղմիլ եթէ իր կողին  
 վրայ փոքրիկ ծակ մը բացուած ըլլայ:

Ներէ՛ ընկերոջդ թեթեւ պակասութիւններուն՝ եթէ  
 չես կրնար ուղղել զանոնք. բայց քու պակասութիւն-  
 ներուդ անհաշտ աչքով գիտէ և ջանա՛ ուղղել. ժանգը  
 ամենէն ընտիր պողպատն անգամ կը խանգարէ:

ԲԱՌԵՐ — քերութիւն՝ պակասութիւն, մոլութիւն՝  
 գէշ սովորութիւն, կող՝ մէկ քովը:

67. ՕՐԻՆԱԿԵԼԻ ԱՂԲԻՐԸ

Տաք օր մը , երեք ճամբորդներ միացան ճամբու մը եզերքը գտնուող աղբիւրի մը քով : Աղբիւրին զով և վճիտ ջուրը կը հոսէր պզտիկ աւազանի մը մէջ , ուրկէ կ'երթար ուռզելու մօտակայ գաշտերը : Ճամբորդները հոն քիչ մը կանգ առին հանգչելու և իրենց ծարաւը անցընելու համար :

Վսակիս եզերքը քար մը տեսան որուն վրայ հետեւեալ արձանագրութիւնը կար . « Նմանեցէ՛ք այս աղբիւրին » : Ճամբորդները կարդալով այդ արձանագրութիւնը , իրարու հարցուցին թէ ի՞նչ է անոր նշանակութիւնը :

« Ասիկա լաւ խրատ մըն է , ըսաւ իրենցմէ մէկը որ վաճառական մըն էր : Աղբիւրը կը հոսի անդադար , հետուն կ'երթայ , միւս վտակներուն ջուրերուն կը խառնուի և կ'ըլլայ մեծ գետակ մը . նոյնպէս ալ մարդ պէտք է շարունակէ իր ճամբան , իր գործերով զբաղի , որպէս զի յաջողութիւն գտնէ ու մեծ հարստութիւն զիղէ » :

« Ո՛չ , ըսաւ երկրորդ ճամբորդը , որ երիտասարդ մըն էր , այս կը նշանակէ թէ մարդ պէտք է պահպանէ ինքզինքը գէշ ունակութիւններէ , որպէս զի իր հոգին այս աղբիւրին ջուրին պէս մաքուր ըլլայ » :

Երրորդը՝ որ ծերունի մըն էր , ժպտեցաւ և ըսաւ . « Երիտասարդը ճշմարտութիւնը ըսաւ . այս աղբիւրը ճրիօրէն իր վճիտ և զովացուցիչ ջուրը կուտայ ծարաւ եղողներուն . ասով ան մեզի կը սորվեցնէ թէ՛ բարիք կը գործէ ամէնուն , առանց վարձատրութեան և առանց հատուցում սպասելու » :

ԲԱՌԵՐ — աւազան՝ գետնին վրայ բացուած փոս ուր ջուր կը հաւաքեն , ուռզել՝ ջրել , թրջել , վսակ՝ պզտիկ առուակ , վաղող ջուրի ճամբայ :

ԸՆԴԴԱՅՆԵԼԻ ԿԷՏԵՐ . — Ուրիշ ի՞նչ օրինակներ կան առնուելիք քարին վրայի արձանագրութեանէն :

68. ԿՐԱԿ , ԶՈՒՐ ԵՒ ՊԱՏԻՒ

Կրակը , ջուրը և պատիւը անգամ մը ընկերութիւն կազմեցին :

Կրակը երբէք տեղ մը չի կրնար կենալ , ջուրն ալ միշտ շարժման մէջ է . ուստի ասոնք ստիպեցին պատիւը որ իրենց հետ ճամբորդութիւն ընէ :

Բայց մեկնելէ առաջ , երեքը միասին խորհրդածեցին թէ , եթէ երբէք իրարմէ հեռանալու ըլլան , զիրար չկորսնցնելու համար նշան մը որոշեն : Կրակը ըսաւ . « Եթէ երբէք ձեզմէ բաժնուիմ , ուշադրութիւն նիզ դարձուցէք հոն՝ ուր ծուխ տեսնէք , անպատճառ զիս հոն կը գտնէք . այս է իմ նշանս » :— Զուրը ըսաւ . « Եթէ զիս կորսնցնէք , մի՛ փնտռէք հոն՝ ուր չոր է , այլ փնտռեցէք հոն՝ ուր կը տեսնէք ուռնիներ , եղեգներ , բարձր և կանանչ խոտեր , ես այդ տեղերը կը գտնուիմ » :— « Իսկ ես , ըսաւ պատիւը , աչքերնիդ լաւ բացէք և սեւեռած պահեցէք վրաս , վասն զի եթէ երբէք չար բաղդը զիս ճամբէս դուրս հանէ ու կորսուիմ , այլ ես երբէք չէք կրնար գտնել զիս » :

Մարդ պե՛տ է իր պատւոյն վրայ արքնութեամբ հսկէ , վասն զի երբ մեկը պատիւը կորսցնէ , դժուարաւ կը գտնէ զայն :

Երանի անոնց որոնք պատւոյ եւ նեմարտութեան մեջ ուղիղ կը քայլեն :

ԲԱՌԵՐ — խորհրդածել՝ խորհուրդ ընել , մտածել , սեւեռած՝ աչքերը յառած :

ԹԵԼԱԴՐՈՒԹԻՒՆ . — Ընդլայնել պատուոյ կարեւորութիւնը և անոր ազդեցութիւնը կեանքի մէջ :

69 . Ծ Ն Ո Ղ Ա Ս Է Ր Տ Ղ Ա Ն

Սկովտիոյ քաղաքներէն մէկուն մէջ կ'ապրէր աղքատ ընտանիք մը , որուն հայրը պատերազմի կանչը ւած էր՝ Հայրենիքին համար կրուելու :

Այս մարդը ունէր 12 տարեկան տղայ մը՝ Ճօն անունով :

Հօրը մեկնելէն բաւական ժամանակ վերջ , տղան միտքը բերաւ որ իրենց պարտէզին գետնախնձորէն հօրը տանի , որովհետեւ ան շատ կը սիրէր :

Օր մը , վերջապէս , պարկ մը լեցուն գետնախնձոր ձոր առած հրաժեշտի ողջոյնը տուաւ իր մօրը և մեկնեցաւ :

Ճօն , իր նպատակին հասնելու հաստատ կամքով , 200 մդոն ձամբայ քալեց :

Իրիկուն մը , գիշերելու համար տղան տուն մը գնաց : Տնեցիները հիւրասիրեցին զինք և հարցուցին

թէ ի՞նչ էր իր նպատակը , որուն համար այդքան հեռու տեղեր կ'ուզէր երթալ :

— Ես հայրս գտնելու կ'երթամ , պատասխանեց , անիկա զիս շատ կը սիրէր , ես ալ կ'ուզեմ իմ գործքովս իր սէրը փոխարինել :

— Ի՞նչ աղնիւ պատասխան , ըսին տնեցիները , դեռ մատաղ հասակիդ կը զգաս մաքուր սէր մը քու ծնողացդ հանդէպ :

Առտուն կանուխ , տղան իր ձամբան շարունակեց : Օդը գեղեցիկ էր պայծառ արեւով : Քալեց ու քալեց , սարեր ու ձորեր կտրեց անցաւ , երբեմն կուշտ , երբեմն անօթի , երբեմն գիւղական տան մը մէջ հիւրասիրուելով , երբեմն բաց դաշտի վրայ՝ ծառի մը տակ քնանալով , բայց մի՛շտ քալեց :

Վերջապէս հասաւ պատերազմին վայրը : Շատ մը վիրաւոր մարդիկ տեսաւ հոն : Անոնցմէ մէկուն հարցուց թէ իր հայրը կ'ուզէ տեսնել՝ եթէ ողջ է : Արդարեւ ողջ էր ան , և երբ իմացաւ իր տղուն գալը , վազեց եկաւ : Տղան չի կրցաւ մէկէնիմէկ ձանձնալ զայն , որովհետեւ վիրակապերով փաթթուած և զինուորական հագուստին մէջ այլակերպուած՝ անձանաչելի դարձած էր : Հայրը սակայն ձանձնաւ տղան , և հայր ու տղայ ուրախութեան արցունքներով զիրար ողջագուրեցին :

— Հայրի՛կ , ըսաւ Ճօն , գիտէի որ գետնախնձոր շատ կը սիրէիր , անաւասի՛կ , լեցուն տոպրակ մը բերի քեզի որ ուտես :

Արտակարգ ուրախութիւն մը կը տիրէր այն իրիկունը բանակին մէջ: Հրամանատարին ճաշտեղանին շուրջ նստած էին բոլոր սպաները, խկ սեղանին գլուխը նստեցուցած էին փոքրիկ տղան և իր հայրը:

Հրամանատարը սասչէս խօսեցաւ .

— Մենք այս իրիկուն հաւաքուած ենք հոս այս Սկովտիացի փոքրիկ տղուն համար: Անիկա իր հայրը այնչափ սիրած է որ, 200 մղոն ճամբայ քալած ու վերջապէս հասած է հոս: Ապրի՛ այն տղան որ ամէն խոչընդոտ ոտնակոխ կ'ընէ իր ծնողաց սիրոյն համար:

Զինուորներն ու սպաները բոլորն ալ ծափահաւրեցին փոքրիկը:

Այն իրիկուն, բանակին ամբողջ զինուորները մոռցած էին կարծես իրենց պատերազմի դաշտին վրայ գտնուելնին:

Հետեւեալ առաւօտ, հրամանատարը ըսաւ փոքրիկ Սկովտիացիին հօրը .

— Դուն արդէն վիրաւորուած ես ու պարտքդ կատարած Հայրենիքիդ հանդէպ: Ա՛ռ զաւակդ ու գնա՛, հայր ու որդի շարունակեցէք առաքինութեան բարի օրինակները ըլլալ մարդկութեան:

Պասուեցիք մեր ծնողեր՝ մեր խօսքերով, մեր գործերով ու ամեն տեսակ աւաքինութիւններով:

ԲԱՌԵՐ — այլակերպուած՝ կերպարանքը, ձեւը փոխուած, ողջագուրել՝ համբուրելով բարեւել, խոչընդոտ՝ արգելք, դժուարութիւն:



71. ՀԱՅՐԵՆԻՔԻՆ ՀԱՄԱՐ

— Մայրի՛կ, ըսաւ Ժիրայր, կ'ըսեն թէ հայրիկը պատերազմի դացեր է, ի՞նչ տեսակ քաղաք մըն է, ասկից շատ հեռո՞ւ է «Պատերազմին»:

— Ո՛հ, տղա՛ս, «Պատերազմին» երկիր մըն է ուր քաղաքները ստերակ կ'ըլլան:

— Ինչո՞ւ հայրիկս այդ երկիրը գնաց: Ինձի ի՞նչ պիտի բերէ «Պատերազմի»էն:

— Որդեակս, պատերազմի գացողը բան մը չի բերեր, այլ կը տանի:

— Հայրիկը ի՞նչ տարաւ ուրեմն, խանութը ունեցածները:

— Չէ՛, հոգիս, բան մը չի տարաւ իր հետը, այլ միայն ինքզինքը, որպէս զի իր կեանքը տայ Հայրե-

նիքին համար: Եւ երբոր ողջ առողջ տուն դառնայ, թերեւս, ո՞վ գիտէ, թեւը կամ ոտքը տուած պիտի ըլլայ:

— Բայց, մայրի՛կ, հայրենիքը գազա՞ն մըն է որ հայրիկին կեանքը կ'ուզէ, ոտքը, թեւը կ'ուտէ: Հայրիկը առանց թեւի, առանց ոտքի ի՞նչ պիտի ընէ:

— Չէ՛, անուշիկս, Հայրենիքը գազան չէ, բայց «Պատերազմի» կոչուած երկրին բնակիչները գազաններ են: Հայրիկդ մեկնեցաւ որ Հայրենիքը այդ գազաններէն ազատէ:

— Ուրեմն ի՞նչ է Հայրենիքը, մայրի՛կ, մա՞րդ է, անասո՞ւն է, հո՞ղ է, ի՞նչ է:

— Դո՛ւն ես հայրենիքը, զաւա՛կս, այն երկիրը՝ ուր դուն կ'ապրիս, ուր քու նախահայրերդ ապրեցան:

— Հայրիկս ինձի՞ համար գնաց մեռնելու, մայր, բայց ես առանց հայրիկին ի՞նչ ընեմ Հայրենիքը: Ես հայրիկս կ'ուզեմ, հայրիկս ինձի համար մեռնիլ գնաց, ես առանց իրեն ի՞նչ ընեմ կեանքը:

— Բայց առանց Հայրենիքի, հոգի՛ս, հայրդ, ես ու դո՛ւն ալ մեռած պիտի ըլայինք արդէն:

— Ուրեմն մե՛նք ալ երթանք, մայր, հայրիկին օգնելու, որ Հայրենիքը աւելի՛ շուտ ազատուի:

ԱԿԻԷԼԻՆԵ

### 72. Հ Ա Յ Ո Ւ Ն Ն Ո Ր Տ Ա Ր Ի Ն

Ազա՛տ, կռուէ՛ն վերջ մեր դատին արդար,  
Այսօր, ո՞վ Հայեր, մէկ սիրտ, մէկ հոգի,  
Եկէ՛ք միացած տօնենք ցնծագին

Ազատութեան նորահաս տարին,  
Կոչենք անդադար  
Կեցցե՛՛ նոր Տարին...

Վեց երկար դարեր տանջուելէ յետոյ,  
Վաղը, ո՞վ Հայեր, մէկ սիրտ, մէկ հոգի,  
Ազա՛տ՝ հայրենի մեր հողին վրայ  
Ա՛լ պիտի տօնենք նոր Տարին ահա,  
Հպա՛րտ՝ — սրտով գո՛հ՝  
Նոր Տարին բարի:

\* \* \*

Ողջո՛յն հայրենի մեր նոր Տարին,  
Նաեւ փա՛ռք անոնց բոլոր որ մեռան,  
Սուրբ Ազատութեան մեծ Դատին համար:  
Ձի այսօր ազատ՝ կռուէ՛ն ետք արդար  
Կ'ըսենք միաձայն.

—Ապրի՛ յաւիտեան Հայուն նոր Տարին:

Լ. Գ.

### 73. Մ Ն Ա Յ Ա Ծ Ը

Օրերով քալեր էին լճներու, ձորերու մէջէն, և տակաւին չէին հասած իրենց վերջին հանգրուանը, որ գերեզման մը պիտի ըլլար ապահովաբար: Անճայրածիր, աւազուտ անջրդի անապատը հասեր էին: Մէկ հատիկը, վերջինը մնացեր էր իր բոլոր հոգեհատորներէն, իր ամուսինէն և իր ունեցածներէն:

Երեք տարեկան պղտիկ, սիրուն բայց ազազուն ձագուկ մըն էր անիկա:

Դժբաղդ մայրը, այդ վերջին յոյսը գէթ ապրեցընելու համար, անկարելին, հրաշալին ըրած էր. իր ունեցածին ու չունեցածին իսկ ամբողջը տուած էր:



ՏԱՌԱՄԱՆՔԻ ՃԱՄԲՈՒՆ ՎՐԱՅ

Ամէն բան որ ուտուելու երեւոյթ ունէր, պղտիկին բերանը դրած էր: Ինքը օրերով անօթի մնացած ու անոր կերցուցած էր՝ օր մը աւելի վայելելու համար իր զաւակը:

Ալ ամէն բան հատած էր: Ամիսներէ ի վեր արգէն հացին երեսը տեսած չունէին: Բայց պղտիկը չքաւորութիւնը չի ճանչնար, ան ճոխութեան մէջ ծնած է և չի գիտեր թէ ի՞նչ ըսել է «չկան»: Ու կ'սկսի հարցումներ ընել իր մօրը.

— Մայր, ալ ուտելիք բան մը չունի՞ս:

— Չէ՛, հոգիս, ա՛լ բան մը չունիմ:

— Եթէ հաց չունիս, քանի մը գարիի հատիկ ալ չունիս:

— Չէ՛, զաւակս, գարիի հատիկ ալ չունիմ:

— Ծծիկիդ մէջ երբեմն կաթ կ'ունենայիր, կա՞թ ալ չունիս:

— Ո՛չ, խեղճ ձագուկս, ծծիկս ալ չորցեր է:

Հէգ տղեկը այս բոլոր բացասական «ոչ»երէն յուսահատած՝ վերջին հարցում մըն ալ ուղղեց արտասուած թոր մօրը ու նետուեցաւ անոր գիրկը.

— Մայրի՛կ, չրթունքիդ վրայ համբո՛յր մըն ալ չի մնաց:

ԱԿԻՒԼԻՆԵ

ԲԱՌԵՐ—հանգրուան՝ հասնելիք տեղը, անմայրածիւ՛ր անվերջ, անջրկի՛ ջուր չի գտնուած տեղ, ազազուն՛ նիհար, տկար, բացասական՝ մերժողական պատասխան:

74. Մ Ա Յ Ր Ի Կ, Մ Ա Յ Ր Ի Կ...

Յոյսերըս մարեց կեանքի մըրրիկը,

Օտա՛ր են մարդիկ, բոլո՛րը օտար,

Սիրելի՛ մայրիկ, ո՞ւր է քու գիրկը,

Ա՛խ, ես յոգնած եմ, մայր, եկո՛ւր դիտար...:

Մըտերիմ չունիմ, մինա՛կ եմ գարձեալ,

Զիս կեանքէն խըլեց հըզօր ալիքը,

Այս յոգնած գլխուս կ'ուզեմ հանգիստ տալ,

Ա՛խ, մայրի՛կ, մայրի՛կ, ո՞ւր է քու գիրկը...:

Ո՛հ, լուռ է չուրջըս, հեռո՛ւ է ինձմէն

Մայրիկըս՝ հեռո՛ւ... խուլ է տընակը...

Մէկն ալ չի կայ որ յոյս տայ ինձ նորէն,

Ա՛խ, անգի՛ն մայրիկ, ո՞ւր է քու գիրկը...:

Խ. ՄԻՍԱԲԵԱՆՑ

75. ՓԱՐՈՍԻՆ ԱՂՋԻԿԸ

Յակոբ, պահապանն էր փարոսի մը՝ որ կը գըտնուէր ժայռոտ կղզեակի մը վրայ, ծովեզերքէն շատ հեռու: Անիկա հոն մինակը կ'ապրէր՝ իր ութը տարեկան աղջկան՝ Լուսիային հետ:

Առտու մը, հայրը պարտաւորուեցաւ քաղաք իջնել գնումի համար: Թէեւ չէր ուզեր իր աղջիկը առանձին թողուլ, սակայն ծովը հանդարտ ըլլալուն, վստահ էր թէ շուտով պիտի կրնար վերադառնալ:

Բայց հազիւ թէ ցամաք ելած, ահա՛ օդը փոխուեցաւ, երկինքը մ'թնցաւ, հովը սաստկացաւ և ծովուն ալիքները սկսան ա՛յնքան բարձրանալ որ մինչեւ կղզեակին ժայռերուն կը հասնէին: Ասիկա ամենէն անաւկու փոթորիկներէն մէկն էր:

Ժամերը կը սահէին, մութը կը կոխէր և փարոսին լոյսը վառելու ժամանակը կը մօտենար:

Լուսիան շատ տխուր էր. փարոսին լոյսը պիտի չվառուէր, և ո՛վ գիտէ քանի՛ նաւեր պիտի փշրուէին ժայռերուն զարնուելով, ու քանի՛ մարդկային կեանքեր պիտի գոհուէին ալիքներուն:

Յակոբ, երկար ատեն գիտելէ վերջ փոթորիկը, համբերութիւնը հատած, նաւակ նետուեցաւ: Հազիւ թիավարել սկսած, ահա՛ յանկարծ լոյսը ճառագայթեց փարոսին խոշոր լապտերէն:

Այո՛, քաջ սիրտ մը և գործելու պատրաստ ձեռք մը կար փարոսին մէջ: Լուսիա շատ անգամներ դիտած էր իր հօրը լապտեր վառելը, և գիտէր թէ ամէն իրիկուն երբ մութը կոխէր, պէտք էր վառել զայն:

76. Բ.

Այդ իրիկուն, Լուսիա տեսնելով որ հայրը կ'ուշանայ, առանց սպասելու վառեց լապտերը, մտածելով թէ այդ գործը թերացում չէր ընդուներ, քանի որ գիշերուան մութին ու փոթորիկին մէջ նաւերն ու ճամբորդներն առաջնորդող ուղղեցոյցն էր ան:

Եւ ո՛վ գիտէ, այս փոքրիկ աղջնակը, այդ գիշեր, իր ներուստը ալ ընթացքով քանի՛ քանի՛ կեանքերու փրկութեան պատճառ եղաւ: Թէպէտեւ Լուսիայի ազատած կեանքերը այնպիսի մնացին, բայց ան իր հօր ազատարարը եղած ըլլալու երջանկութիւնը ունեցաւ:

Թշուառ հայրը, կուրծք տալով հանգերձ իր և իր նաւակին վրայ փշրուող ահաւոր ալիքներուն, կը զգար որ ուժը կը սպառէր, բայց իր աղջնակին վառած լոյսին ճառագայթները կը հրահրէին, սիրտ կուտային իր յուսահատ կացութեան: Ժամերով թիավարեց ան, շատ դժուար էր նաւակին ուղղութիւն տալը, և աւելի՛ դժուար՝ փարոսին մօտենալը: Եւ իրա՛ւ ալ, երբ ան հազիւ քանի մը քայլ հեռու կը գտնուէր եզերքէն, նաւակը բաղխեցաւ ժայռերուն, խորտակուեցաւ, և ինք ծովն ինկաւ:

Լուսիա, որ լապտերը վառելէն յետոյ եկած ժայռերուն վրայ կեցած էր, և որ հեռուէն կը հետեւէր հօրը մախառումներուն, տեսնելով նաւակին խորտակուիլն ու անոր ծովը իյնալը, իր հետ բերած ազատարար գօթին նետեց, որուն կապուած պարանով դուրս քաշեց զայն:

Յակոբ ազատուած էր:

Հայր ու աղջիկ զիրար գրկած կուլային հիմա, և իրենց խօսքերը՝ հեծկլառուքներու մէջ խեղդուած՝ հազիւ կը լսուէին :

— Զաւակս, անուշի՛կ զաւակս, կը մրմնջէր Յակոբ, Լուսիայի փոքրիկ գլուխը թեւերուն մէջ առած՝ անվերջ համբոյրներ զետեղելով անոր վարդ ու վառ չրթներուն վրայ :

ԲԱՌԵՐ — փարոս՝ ցամաքի վրայ հաստատուած լսպտեր, որ ուղղութիւն կուտայ նաւավարներու, անարկու՝ սոսկալի, վախ տուող, հերոսավայել՝ քաջութեամբ, հրահրել՝ ուժ տալ, մախալի՛ կոռուիլ, պայքարել, ազատարար գոսի՝ սուսկէ շինուած կաշեպատ գօտի, որ ջուրին վրայ վիզը անցնողը չընկղմիր :

ԸՆԴԻԱՅՆԵԼԻ ԿԷՏԵՐ. — Ձեր կեանքին մէջ պատահած է Փարոսին Աղջկան զէպքին նմանող պարագաներ. — Եթէ պատահի, կրնա՞ք նոյն կարգի ծառայութիւններ ընել ձեր ծնողքին կամ հասարակութեան :

77. Ե Ր Կ Ո Ւ Ծ Ա Մ Բ Ա Ն Ե Ր Ը

Կեանքի մէջ երկու ճամբաներ մեզի կը ներկայանան, մէկը՝ զէպի բարին առաջնորդող, իսկ միւսը՝ զէպի չարը :

Առաջինը, մանաւանդ իր սկզբնաւորութեան մէջ, դժուարանցանելի է. պարտականութեան ճամբան է ան, որովհետեւ զառիվեր մը կը ներկայացնէ, և սակայն վստահութեամբ կ'առաջնորդէ մեզ զէպի նյութաւոր, որ է խաղաղութեամբ ապրիլ մեր խլճին հետ և երբէք չընել այն՝ զոր չենք ուզեր որ ուրիշները մեզի ընեն :

Միւսը՝ չարի ճամբան է, շատ աւելի դիւրին, որովհետեւ զառիվայր մըն է, բայց անհուն գահավեժներով եղբուած :

Իրա՛ւ է որ չարին գործերը սկիզբէն հրապուրիչ կը թուին, ինչպէս ընկերովք մէկ թերութեան վրայ խնդալ, անոր ըրածին չի հաւնիլ, ծաղրել, երբեմն ալ ծեծել, անոր դասերուն չօգնել, ընդհակառակը աշխատիլ որ անիկա գասը չի սորված ներկայանայ դասարան, ասոնք և ասոնց պէս շատ մը բաներ չարութեան առաջին քայլերն են : Բայց երբ անգամ մը ընտելանաք ասանկ փոքրիկ համարուած չարութիւններու, հետզհետէ ա՛լ աւելի մեծ ու ծանր չարութիւններ ընելու պիտի առաջնորդուիք :

Իսկ բարութեան գործքերը սկիզբէն դժուարին կը թուին ըլլալ, այսինքն ընկերովք օգնել, անոր թերութիւններն ու պակասութիւնները ցոյց տալ և ուղղել, չար ընկերներէ զգուշացնել և հեռացնել, բարի բաներու և բարի ընկերներու ծանօթացնել, այս ամէնը, իրաւ է որ կը յօգնեցնեն ձեզ, բայց երբ անգամ մը ինքզինքնիդ բարի բաներ ընելու վարժեցընէք, ո՛չ թէ յօգնութիւն, այլ հաճոյք պիտի զգաք :

Այսպէս, քանի որ տակաւին փոքրիկ տղաքներ էք, ջանացէ՛ք բարի ըլլալ և ձեր օրինակովը բարի ըլլալու ստիպել նաեւ ձեր ընկերները, որպէս զի երբ վաղը մեծնաք, ամէն մարդ ձեզի մատնանշելով ըսէ. — Ահա՛ բարի տղայ մը :

ԲԱՌԵՐ — հրապուրիչ՝ փայլուն, գեղեցիկ, անհուն վերջ չունեցող, գահավեժ՝ անդունդ, անյատակ փոս, եղբուած՝ չըջապատուած :

78. Կ Ա Պ Ի Կ

Կապիկը թէեւ վայրի կենդանի մըն է, սակայն չուտով կ'ընտելանայ մարդուն: Անիկա իր տեսքով շատ կը նմանի մարդուն: Կապիկը ոտքեր չունի, այլ չորս ձեռքեր՝ որոնք զիւրութիւն կուտան իրեն մազըլցելու ամենէն դժուարին բարձրութիւններն անգամ: Անոր մարմինը ծածկուած է գորշագոյն ստեւով մը և ունի երկար պոչ մը: Կապիկը կենդանիներու մէջ ամենէն խելացին է. անիկա իր չորս ձեռքերուն և մարմնոյն թեթեւութեան շնորհիւ կրնայ ամէն տեսակ զուարճալի խաղեր և նոյն իսկ մարդու գործեր կատարել: Մարդիկ կը բռնեն կապիկները երբ անոնք փոքր են, և զիւրութեամբ կը վարժեցնեն ու կատարել կուտան անոնց ամէն տեսակ խաղեր:

Կապիկներու շատ տեսակ ցեղեր կան, բայց անոնց ամենէն նշանաւորներն ու մեծերը կը կոչուին Օրանկութան որոնք կ'ապրին Մատակասկարի մէջ: Օրանկութանները իրենց կազմով և իմացականութեամբ ամենէն աւելի մարդոց կը նմանին: Այնքան ուշիմ և ընդունակ են անոնք որ, փոքրիկ աշխատանքով մը կարելի կ'ըլլայ ուզուած կըթութիւնը տալ իրենց:

Կը պատմուի թէ, Մատակասկարի Փրանսական բանակին մէջ ծառայող բազմաթիւ Օրանկութաններ կան, որոնք ո՛չ միայն ամէն կարգի սպասարկութիւններ կ'ընեն խոհանոցի կամ ճաշասրահի վերաբերեալ, այլ և զինուորական մարզանք և նոյն իսկ պահակութիւն՝ իրենց համար պատրաստուած

փայտէ մասնաւոր հրացաններով: Կը ճանչնան բոլոր զինուորներն ու սպաները, այս վերջիններուն բարեւի կը կենան, և եթէ պահակ են՝ չեն թողուր որ օտար մը մուտք գործէ բանակատեղիէն ներս:

Օրանկութանները, սակայն, ինչպէս բոլոր կապիկները, սարսափելի քէն պահող են և վրէժխնդիր. երբ առիթը ներկայանայ, անմիջապէս կը յարձակին ու կը պլլուին մարդուս կոկորդին՝ զայն խեղդելու հազտատ ճիգով մը:

Կապիկները ունին իրենց յատուկ լեզուն, որ ուրիշ բան չէ եթէ ոչ ճիչեր, որոնց իմաստը կը տարբերի ձայնի սրութենէն կամ մեղմութենէն: Բայց զիւրաւ կարելի է մեր լեզուէն շատ մը բառերու կամ ձայներու իմաստին վարժեցնել զիրենք:

ԲԱՌԵՆՐ — մագլցիլ՝ մաքիլներու միջոցաւ շուլլուելով վեր ելլել, իմացականութիւն՝ խելք:

79. Գ Ո Ղ Կ Ա Պ Ի Կ Ը

Կապիկ մը կար փոքր ու սիրուն,  
Պոչը երկար, մազերը թաւ,  
Մեծ ու պզտիկ ընկերներուն  
Մէջն իրեն պէս չի կար բնաւ:

Սակայն ունէր մոլութիւն վատ,  
Ոկրամուլ ու վարպետ գող էր.  
Ընկերները ամէն խըրատ  
Միշտ կուտային, չէին թողեր:

Կապիկը չէր անսար բընաւ ,  
Կը փընտըռէր միշտ ծակ ու ծուկ .  
Կը գողնար երբ մին վատ կամ լաւ  
Բան պահած էր տեղ մը ծածուկ :

Այրի մը մէջ ելքը գժուար ,  
Մեղունները բոյն մ'ուսնէին ,  
Ուր կենալը մեղրի պաշար  
Կապիկները լաւ գիտէին :

Սակայն ոչ մին կը յանդգնէր  
Քարայրին խկ երթալ մօտը :  
Որկըամօլը շատ կը նրզնէր  
Աւնել մեղրին համն ու հոտը :

Մագլցելով մինակ մի հեշ ,  
Հասաւ մըտաւ ներս քարայրէն ,  
Բայց հազիւ թէ անուշ , համեղ  
Մեղրաքերքին խածաւ ծայրէն :

Մեղունները , սաստիկ խայթող ,  
Համար հողար ինկան վըրան  
Մեր շատակեր կապիկին գող ,  
Ու խայթեցին քիթն ու բերան :

\* \* \*

Սիրո՛ւն աըղաք , հեռո՛ւ կեցէք  
Մոլութենէ պէս պէս վասքար .  
Օր մը մոլին , դուք լա՛ւ գիտցէք ,  
Կը գտնէ իր պատիժն արդար :

ԲԱՌԵՐ — որկրամով՝ շատ ուտել սիրող , անսալ՝  
մտիկ ընել , քարայր՝ ժայռերու վրայ բացուածք , նզնիլ՝  
քրտնելու աստիճան աշխատիլ , մեղրաքերք՝ մեղրի  
կտոր , պէս պէս՝ տեսակ տեսակ , վասքար՝ շատ գէշ :

ԹԵԼԱԳՐՈՒԹԻՒՆ . — Աշակերտներու կեանքէն մո-  
լութեան օրինակներ մէջ բերել և անոնց վնասակար  
հետեւանքները պարզել :

80. Ե Ղ Ն Ի Կ Ը

Անտառի մը մէջ սիրուն եղնիկ մը կը բնակէր .  
անիկա օր մը ուղեց աշխարհը տեսնել : Ուստի , թո-  
ղուց իր ծառասանը ու ելաւ գնաց :

Անցաւ ճահիճ , մացառ ու ծառ , և երբ անտառին  
եզերքը հասաւ , կարծեց թէ աշխարհը հոն կը վերջա-  
նար :

Կանգ առաւ անսահման հորիզոնին գէմ , ակնարկը  
բաց դաշտերուն ուղղեց , և շուարած մնաց :

Յանձարծ , քիչ հեռուն նապատակ մը նշմարեց  
որ խոտերուն մէջ կձկտած կը ճարակէր :

— Ըսէ՛ , քոյրիկ , հարցուց եղնիկը շատակերին ,  
ըսէ՛ խնդրեմ , հո՞ս միթէ կը վերջանայ աշխարհը :

Նապատակը նախ չի հասկնալով հարցութին  
խմտտը , խնդաց , ապա՝ աչքերը անտը դարձնելով  
պատասխանեց .

— Ի՛նչ , աշխարհը հոս կը վերջանայ . ո՛չ , սի-  
րունիկս , ո՛չ , աշխարհը ճի՛շդ այտեղէն է որ կը սկսի :

— Ուրեմն երթամ, աւելցուց եղնիկը:

— Ինչո՞ւ չէ, քեզի պէս շատե՛րը գացին:

Մեր եղնիկը ամէն գնով որոշած ըլլալով աշխարհը տեսնել, շարունակեց իր ճամբան:

Բայց հազիւ թէ քանի մը քայլ առած՝ բան մը թնդաց, գնդակ մը սուլեց... և ան արիւնաթաթաւ գետին փռուեցաւ...

Ահա այսպէս խեղճ եղնիկը աշխարհ մտաւ:

Կ. ՓԱՓԱՋԵԱՆ

ԲԱՌԵՐ — ահնարի՛ նայուածք:

ԹԵԼԱԳԻՐՈՒԹԻՒՆ. — Պատմութեան բարոյական եզրակացութիւնը մէջ բերել:

81. Չ Ի Ն

Չորքոտանիներու մէջ չկայ կենդանի մը որ ձիուն չափ գեղեցիկ կազմով մը օժտուած ըլլայ. ո՛չ միայն կազմով, այլ իր օգտակարութեամբ և իմացական առաւելութիւններով ընտանի կենդանիներու առաջին շարքին վրայ կը գտնուի ան: Հակառակ իր խոշոր կազմին, շատ փոքրիկ ստամոքս մը ունի և քիչով կը գոհանայ, բայց բծախնդիր է: Փափկակազմ է և կ'աղ- դուի ամենափոքր անոգատարութենէ մը: Գիտէ իր ուտելու պահերը, և ժամանակէն առաջ պահանջկոտ չըլլար, և հանդարտ այլ ուշադիր չորս կողմը կը պտտցնէ իր փայլուն աչքերը. բայց երբ կերի պահը

եկած է, չափազանց անհամբեր կը դառնայ, երբ մա- նաւանդ իր տէրը կը մօտենայ իրեն՝ կերին տուրակը ձեռքը բռնած: Սակայն պահանջկոտ է և գգուանք ու փալաբաւն կ'ակնկալէ իր տիրջմէն՝ երբ ան հեծնել կը պատրաստուի կամ հեծած է և կամ վար իջած է, և կամ վերջապէս ամէն առթիւ որ տէրը իրեն մօտ գտնուի:

Տեղ փոխել կամ տեղէն հեռանալ չի սիրեր, և երբ կը սափղեն զինք թողուլ իր տեղը և ճամբայ ել- լել, նախ յամառութիւն կ'ընէ, յետոյ ուր-մուր կը քայէ, իսկ վերադարձը մեծ հաճոյքով ու եռանդով կը քայէ և արամազրութիւն ցոյց կուտայ ուղուած արագութեամբ արշաւելու:

Երբ անծանօթ տեղերէ կ'անցնի, փոքրիկ ձայնէ մը, պղտիկ թուփէ մը, ցցուած քարէ մը կը վախնայ, կը խտչի, անհանգիստ շարժումներ կ'ընէ, և ա՛յն ատեն միայն ուղիղ ճամբան կը շարունակէ, երբ իր տէրը բաւին վրայ մեղմիկ շոյանքներ ընէ և քաջա- լերանքի քանի մը խօսքեր ըսէ անոր սկանջին:

Ունի զօրաւոր բնալլ մը որով վտանգը կը գու- չակէ: Պատահած է որ սրընթաց արշաւող ձի մը յան- կարձ կանգ առնէ, յամառի քուլել, որովհետեւ կը նախզգայ պատահելիք վտանգ մը. ուստի, այդ պարագային պէտք չէ սափղել զինքը որ յառա- ջանայ:

Պատերազմի ձին, կոխի ատեն, կարծես կ'աղղուի իր քաւակիին հեծնող զինուորականին՝ թշնամին զար- նելու, հարուածելու, սպաննելու մտայնութենէն՝ և ամենի կեր վարանք մը կը ստանայ:

Կը սիրէ իր տէրը, և եթէ անոր վտանգ մը կամ մահ պատահի, կը վրդովի և յաճախ կ'ողբայ, բայց երախտագիտական բնազդը տկար ըլլալով իր մէջ, շուտով կը մոռնայ իր նախորդ տէրը և կ'ընտելանայ նոր տիրոջ:

ԲԱՌԵՐ — փաղափշանք՝ սիրել, խոսչիլ՝ վախնալ, քամակ՝ կոնակ, բաժ՝ ձիուն վիշի մագերը, ամենի՝ սարսափելի:

82. ԳԵՂՂՈՒԿ ԾՆՄԱՐՏԱԽՅՈՒՐ

Ատենօք Կիլիկիոյ քաղաքներէն մէկուն մէջ գեղ- շուկ մը կ'ապրէր որ կեանքին մէջ երբէք սուտ խօսած չէր, ատոր համար «Գեղշուկ ճշմարտասօս» կոչուած էր:

Կիլիկիոյ թագաւորը պատուական ոչխարներ և այծեր ունէր որոնք շատ կը սիրէր: Ուստի, երբ լսեց Գեղշուկ ճշմարտասօսին մասին, մտածեց որ թագաւորական հովիւ ըլլալու ամենայարմարը երբէք սուտ չխօսող մարդն է, և կանչել տալով դայն, ըսաւ.

— Թագաւորական հօտին խնամքը քեզի կը յանձնեմ: Քեզի պիտի ցուցնեմ այժ մը, ոչխար մը և փոքրիկ գառնուկ մը, որոնց մասնաւոր հող պիտի տանիս:

Գեղշուկ ճշմարտասօսը, բնականաբար, ինքզինքը չափազանց հպարտ զգաց այդ տեսակ բարձր վստահութեան մը արժանանալուն: Թագաւորին հրամանին համաձայն, հովիւը շաբաթ օրերը պալատ կ'երթար՝ թագաւորին տեղեկութիւններ տալու համար՝ հօտին նկատմամբ: Ամէն բան լաւ կ'երթար, սակայն,

պալատականներէն մէկը սկսաւ նախանձիլ Գեղշուկ ճշմարտասօսին վրայ և միտքը գրաւ փնտել անոր:

— Ձեր վեհախառութիւնը կը կարծէ թէ այն անձը զոր Գեղշուկ ճշմարտասօս կը կոչուի, երբէք սուտ չի՞ խօսիր, հարցուց օր մը նախանձոտ պալատականը թագաւորին:

— Իր ճշմարտասօսութեան համար թագաւորութիւնս գրաւ կը գնեմ, ըսաւ թագաւորը:

— Իսկ ես, պալատին մէջ ունեցած պաշտօնս գրաւ կը գնեմ ո՞ր գալ շաբաթ օր անիկա սուտ պիտի խօսի, պատասխանեց պալատականը:

— Եւ եթէ շաբաթ օր ան սուտ խօսի, քու պաշտօնդ պիտի բարձրացնեմ, խոստացաւ թագաւորը:

Այսպէս, նախանձոտ պալատականը տուն երթալով կ'նշը հետ խորհրդակցեցաւ:

— Ի՛նձ ձգէ, ըսաւ կիւնը, ես կրնամ այդ հովիւին գիւրութեամբ սուտ խօսեցնել տալ:

Ուստի, յաջորդ օրը թագուհիի մը պէս մետաքսէ հագուստներ հագաւ ան և մաշերուն մէջ ալ խոշոր աղամանդէ աստղ մը զետեղելով՝ գէպի բլուրները գնաց, ուր հովիւը ծառի մը տակ նստած գտաւ:

— Այս հօտին հովիւը դո՛ւն ես, հարցուց կիւնը: Գեղշուկը ոտքի ելաւ ու խոնարհելով՝

— Այո՛, պատասխանեց, ձեր բարձրութիւնը ի՞նչ կ'ուզէ:

— Սա փոքրիկ գառնուկը կ'ուզեմ, ըսաւ կիւնը:

— Այսո՛ւս, պատասխանեց հովիւը, այդ փոքրիկ գառնուկը թագաւորին կը պատկանի:

— Բայց ես շատ կը փափաքեմ ունենալ դայն, յարեց տիկինը:

— Ձե՛մ կրնար տալ, անիկա թագաւորինն է, կրկնեց հովիւը, գլուխը շարժելով:

Այն ատեն, կինը սկսաւ արտասուել, և հովիւը խղճահարեցով, փոքրիկ գառնուկը անոր տուաւ:

Կինը ուրախութեամբ առաւ գառնուկը, և պալատ տանելով՝ լաւ խնճոյք մը ըրաւ ամուսինին հետ:

Սակայն հովիւը շատ ախուր էր: «Ի՞նչ պիտի ըսեմ թագաւորին», կը մտածէր: «Կ'ըսեմ թէ գառնուկը լա՛ւ է»: Չէ՛, չըլլար: Կ'ըսեմ թէ «գողը եկաւ տաւրաւ»: Չէ՛, ա՛յդ ալ չըլլար: Կ'ըսեմ թէ «գայլը յափըշտակեց»: Ասանկ ալ չեմ կրնար ըսել: Ո՛հ, ինչպէ՛ս կրնամ թագաւորին երեսը նայիլ ու սուտ խօսիլ:

Շարաթ օր, թագաւորը իր սովորութեան համաձայն, կանչեց Գեղջուկ ճշմարտասօսը և հարցուց.

— Ի՞նչպէս է ուլս:

— Չեր վեհափառութեան ուլը շատ լաւ է, պատասխանեց հովիւը:

— Ի՞նչպէս է ոչխարս:

— Աղէ՛կ է, Տէ՛ր:

— Եւ ի՞նչպէս է փոքրիկ գառնուկս:

— Ո՛հ, Տէ՛ր, պատասխանեց ճշմարտասօսը, մազերուն մէջ պայծառ ասող ունեցող կին մը ազաչեց որ իրեն տամ զայն, և ես մոռնալով պարտականութիւնս գէպի Ձեզ՝ տուի: Մե՛ծ սխալ մը գործեցի, Տէ՛ր . . . :

Գեղջուկը թագաւորին գէմքը կը գիտէր գողահար, բայց ան կը խնդար:

— Գրաւս շահեցա՛յ, գոչեց թագաւորը, կը ներեմ իմ ճշմարտասօս Գեղջուկիս:

Յետոյ դառնալով գէպի նախանձոտ պալատականը, խտուրթեամբ ըսաւ .

— Պալատին մէջ կորսնցուցած ես պաշտօնդ. ես իմ շուրջս կ'ուզեմ այն տեսակ մարդիկ, որ ուրիշներու յաջողութիւնը տեսնելով ուրախանան:

ԸՆԴԻԱՅՆԵԼԻ ԿԷՏԵՐ. — Ի՛նչ է նախանձը. — Չեր կեանքին մէջ նախանձորդներ ունեցած էք. — Ճըշմարտասօսութեան կամ ստախօսութեան գէպք մը յիշեցէք:

84. Ա Ր Ե Ա Ն Կ Ա Թ Ի Լ Ը

Պատերազմի տարի էր. թշնամին սկսած էր հայրենիքի նուիրական հողերը սողել հազարաւոր անմեղներու արիւնով: Ամէն քաղաքացի և գիւղացի, հրացանը ուսին, կը փութար կռուելու՝ հայրենիքի պաշտպանութեան համար:

Մարտավայրին մօտ, գիւղի մը մէջ ագարակ մը կար, ուր առանձին կը բնակէին երկու փոքրիկներ՝ Արշակ և Զապէլ: Անոնց հայրը պատերազմի գացած էր՝ միջակ թողլով զիրենք, քանի որ մայրերնին ալ մեռած էր կանուխէն:

Բաւական ատեն անցած էր: Օր մը, անուշիկ կերպարանքով վերաւոր զինուոր մը, թշնամիներէ հետազընդուած, ագարակէն ներս կը մտնէ և փոքրիկներէն կը խնդրէ որ զինքը պահեն: Անձնուէր աղաքը, առանց վարանելու, սենեակին ումէն տախտակ մը հանելով զգուշութեամբ մէջը կը պահեն զայն, և կը սկսին զարձեալ իրենց աշխատութեամբ զբաղիլ:

Յանկարծ, Զապէլ կը նշմարէ որ դրան սեմին վրայ արեան կաթիլներ կան, որոնք վերաւոր փախըստականը կրնան մատնել: Ուստի, անշիոթ ոտքի կ'ելլէ և գմելին առնելով մատը կը կտրէ, ուրկէ արիւնը կը սկսի հոսիլ, և կասկածի տեղի չտալու համար, դարձեալ իր աշխատանքը կը շարունակէ:

Քիչ վերջը, խումբ մը թշնամի զինուորներ ներս կը խուժեն՝ փախստականը փնտռելու համար, և երբ սեմին վրայի արեան հեռքերը կը տեսնեն, ապահով շեշտով մը կը հարցնեն.

— Հոս փախստական զինուոր մը կա՞յ:

— Ո՛հ, կը պատասխանէ անվախ աղջիկը:

— Հապա սա արեան կաթիլները, կ'աւելցնեն զինուորները:

Այն ատեն հերոս աղջիկը ցոյց կուտայ իր կտրած մատը և այս կերպով զանոնք կը ճամբէ:

Զինուորներուն մեկնումէն յետոյ, երբ երկու փոքրիկները տախտակը կը բանան՝ փախստականը դուրս հանելու համար, ի՞նչ տեսնեն... իրենց հայրը... զոր չէին ճանչցած անոր անկերպարան և այլափոխուած տեսքէն:

Են՛զճ հայրը գրկած իր հերոս զաւակները, արտասոււթոր աչքերով և անվերջ համբոյրներով կ'ուղղէր զանոնք:

ԲԱՌԵՐ — մաւրսավայր՝ պատերազմի դաշտ, որով պատ:

ԸՆԴՂԱՅՆԵԼԻ ԿԷՏԵՐ.— Ի՞նչ է Զապէլին ըրածը.  
— Ի՞նչ պիտի ըսէիք եթէ հակառակը ընէր. — Ի՞նչ ըսել է անձնուիրութիւն:

85. Օ Ն Յ Ա Ռ Ա՛ Զ... .

Մենք ենք Հայոց քաջ զօրքեր,  
Առնենք հաւասար քայլեր,  
Շարժենք մենք մեր սուր զէնքեր  
Զարնենք թշնամոյն գունդեր,  
Օ՛ն յառաջ, օ՛ն յառաջ,  
Միշտ յառաջ, քաջ յառաջ:

Զոյգ զոյգ քալենք զէպ յառաջ,  
Զի նայինք, ո՛չ ձախ, ո՛չ աջ:  
Պահենք մենք մեր սեղմ կարգեր,  
Պարզենք Հայկական Դրօշներ.  
Օ՛ն յառաջ, օ՛ն յառաջ,  
Միշտ յառաջ, քաջ յառաջ:

Սիրենք մեր սուրբ Հայրենիք,  
Զարնենք վատ, չար թշնամիք,  
Քաշենք ընկերք հրացան,  
Ընենք զանոնք ցիր ու ցան:  
Օ՛ն յառաջ, օ՛ն յառաջ,  
Միշտ յառաջ, քաջ յառաջ:

Թէ յաղթենք կամ թէ մեռնինք,  
Ամօթահար չընկրրկինք,  
Մինն է պարծանք իր ազգին,  
Միւսը՝ արատ իր ճակտին:  
Օ՛ն յառաջ, օ՛ն յառաջ,  
Միշտ յառաջ, քաջ յառաջ:

### 86. Մ Ե Մ Ն Տ Ի Գ Ր Ա Ն

Տիգրան Բ. Արտաշէսի մահէն յետոյ ժառանգեց անոր գահը և եղաւ Հայոց թագաւոր: Տիգրան պատիկ հասակէն լաւ կրթուած էր զինավարժութեան մէջ: Ան քաջ էր, հզարտ և փառասէր:

Պարթեւներու Արշական թագաւորը զինուորներով Հայաստան կուգար՝ Տիգրանէն առաջնութեան պատիւը ետ խլելու: Երկու բանակները նակասեցան Երասխի ափերուն վրայ: Արշական սպաննուեցաւ և Պարթեւներու երկիրին մեծ մասը ինկաւ Տիգրանի ձեռքը:

Ասորիքի (Եփրատ գետէն մինչեւ Միջեկրական ասարածուած երկիրը, որ հիմա կը կոչուի Սուրիա) փոլովուրդը ձանձրացած իր թագաւորներուն ընտանեկան կռիւներէն, Տիգրանին զիմեց որ իր վրայ թագաւոր ըլլայ կամ միջնորդէ:

Տիգրան ունէր 500,000 զինուոր:

Ան քալեց Սելեւկեան երկիրներուն վրայ: Սելեւկեացիները տեսնելով Տիգրանի անեղ բանակը, սարսափեցան, և Տիգրան առանց լուրջ ընդդիմութեան գրաւեց Ասորիքը: Անտիոքը (Անթաքիա), որ Սելեւկեաններու մայրաքաղաքն էր, Տիգրանի զլխաւոր քաղաքներէն մէկը դարձաւ, որուն վրայ կուսակալ կարգեց իր զօրավարներէն մին:

Տիգրան իր յաղթութիւնները աւելի առաջ տանելով, հասաւ մինչեւ Պաղեստին (Հրեայներուն երկիրը): Հրեաները սաստիկ երկիւղի մէջ ինկան, երբ լսեցին որ Տիգրան մտադիր է իրենց վրայ արշաւել: Եւ երբ Տիգրան Պաղմայիտի (Ա.քիա) առջեւ կը գտնուէր, Երուսաղէմի Աղեքսանդրիա թագուհին մեծամեծ ընծա-

ներով պատգամաւորութիւն մը զրկեց անոր, յայտնելով թէ՛ կը հպատակի Հայոց թագաւորին:

Տիգրան, իր բոլոր անցած տեղերուն քաղաքները կործանեց և անոնց յոյն և հրեայ բնակիչները տարաւ Հայաստան: Միմիայն յունական տասը քաղաքներու բնակիչները, թուով 300,000 հոգի, Տիգրանակերտի մէջ բնակեցուց:

Հայաստանի սահմանները այնքան ընդարձակուած էին որ, բազմաթիւ ազգեր Տիգրանի հպատակ դարձան: Կովկասէն մինչեւ Երուսաղէմ, Պարթեւներու երկրէն՝ Պարսկաստանէն մինչեւ Միջեկրական ծով, Տիգրանի ձեռքին տակ կը գտնուէին:

Տիգրան կը կոչուէր «Արքայից Արքայ», այսինքն՝ թագաւորներու թագաւոր: Չորս գահազուրկ թագաւորներ թիկնապահի դաշտօն կը վարէին անոր մօտ: Երբ ձիով տեղ մը երթար, անոնք պարզ շապիկներ հագած, անոր երկու կողմերէն ստքով կը վազէին. իսկ գահին վրայ նստած ստեն՝ անոր զիմացը ոտքի կը կենային: Տիգրան յարգանք կը պահանջէր ամենքէն: Սպիտակ և կարմիր երիզներով շապիկ կը հագնէր և աստեղազարդ բարձր թագ մը կը գնէր: Անոր պաշտօնին մէջ կային շատ մը գահազուրկ իշխաններ, որոնք պաշտօնականի պաշտօն կը կատարէին:

Իր գրաւած երկիրներէն հալարաւոր բանուորներ բերել տալով, շինել սուսաւ բազմաթիւ քաղաքներ ու շէնքեր: Տիգրան իր այս գործերով մեծ համբաւ թողոց Ազգային պատմութեան մէջ:

ՅԱՌՆԻՐ — նակասիլ՝ զէմ գլխաց կուռիլ, երկիւղ՝ վախ, երիզ՝ նեղ ժապատէն:

ԸՆԴՂԱՅՆԵԼԻ ԿԷՏԵՐ. — Տիգրան ինչո՞ւ «Մեծ» կոչուեցաւ:

87. Հ Ա Յ Դ Ր Օ Շ Ի Ն

Սեպ Մասիսի կատարէն  
Տեսէ՛ք, ահա պարզեր են  
կապոյտ, ձերմակ, կարմիր գոյն,  
Հայ դըրճը փոզիտուեն:

Ալլիս փառքն ես, ս՛վ դրօշ,  
Քու ծալքերուդ մէջ որօշ  
կը ծածանի այդ մը նոր...  
Ազատութեան մ'ամանոր...:

Վեց դարերու շարունակ  
Հայուն կրած տառապանք՝  
Պատմական այս տարւոյն հետ  
Պսակուի փառքով մ'երկնաւէտ:

Հայ դրօշ, վկան քաջերուն...  
Մընջելով քու անուն  
ինկան անոնք, ու անձունն  
Զքեզ ծընաւ դարերուն...:

Վե՛ր սլացիր, պահէ՛ վեր  
Փառքը Հայուն անվե՛ներ,  
Թո՛ղ մեր սրտերն հետեւին  
Քու բարձունքիդ Արեւի՛ն...:

Մայր Հայաստան քեզ կուգանք,  
Հայ Դըրօշին ուխտին տակ  
Նւեհելու քեզ նոր կեանք,  
Տօնել փառքդ ու յալթանակ:

Հայ աչքերը քեզ յառին,  
Հայ սրտերը քեզ փարին,  
Հայ բամբիւր քեզ հնչէ,  
Զի Հայն յաւէտ ալա՛ն է:

ԲԱՌՆԵՐ — ծածանիլ՝ դրօշակին հովէն երերալը,  
բամբիւր՝ տեսակ մը հայկական նուագարան:



ՀԱՅԿԱԿԱՆԴՐՕՇԱԿԸ



88. Հ Ե Ր Ո Ս Ա Ղ Ջ Ի Կ Մ Ը

Ռուս բանակէն հարիւրապետ մը, որ աքսորուած ու սարազիւր կեանք մը կ'անցընէր Սիպերիոյ փոքրիկ գիւղերէն միոյն մէջ, Քաթարինա անունով աղջիկ մը ունէր: Քաթարինա տեսնելով իր հօրն ու մօրը ծայրալից դժբաղդութիւնը, որոշեց Բեզրոկրատ երթալ և Չարէն ներուժ խնդրել անոնց համար:

Եւ երբ անիկա իր մտադրութեան նկատմամբ խօսեցաւ իր ծնողքին, հայրը ծիծաղեցաւ, իսկ մայրը թելադրեց իրեն որ չի խօսի պարապ և անօգուտ բաներու մասին:

— Աղջիկս, ըստ մայրը, սեղանին վրայի փոշիները աւլէ, և մէկդի թող սա Բեզրոկրատը անհանդիստ ընելու գաղափարդ...

Բայց ո՛չ հօրը ծիծաղը և ոչ ալ մօրը հեգնութիւնները կրցան փոխել Քաթարինայի նկատակը, և ան, երեք ամիս հաճեցրութեամբ սպասելէ ետք, կրկին գիմեց իր հօրը՝ ստանալու համար անոր հաւանութիւնը իր ծրագրին նկատմամբ, ու յաջողեցաւ:

Ատիկա չափազանց գժուարին և վտանգներով լեցուն ճամբորդութիւն մըն էր տասնըութը տարեկան աղջկան մը համար: Անիկա իր առջեւ հազարաւոր մղոններու ճամբայ մը ունէր՝ կտրել անցնելու համար ոտքով, հիւսիսային սառնամանիկներէն սկսեալ մինչեւ Բեզրոկրատ տարածուած ձիւնի ահաւոր ամայութեան մը մէջէն: Քաթարինա մասնաւոր թանձր լաթեր չունէր, բացի անոնցմէ զորս կը հագնէր, և իր ամբողջ հարստութիւնը՝ գրպանին արծաթ մէկ բուպլին էր: Բայց

անվեհեր սիրտ մը ունէր ան, և անայլալ հաւատք մը՝ գէպի իր Աստուածը:

Քաթարինա մեծ դժուարութիւններ և զրկանքներ կրեց ճամբորդութեան ընթացքին: Անգամ մը ձիւնի անսելի փոթորիկի մը բռնուեցաւ, և օրուան մը տաժանգոտ ու յամատ ճամբորդութենէ յետոյ, իրիկունը հազիւ կրցաւ ապաստանարան մը գտնել՝ ուր անձրեւն ու հովը աղատ մուտք կը գործէին Ստուան, երբ սթափեցաւ, մինչեւ սոկորները թրջուած էր:

Ուրիշ օր մը, հէզ աղջիկը սաստիկ վախցաւ, պատահաբար իրեն ընկերացող թշուառականէ մը որ կ'ուզէր սպաննել զինքը՝ իր քով գտնուած գրամը կողովակելու համար, և որ այն ատեն միայն թողուց իր օձիքը՝ երբ համոզուեցաւ սխալած ըլլալուն վրայ:

Հանդիպած քաղաքներուն հարուստ տուներէն կը վնասուէր ան՝ որպէս մուրացկան կամ խաբեբայ: Անիկա արհամարհուեցաւ սպասուհիներէ, ծեծ կերաւ փողոցի սառնակներէն, և նոյն իսկ յարձակման ենթարկուեցաւ շունէ մը, որուն որջին մէջ ապաստանիլ փորձեց ձիւնոտ գիշեր մը:

89. Բ.

Իր երթալիք ճամբուն կէսը չի հասած, ձմեռը նուրէն վրայ հասաւ, և մեծագէս դժուարացուց իր ճամբորդութիւնը: Բայց հիմա շատ պարկեշտ ճամբու ընկերներ ունէր ան, որոնք իր վրայ կը հսկէին ու կը հոգային զինք, և երբ ցուրտէն սառէին իր այտերը, ափով ձիւն աննելով՝ ուժով ուժով կը շփէին՝ մինչեւ տաքնալը, և եթէ հնար չկար ոչխարի մորթէ պատ-

քատուած վերարկուներ գտնել, անոնք իրենցինը փոխն ի փոխ կուտային անոր, և վերջագէս խնամքի ո՛չ մէկ միջոց կը խնայէին:

Իր յաջորդ գոթախոտութիւնը պատահեցաւ վօլկա գետին եզերքը: Պարտաւորուած՝ լողալով անցնելու գետը, իր արգէն խանգարուած առողջութիւնը ա՛լ աւելի խաթարեցաւ, որով ստիպուեցաւ մօտակայ վանք մը ապաստանիլ, որուն բնակչուհիները շատ հաճելի եղան թշուառ աղջկան:

Վերջագէս, 18 ամսուան ճամբորդութենէ մը յետոյ, Բեդրոկրաս հասաւ: Երկու շաբաթ, շարունակաբար, Քաթարինա կ'երթար կենալու Խորհրդարանին առջեւ, ժողովականներուն քայլերուն տակ, բայց առանց յաջողութեան: Սակայն իր սպասումները բաւական եղան սրտի տէր մէկը գտնելու, զոր խոստացաւ Չարին առաջնորդել զինքը:

Չարը շատ բարիացակամ եղաւ իրեն և ըստ թէ իր հօրը աքսորը շուտով վերջ պիտի գտնէր:

Չարը անհունօրէն զգածուած ըլլալով Քաթարինայի պատմութիւններէն, հարցուց թէ՛ արդեօք ուրիշ խնդրանքներ չունէ՞ր: Անիկա պատասխանեց թէ՛ ինք չափազանց գոհ պիտի ըլլար եթէ վեհափառ Չարը ներէր նաև իր երկու ձեր ծանօթներուն, որոնք կը տառապէին աքսորավայրին մէջ:

Իր երկրորդ խնդրանքն ալ ընդունուեցաւ:

Խիստ յուզիչ էր այս հերոս աղջկան և իր ծնողաց հանդիպումը: Անոնք Քաթարինայի վզին փարեցան, և իրենց զգացած գորովն ու շնորհակալութիւնը չկրնալով բռնելով բացատրել, աւելի լացին՝ քան խօսեցան: Բայց ծնողասէր աղջիկը կը պատասխանէր.

— Աստուած է որ ձեզ ազատեց, անո՛ր շնորհակալ եղէք:

Քաթարինայի առողջութիւնը սակայն մեծապէս խաթարուած էր տաժանելի արկածախնդրութեան մէջ: Հէգ աղջիկը իր ծնողքը ազատած էր ի՛ր իսկ կեանքի գնովը:

Առտու մը, այս գէպքերէն քանի մը ամիս ետքը, երբ զինք հոգացող կրօնաւորուհիները իր սենեակը մտան, տեսան որ անիկա տարածուած էր անկողնին վրայ՝ ձեռքերը խաչածեւած: Նախ կարծեցին թէ կը քնանար, և երբ իրականութեան վերահասու եղան, փակեցին անոր աչքերը և ծնրաչոք սկսան աղօթել:

Քաթարինա իր յաւիտեանական քունը կը քնանա՛ր . . . :

ԲԱՌՆԻ — արապի՛ր՝ իր քաղաքէն ուրիշ քաղաք մը տարուած, սառնամանի՛ր՝ սաստիկ ձիւն, սսանակ՝ փոլոցի անկիւրթ տղայ:

ԸՆԴԻԱՅՆԵԼԻ ԿԵՏՏԵՐ — Քաթարինա ինչո՞ւ ինքզինք այդքան տառապանքներու ենթարկեց. — Եթէ իր անձը վտանգի մէջ չի գնէր՝ ի՞նչ պիտի ըլլար իր ծնողքին վիճակը: — Պէ՛տք է ծնողաց սիրոյն զոհուել:

### 90. ՎԵ ՀԱՆՁՆ ԶԻՆՈՒՈՐԸ

Ճակատամարտէ մը վերջ, երկու վիրաւոր զինուորներ քով քովի ինկած էին սազմաաշտին վրայ: Մութ էր և սաստիկ ջուրա կ'ընէր, ինչ որ ա՛լ աւելի կը սաստկացնէր իրենց արիւնալից վերքերուն ցաւերը: Անոնք ուզեցին իրարու հետ խօսիլ, բայց իրարու լեզուէ չի հասկցան, որովհետեւ մէկը Գերմանացի էր, իսկ միւսը՝ Ֆրանսացի:

Առտուն, երբ Գերմանացին աչքերը բացաւ, տեսաւ որ վերարկու մը ձգուած էր իր վրայ՝ որ իրենը չէր: Կողքին պառկող Ֆրանսացիին նայեցաւ, բայց ան անշարժ էր և լուռ:

Վեհանձն Ֆրանսացին, զգալով որ իր մահը կը մտենար, սխերիմ թշնամիին վրայ ձգած էր իր վերարկուն, որուն ինք պէտք չունէր այլեւս:

Մեռած էր ան, վեհանձն վերաբերում մը ցոյց տալով իր թշնամիին:

Ո՛վ որ իր ընկերը կը տառապեցնէ, ինք ինքն չարիք կը հասցնէ, եւ ո՛վ որ իր ընկերոջը կ'օգնէ, ինք ինքն օգնած կ'ըլլայ:

91. Յ Ա Ղ Թ Ա Ն Ա Կ Ը

Մի՛ լար, մա՛յր իմ, սեւեր հագած՝

Անոնց համար որոնք ինկան

Դիւցազուններու վէրքեր սուած՝

Պայքարին մէջ Ազատութեա՛ն:

Ելի՛ր, մա՛յր իմ, քա՛ղցր Հայրենիք,

Անոնց վրբայ հըպարտօրէն

Սըփռէ կարմիր վարդ ու ծաղիկ .

Տե՛ս . . . ի՛նչ անուշ քընացեր են . . .

Ո՛հ, լուռ թի՛ւն, քալէ՛ կամաց,

Անոնց կուրծքին վրայ արիւնտա,

Տե՛ս, Յաղթանակն է խոնարհած

Լուսաժըպիտ ու երազկոտ:

ԱՐՄԵՆ-ԵՐԿԱԹ

Յ Ա Թ Ե Լ Ո Բ Ա Ծ

Գ Ր Ի Չ Ե Ի Ս Ո Ւ Ի Ր

(ՏՐԱՄԱՍՈՍՈՒԹԻՒՆ)

Անձիճք. — Օր. ԳՐԻՉ ԵՒ ՕՐ. ՍՈՒԻ

(Դեռակասարներէն մին գրիչ մը եւ միւսը՝ փայտե կամ պողպատե սուր մը բռնած)

Ս. — Օրիո՛րդ Գրիչ, քու բարեւիճ կը սպասեմ:

Գ. — Օրիո՛րդ Սուր, քեզի կ'իշխայ նախ և առաջ զիս յարգանօք ուղչունել:

Ս. — Կը տեսնեմ որ ինքզինքիդ չախաղանց կաբեւորութիւն կուտաս. գիտե՛ս արդեօք թէ ո՛վ եմ ես և ո՛վ դուն:

Գ. — Շատ լաւ գիտեմ թէ ես ո՛վ եմ և դուն ո՛վ:

Ս. — Ես ա՛յն միայն գիտեմ թէ աշխարհիս մէջ իմ ուժիս հաւասարը չի կայ:

Գ. — Խնդրե՛մ, սրբագրէ այդ սխալ կարծիքդ. գոնէ իմ առջեւ պէտք ես զգուշանալ այդպիսի լեզու մը գործածելէ:

Ս. — Չե՛ս գիտեր թէ ես բոլոր աշխարհիս կը հրամայեմ:

Գ. — (ծիծաղելով) Լա՛ւ գիտեմ:

Ս. — Չե՛ս գիտեր թէ ես կարող եմ ամենէն հզօր թագաւորները խոնարհեցնել և անոնց գահերը տապալել:

Գ. — (ծիծաղելով) Շա՛տ լաւ գիտեմ:

Ս. — Չե՛ս գիտեր թէ իմ բարկութեանս մէջ մէկէ աւելի անդամներ աշխարհը դողացուցած եմ:

Գ.— (ծիծաղելով) Օ՛հ, օ՛հ, օ՛հ... շատ լաւ գիտեմ :

Ս.— Ես քեզի ձգեցի այդ պաշտօնը որ իմ քաջութիւններուս պատմութիւնը արձանագրես :

Գ.— Շատ լաւ, շատ լաւ, միայն գիտնալու ես որ այդ քաջագործութիւններդ շատ մը մարդոց մահուան պատճառ եղած են, այնպէս չէ՞ :

Ս.— Չե՞ս գիտեր որ ես ահարկու ըլլալէ աւելի բան մըն եմ : Եթէ կրնաս, համարձակէ բաղդատել քու զօրութիւնդ իմինիս հետ :

Գ.— Իմ զօրութիւնս կը ծիծաղի քու կինիդ վրայ :

Ս.— Մէկ շարժումով կարող եմ գքեզ ոչնչացնել, այնպէս չէ՞ :

Գ.— Շատ սխալ կարծիք : Ես աշխարհիս վրայ գաղափարն ու միտքը կը ներկայացնեմ . գաղափար ու միտք ըսուածը սուրով չի փճանար : Օրիորդ Սուր, դուն նիւթական բիրտ ուժը միայն կը ներկայացնես, մինչդեռ ես՝ գաղափարի և միտքի ուժը կը ներկայացընեմ : Ամէն պարագայի մէջ գաղափար և միտք՝ նիւթական բիրտ ուժէն շատ վեր են : Դուն մարդոց վրայ վախ և սարսափ ազդելով միայն կրնաս իշխել, մինչդեռ ես՝ անոնց ներքին համոզում ազդելով կը տիրապետեմ, Դուն առ առաւելն կրնաս վախոցնել կամ դողացնել աշխարհը, իսկ ես՝ զայն կը կրթեմ, կը հրահանգեմ, կը լուսաւորեմ, և վերջապէս քաղաքակրթութեան ճամբուն մէջ կը բերեմ զինքը :

Ս.— Կ'ընդունիմ թէ այդ ըսածդ աստիճան մը տոյգ է, սակայն կը ներե՞ս որ ես ալ իմ կարգիս քեզի բան մը զիտել տամ : Կը ճանչնամ թէ դուն մարդկութիւնը կրթելու համար հզօր գործիք մըն ես, բայց միեւնոյն ժամանակ, աւա՛ղ, նաեւ զայն անբարոյա-

կան ընելու միջոց մըն ես : Դուն չե՞ս որ ամէն օր բալում ընտանեաց թշուառութեան շարժումիթ կ'ըլլաս. դուն չե՞ս որ ամէն օր աշխարհը գէշ ընթացանութիւններով կ'սղոզես . դուն չե՞ս որ շատ մը ծնողքներու, հայրերու, մայրերու աղի արցունք քամելուն պատճառ կ'ըլլաս : Ասո՞նք են արգեօք քու փառքիդ տիպոգոսները :

Գ.— Օրիորդ Սուր, խնդրեմ, քիչ մըն ալ զիս լսէ : Եթէ այդպէս միայն մեր թերութիւնները իրարու երեսին պիտի տանք, մեր վէճը չի վերջանար և վերջահաւեք ալ չունի : Կ'ընդունիմ թէ մարդկային անարդ կիրքերը յազեցնելու համար, երկուքս ալ մեծ աւերումներ գործած ենք և կը գործենք, և թերեւս, այս մասին իմ գործածներս աւելի անդամանելի եղած են...

Ս.— Ուրե՞մն...

Գ.— Ուրե՞մն, ահա՛ ճիշդ այդ պատճառով է որ կ'ըսէի թէ իմ զօրութիւնս քու կինիդ շատ աւելի է :

Ս.— Ո՛հ, Աստուած չընէ որ այս փառքը քեզմէ խլելու չափ առաջ երթամ :

Գ.— Լա՛ւ, բայց խնդրեմ, քիչ մը մտիկ ըրէ : Ես միեւնոյն կարողութիւնը ունիմ նաեւ բարիք ընելու մէջ . ասիկա կ'ընդունիս, անպէս չէ՞ :

Ս.— (պահ մը մտածելէ վերջը) Կ'ընդունիմ :

Գ.— Ես ալ ճի՛շդ այդ խօսքը կ'ուզէի քեզի ըսել տալ. հիմա երկուքս ալ կարծեմ համաձայն ենք : Ուրեմն, Օրիորդ Սուր, առանց բնաւ գքեզ խոնարհեցնել ուղիւր և կամ քու արժանապատուութեանդ դպչելու, կը համարձակի՞ ըսել թէ քու վրայ աստ՛ջութիւն ունիմ և ամէն պարագայի մէջ քու հեղինակութիւնդ պէտք է խոնարհի իմինիս առջեւ, իբրեւ աշխարհիս

ամենէն առաջին զօրութիւնը: Ուրեմն, բացարձակ կերպով կ'ընդունիս ըսածս, այնպէս չէ՞:

Ս.— Կը տեսնես որ իմ պողպատիս նման հատուկ և վճռական եմ, հետեւաբար չեմ տարակուսիր խոստովանելու թէ՛ ըսածդ ստուգիւ ճիշդ է:

Գ.— Լաւ ուրեմն, փոխանակ յանդիմանութեանց տարափով մը այս վէճը շարունակելու, լաւագոյն չըլլա՞ր որ մարդկութեան օգտին համար քիչ մը աւելի զիրար հասկնանք: Շարունակ մեր գէշ կողմերը միայն երեւան հանելու, ինչո՞ւ չի պարծինք անհունապէս մեր ունեցած լաւագոյն կողմերով: Պատմութեան մէջ ի՞նչ գեղեցիկ օրինակներ կան: Հարմայի որդին և յաջորդը Արամ, որուն անունը անջնջելիօրէն քանդակուած է մեր ազգային պատմութեան էջերուն մէջ, Պարսից, Բաբելացեաց և Կապադովկիոյ իշխաններուն դէմ շարունակ կռիւ մղելով՝ Հայաստանը ազատեց զինքը շրջապատող աւազակներէն, միթէ նուա՞զ օգտակար գործ մը ըրած եղաւ: Վերջապէս եթէ պատմութեան մէջ նշանաւոր և օգտակար ամէն գործերը յիշատակել հարկ ըլլայ, հաւատա՞ որ վերջը չի պիտի գայ:

Ս.— Իսկ դո՛ւն, Օրիո՛րդ Գրիչ, ի՞նչ հրաշքներ չես գործած Հայութեան՝ առանց հաշուելու ընդհանուր մարդկութեան համար քու ըրած անհամար բարիքներդ: Ս. Սահակ մեր հայկական տառերուն գիւտն ընելով, պզտի՞կ գործ մը ըրած եղաւ արդեօք. յետոյ Ս. Մեսրոպ հայկական գիրերը ստանալէ վերջ՝ երբ ամբողջ Աստուածաշունչը թարգմանեց իր աշակերտներով, և հինգերորդ դարու հայ գրականութիւնը՝ զոր Ոսկեդար կոչելով կը պարծենանք, ծաղկեցուց, ճոխացուց, միթէ աննշա՞ն գործ մը կատարեց: Ընդունի՛նք ուրեմն թէ ընդհանուր մարդկութեան և մասնաւորապէս Հայութեան համար գրիչը ի՞նչ մեծ գեր խաղացած է, այնպէս չէ՞:

Գ.— Կը զգամ թէ իրարու փոխադարձ օգնութեան ձեռք երկնցնելով, պիտի կարենանք հրաշքներ գործել Հայութեան և մեր սիրելի Հայրենիքին համար: Այո՛, ես պիտի աշխատիմ որ իմ դպրոցական ընկերներուս միտքը և սիրտը կըրթեմ, հրահանգեմ և հայրենեաց սիրոյն կարօտը զգացնել տամ, որպէս զի վտանգի ժամանակ կարողանանք պաշտպանել մեր Հայրենիքը: Համոզուած եմ թէ՛ մինչեւ որ բանականութիւնը չի կրթուի, միտքերը չի պատրաստուին, սիրտերը չի զօրանան, բաղուկները չեն կարող գործել, այնպէս չէ՞:

Ս.— Որքա՛ն ճիշդ կը խօսիս և որքա՛ն լաւ կը դատես, քո՛յր իմ: Հայ միտքը՝ ընդունակ ըլլալով քաղաքակրթութեան ամէն նրբութիւններու, անտարակոյս պիտի ըլլայ առաջնորդ և ռահվիրայ այն քրիստոնէական արշալոյսին զոր ինք սփռելու կոչուած է՝ իր նախահայրերէն իրեն թողուած երկնակամարին վրայ: Ճանչցիր մեր նախահարց մեզի թողած սուրբ ժառանգութիւնը և ջանա՛ միշտ պայծառացնել Հայ Գրականութիւնը:

Գ.— Հայ Գրականութիւնը՝ ազա՛տ հոգի վրայ և ազա՛տ երկինքի տակ միայն կրնայ զարգանալ, ուրիշ կերպ կարելի չէ, և այս նպատակին հասնելու համար Հայ Սո՛ւրբ, եթէ պէտք ըլլայ, պիտի ելլէ՛ իր պատեանէն՝ պաշտպանելու՝ իրաւունք և արդարութիւն, ազգային և եկեղեցական ամէն սրբութիւն, ազգային և եկեղեցական ամէն սրբութիւն ու նուիրականութիւն: Թո՛ղ Հայաստանի Աստուածը հսկէ մեր վրայ, որպէս զի միշտ կարենանք մեր նախահարց արժանաւոր յաջորդներն ըլլալ:

(Օր. Գրիչ և Օր. Սուր իրարու ձեռք սեղմած կը հեռանան բեմէն):

### ՈՂՉՈ՛ՅՆ ՏՈՒԷՔ ԻՄ ՀԱՅՐԵՆԵԱՅ

(ԱՐՏԱՍԱՆՈՒԹԻՒՆ)

- Ողջո՛յն տուէք իմ հայրենեաց կիսակործան տաճարներուն ,
- Ողջո՛յն տուէք աւերակաց Արարատեան գաւառներուն ,
- Ողջո՛յն տուէք դժբաղդ Հայուն , թշուառ Հայուն , չուառ Հայուն ,
- Ո՛հ , ձե՛ռք տուէք , ո՛հ , սի՛րա տուէք , ոգի՛ տուէք անկեալ Հայուն :
- Ողջո՛յն տուէք Աւարայրի արիւնաներկ սուրբ վայրերուն ,
- Ողջո՛յն տուէք Խաւար լուսնին , ողջո՛յն նաեւ շիրիմներուն ,
- Ողջո՛յն տուէք ի հող իջած արքայական սպաւառներուն ,
- Ողջո՛յն տուէք գեանատարած սրբոց ամբիժ մասունքներուն ,
- Ողջո՛յն տուէք ոլոր մոլոր յաւէտ վազող գետակներուն ,
- Ողջո՛յն տուէք բոլոր պղտոր , ազի լեզի աղբի բներուն ,
- Ողջո՛յն տուէք Հայաստանի լքեալ , բեկեալ որդիներուն ,
- Ողջո՛յն տուէք գոռ և հոժկու առոյգահաս կտրիճներուն ,
- Ողջո՛յն տուէք անոնց խամբած և այրած սեւ սրտիկներուն ,
- Ողջո՛յն տուէք մերկ և նոթի թափառական աղքատներուն ,
- Ողջո՛յն տուէք Հայ մանուկին որ մրմնջէ փառքն անցեալին ,
- Թո՛ղ մրմնջէ , թո՛ղ հառաչէ , մինչև տեսնէ Հայուն զարուն :

### ՔՆՆՈՒԹԻՒՆՆԵՐԸ

(Մեկախօսութիւն)

Օ՛խ , փա՛ռք քեզ Աստուած , հազար անգամ փա՛ռք , որ վերջապէս սա գրողը տանելիք տաժանելի քննութիւնները վ՛րջացան և քիչ մը ազատ շունչ առնելու երջանկութիւնը պիտի վայելեմ :

Ամիսէ մը ի վեր հանգիստ քուն մը և պատառ մը ախորժակով կերակուր վայելած չեմ . պատճառ՝ որովհետեւ քննութիւնները կը մօտենան , քննութիւնները պիտի սկսին , քննութիւնները սկսան , վերջապէս չարչարանքի ամբողջ շրջան մը : Առ քեզի վերաքալ , ամփոփում , հրանանդ , հարցարան , ժամանակացոյց , և այլն , ա՛լ վերջը չե՛ն բերեր : Ուսուցիչներն և ուսուցչուհիները , ասանկ օրերու , մէյմէկ պատուհաս կը գառնան , կամ գոնէ մեզի անանկ կը թուին :

Ա՛լ բան գործ չունիս նէ քիթդ գիրքերու և տետրակներու մէջ խօթած , աշխատէ՛ տան մէջ , աշխատէ՛ դպրոցը , աշխատէ՛ կէս գիշերին , աշխատէ՛ արշալոյսին , ուղեղդ ճանկոտէ , ե՛րկեցի աղօթքի վազէ , մոմ վառէ , իւր լեցնել սուր , հազար սուրբերը բարեխօս կանչէ , և վերջապէս ծովը ինկած մարգու մը պէս , անցնող դարձողէն օգնութիւն մուրա :

Եւ գիտէ՞ք ինչ է եղեր այսքան չարչարանքի փոխարէն սորվելիքնիս : Հաւատացէ՞ք որ շատ պարզ և չնչին բաներ : Օրինակի համար , քերականութիւնը 24 մասունք բանի ունի եղեր , չէ՛րք բայերը ան պատճառ սեռի խնդիր կ'առնեն եղեր , կրաւորականները՝ մակ-

բայէն կը շինուին եղեր, ածականը ձայնարկութեան հօրեղբայրն է եղեր և այլն: Ասոնք՝ հայերէն լեզուի փորձանքները:

Եկուր թուաբանութեան: Ա՛խ, այն ի՛նչ անտանելի և անհանգուրժելի պատուհաս է. հաւատացէ՛ք որ անոր անունն անգամ չիլերս թունդ կը հանէ: Տասնորդական ջախջախում, հասարակ կոտորակ, մեթր, էնտալէ, քիլօ, օլսա, չէքի, սանթիմ, կերպաս, ձէթ, գինի, ձորեն, փայտ, ածուխ, գործաւոր, համարար, համարիչ, բաժանելի, բաժանարար և փառք յաւիտեանս ամէն: Հիմա կրօնագիտութեան սկսինք: Իսահակ առաքեալ՝ Չինացիները քրիստոնեայ ըրեր է, Սողոմոն մարգարէն Սոկրատի մտերիմ բարեկամն է եղեր, Նաբոլէոն Պոնաքարդ Նաբուգոդոնոսորէն չարաչար յաղթուելով՝ Քոչինչին գերի տարուեր է. Քրիստափոր Քոլոմպոս Հոլանտա կղզիին մէջ ծներ և մեծ գեղարութեամբ ու տասը տարուան մէջ ձկնովա քաղաքը գտեր է եղեր, ևլն., ևլն., ևլն., ամէնքն ալ ասոնց պէս բաներ:

Աշխարհագրութիւնը որ հարցնէք, Աստուած ան ալ անփորձ պահէ: Կ'ուզէ՞ք գաղափար մը կազմել սորվածիս վրայ. անուատիկ. եթէ Նեղոս գետը չըլլար, Սիպերիան այնքան բարեբեր չպիտի ըլլար. Միսիսիփի լեռը Սահարա անապատին մէջ պզտիկ հրաբուխ մըն է եղեր. Մոզամպիք Հոլանտայի մայրաքաղաքն է եղեր. Հայաստանի սահմանները մինչեւ Մանչուրիա տարածուեր է եղեր. Թուրքերը հերոսաբար ջախջախուեր են: Աւստրալիա Զուելցերիոյ գիւղերէն մէկն է եղեր. Շուէտ Նորվեկիա առատօրէն խահուէ, շաքարեղէգ, պանան, վանիլիա, քաքաս, փղոսկր, սոկիի փոշի, ջայլամի

փետուր, ևլն. կ'արտադրէ եղեր: Այսպէս, կրնաք ըմբռնել նաեւ ուսման միւս առարկաները:

Սակայն... կը տեսնեմ որ... կակուղիկ կակուղիկ կը խնդաք վրաս: Այո՛, տիկիննե՛ր և պարոննե՛ր, իրաւցնէ ծաղրելի իմաստակ մը պիտի դառնայի, եթէ ըսածներս իրականութիւն ըլլային. մինչդեռ ճշմարտութիւնը սա է որ ես իմ ազատ կամքով և սիրայօժաբ եկած եմ այս վարժարանը, համոզուած ըլլալով որ հոս բան սորվելու և մարդ ըլլալու սամանուած տեղ մըն է:

Գիտեմ թէ դպրոցին մէջ աշխատութիւն և պարտաճանաչութիւն կը պահանջուի, թէ այս պարտքերը կանոնադրը պատիւ և վարձատրութիւն կը ստանայ, վերջապէս գիտեմ թէ ուսման ամէն ճիւղ իրեն յատուկ օգտակարութիւնն ունի և թէ միայն ծոյլերն են որ կ'արձամարնեն զանոնք և դժուար կը գտնեն:

Ինքլինքս գովել չըլլայ, բայց ես ալ ինձի համար պզտիկ արժանապատուութիւն մը ունիմ, և այս պատճառաւ բոլոր ուժովս կ'աշխատիմ ու կը հետեւիմ վարժարանին մէջ աւանդուած դասերուն, մանաւանդ միշտ կը ջանամ դասարանին առաջիններէն ըլլալ:

Ասոնք պարծենկոտութիւն չի կարծէք, ընդհակառակը. դուք ալ փորձով պիտի համոզուիք ըսածներուս ճշմարտութեանը, երբ քիչ մը վերջը օրիորդս անունս տալով՝ բարձրաձայն գոչէ. Օրիորդ... առաջին մրցանակ վարքի և աշխատութեան:

### Ո Ր Բ Ը

(ՄԵՆԱԽՈՍՈՒԹԻՒՆ)

ՏՂԱՆ. — Ո՛հ, Տէր Աստուած, ասանկ գիշերով ալ անօթի պիտի մնամ: Կազանդ է այսօր, ամէնքը ուրախութեան մէջ են, իսկ ես, պատառ մը հացի համար փողոցները կը թափառիմ: Ո՛հ, ի՛նչ ցուրտ է, ձեռքերս սառեցան, ամբողջ մարմնովս կը դողամ, (Շունչովը ձեռքերը կը սափցնեմ) և որքա՛ն անգուլթ են սա անցորդները, ակնարկ մը իսկ չեն նետեր վրաս, անօթութենէս պիտի նուաղիմ, ա՛լ կարողութիւն չի մնաց սոքերուս վրայ (բարի մը վրայ մտածկոս կը նստի՝ բռնըր սանելով): Մի՛, մի՛ խլէք հացը բերնէս, ո՛հ, որքա՛ն համով էր, քանի օր է որ փշրանքին կարօտը կը քաշէի. ո՞ր անգուլթը խլեց բերնէս (Շունքամ շուս կողմը կը նայի՝ աչքերը շփելով) Բայց ո՞ւր է այն հրեշտակը որ ինծի տուաւ հացը, և ո՞ւր է գողցողը. ոչ ոք կայ հոս, երա՞ղ է արդեօք: (կը մտածէ) Այո՛, այո՛, երա՞ղ ըլլալու է, ճիշդ է, քիչ մը հանգչիմ ըսի, քունս տարաւ: Անգուլթ ճակատագիր, չե՛ս թողուր որ գոնէ երազիս մէջ հրճուիմ: Ի՞նչ ընեմ, ո՛վ Տէր, չեմ կրնար գուռները զարնել, կ'ամչնամ: Սակայն, ես խենթ եմ, ա՛լ չեմ կրնար անօթի մնալ: (Դրան մը կը մօտենայ) Չէ՛, չե՛մ զարներ, ամօ՛թ է, նախատի՛նք է ինծի որ պատառ մը հացի համար մուրալու ելլեմ. թող անօթի մեռնի՛մ հոս, ու մուրացկանի անունը չունենամ. (ե՛ս կը փառուի) Հապա քո՞յրս, ո՛հ, խեղճ փոքրիկը հիւանդ պառկած, պատառ մը չոր հացի կը սպասէ. ի՛նչպէս պարապ ձեռքով երթալու է իր քով, չէ՛, չէ՛, չեմ կրնար զայն անօթի թողուլ...

(Դրան մը մօտենալով կ'երգէ). —

Ազնիւ հայրեր, բարի մայրեր,  
Ուրախ ապրիք շատ տարիներ,  
Հեռու ձեռնէ ցաւեր ու վիշտ,  
Այսպէս զուարթ ապրիք դուք միշտ:  
Ուրախութեան ձեր ազալակ  
Թնդացնէ փողոցն համակ:  
Ու խեղճ որբը կ'երգէ ի գուր  
Մուրացկանի երգը տխուր.  
Ականջ տուէք դժբախտ որբին՝  
Որ հաց խնդրէ պաղատագին.  
Բարի հասնիք շատ տարիներ,  
Բայց մի՛ մոռնաք մեզ պէս որբեր:

(Դուռը կը զարնէ. ներսէն ձայներ). — Մուրացի՛կ, անհամ երգովդ մի՛ նեղացներ մեզ:

ՈՐԲԸ. — Դիմացէն մէկը կուգայ, արդեօք ա՛ն ալ ինձ պէս մուրացիկ մըն է (մտիկ կ'ընէ):

(Անցորդը կ'անցնի խօսելով). — Փա՛ռք Աստուծոյ, այսօր ալ կրնամ գոհանալ. աշխատանքովս կը շահիմ ու կրնամ ընտանիքս երջանկացնել: Աշխատողն օրն է բուն, բարիք տանի միշտ իր տուն, համով սպիտակ հաց կը կերցնէ զուսկներուն:

ՈՐԲԸ. — Բարի՛ անցորդ, գլթա՛ որբիս:

ԱՆՑՈՐԴԸ. — Տղա՛ս, ինչո՞ւ այսպէս գիշեր ատեն փողոցները կը թափառիս, սա դիմացի հարուստ տունը գնա՛ որ լոյսերու մէջ կը շողայ. գնա՛, զա՛րկ դուռը, անշուշտ կը գլթան վրագ:

ՈՐԲԸ. — Գացի, բայց վաճառեցի՛ն զիս:

ԱՆՑՈՐԴԸ. — Վաճառեցի՞ն. անխի՛ղճ հարուստներ: Եկո՛ւր տղաս, թէ՛ և աշխատաւոր մըն եմ, սակայն իմ աշխատութենէս կրնամ բաժին հանել քեզ. ա՛ն այս գրամը ու գնա հաց առ:

ՈՐԲԸ. — Հարուստ սիրտ, աղնի՛ւ զգացում: Շնորհակալ եմ: Գիշե՛ր բարի:

# ՈՂՋՈ՛ՅՆ ԱՐԵԻ

( Արտասանութիւն )


Անոյշ արեւ բոցակեզ ,  
Ողջո՛յն , ողջո՛յն , ողջո՛յն քեզ ,  
Քեզ , որ կուտաս մեզ այսօր ,  
Ճաճանչներուդ հետ բոտր ,  
Վշտաչարչար հայ սրտին  
Ազատութեան աւետիս ,  
Ողջո՛յն , ողջո՛յն , ողջո՛յն քեզ  
Անոյշ արեւ բոցակէզ :

Ո՛հ , ա՛լ չի կայ խոր խաւար ,  
Չի կա՛ն ձեռքեր բռնավար ,  
Որոնք կապանն գանձն անգին ,  
Պատուոյն , ինչքին ու կեանքին ,  
Ու մեր մտքին լայն , թրթուռն  
Սլացքն արգիլէն թեւերուն .  
Չի կա՛ն ձեռքեր բռնավար .  
Ո՛հ , ալ չկա՛յ խոր խաւար :

Լեզո՛ւ , խօ՛սք , գիր ու գրիչ ,  
Ազատ առէ՛ք ձեր թռիչ ,  
Ազնիւ խո՛հ , վե՛հ գաղափար  
Պարզեցե՛ք դուք քաջաբար ,  
Ո՛չ հալածանք կայ , ո՛չ ցաւ ,  
Ապարէզը բացուեցաւ .  
Ազատ առէ՛ք ձեր թռիչ ,  
Լեզո՛ւ , խօսք , գիր ու գրիչ :

# Ն Ի Ի Թ Ե Ր Ո Ի Յ Ա Ն Կ Ը

Գրութի	Էջ
1. Հայրենիքը . . . . .	9
2. Հայրենի տուն (ոտանաւոր) . . . . .	11
3. Ի՞նչպէս պէտք է կարգալ . . . . .	12
4. Ծոյլը . . . . .	13
5. Աստուծոյ աչքը . . . . .	14
6. Աստուած ամէն բան կը ստեղծէ (ոտանաւոր) . . . . .	15
7. Հայ գիրերը . . . . .	16
8. Հայ եկեղեցին . . . . .	19
9. Տպագրութեան գիւտը . . . . .	20
10. Մէկ ժամուան արժէքը . . . . .	22
11. Մայրը . . . . .	23
12. Որքն ու գթութիւն (ոտանաւոր) . . . . .	24
13. Առաւօտեան պարտականութիւններս . . . . .	26
14. Առաւօտ (ոտանաւոր) . . . . .	26
14. Կէսօրէն յետոյ ի՞նչ կ'ընեմ . . . . .	27
15. Իրիկուն (ոտանաւոր) . . . . .	28
16. Սիրէ՛ աղգդ . . . . .	29
17. Հայ աղջիկը (ոտանաւոր) . . . . .	29
18. Հնազանդ աղջիկը . . . . .	31
19. Ասեղի մը խրատները . . . . .	33
20. Շատախօսութեան փորձանքը . . . . .	34
21. » » » Բ . . . . .	34



Գրութիւն	Էջ
22. Քաղաքացիին և գիւղացիին (նոտանաւոր)	36
23. » » Բ.	37
24. Համեստութիւն	38
25. Աշնանացան	39
26. Աշուն (նոտանաւոր)	42
27. Քիչով գոհ ըլլալ	43
28. Սարեակն ու ձագերը (նոտանաւոր)	44
29. Հոմանիչ բառեր	45
30. Բարի գործ մը	46
31. Գիւղացիին և օձը (նոտանաւոր)	48
32. Կաղնիին ու ծառատունկը	49
33. Մեր հարստութիւնները	50
34. Դժգոհ շունը (նոտանաւոր)	51
35. » Բ.	52
36. Պատրաստաբան տղան	53
37. Ծախու ձի	55
38. Կեանքի ծրագիրը	56
39. Առողջապահութիւն	56
40. Ձմեռը	57
41. Ձիւն (նոտանաւոր)	59
42. Երջանիկ տունը	59
43. Մայր իմ (նոտանաւոր)	60
44. Ուղղամտութիւն	61
45. Խնայողութիւն	61
46. Երկիրն ու ծովը	62
47. Խթման պուրիկը	65
48. » » Բ.	66
49. Որբը (նոտանաւոր)	67
50. Գարունը	70

Գրութիւն	Էջ
51. Չորս եղանակները	71
52. Թռչուններուն վերադարձը	73
53. » » Բ.	75
54. Հրաւէր (նոտանաւոր)	77
55. Ծաղիկներուն մէջ	77
56. » Բ.	79
57. Գայլն ու արագիւրը	80
58. Արագիւնն ու գայլը (նոտանաւոր)	82
59. » Բ.	83
60. Սմառ	84
61. Ոչխար	85
62. Շուն	86
63. Երկու աքլորներն ու արծիւը	88
64. Աղուէսն ու աքլորը (նոտանաւոր)	89
65. » » Բ.	91
66. Թեթեւ պակասութիւններ	92
67. Օրինակելի ազբիւրը	94
68. Կրակ, ջուր և պատիւ	95
69. Ծնողասէր տղան	96
70. » Բ.	98
71. Հայրենիքին համար	99
72. Հայուն ևոր Տարին (նոտանաւոր)	100
73. Մնացածը	101
74. Մայրիկ, մայրիկ (նոտանաւոր)	103
75. Փարոսին ազլիկը	104
76. » Բ.	105
77. Երկու ճամբաները	106
78. Կապիկ	108
79. Գող կապիկը (նոտանաւոր)	109

Գրուիս	Էջ
80. Եզնիկը . . . . .	111
81. Ձին . . . . .	112
82. Գեղջուկ ճշմարտախօսը . . . . .	114
83. » » Բ. . . . .	116
84. Արեան կաթիլը . . . . .	117
85. Օ՛ն, յառա՛ջ (ոտանաւոր) . . . . .	119
86. Մեծն Տիգրան . . . . .	120
87. Հայ Դրօշին (ոտանաւոր) . . . . .	122
88. Հերոս աղջիկ մը . . . . .	124
89. » Բ. . . . .	125
90. Վեհանձն զինուորը . . . . .	127
91. Յաղթանակը (ոտանաւոր) . . . . .	128
92. Գրիչ և Սուր (տրամախօսութիւն) . . . . .	129
93. Ողջո՛յն տուէք իմ հայրենեաց (արտաս) . . . . .	134
94. Իննութիւնները (մենախօսութիւն) . . . . .	135
95. Որբը (մենախօսութիւն) . . . . .	138
96. Ողջո՛յն արեւ (արտասանութիւն) . . . . .	140



2013

Հայաստանի Ազգային գրադարան

1995/



NL0438824

